

Cd

a



13.3.21  
43  
E  
50  
43  
D  
11

*M. Valgriffum*  
*Reverendissimus*  
**DISCEPTATIONVM**

REVEREN. PATRIS FRATRIS

Ambrosii Catharini Epí Minoricē.

AD R.P. ET SACRAE THEOLOGIAE

professorem Fratrem Dominicum Soto

Ordinis prædicatorum super quinque articulis

De Certitudine inhaerentis gratiæ. *Col. rom. S. 1*

De Prædestinatione Dei.

De Natura peccati originalis.

De Potentia liberi arb. in statu naturæ lapsæ.

De Desertione ac induratione Dei.

Liber.



BIBLIOTHECA NAZ.  
ROMA  
VITTORIO EMANUELE.

Romæ apud Vincentium Valgriffum.

M. D. LI.

THE HISTORY OF THE

REIGN OF CHARLES THE FIRST

BY JOHN BURNET

IN TWO VOLUMES

LONDON


Printed by J. Sturges

at the Sign of the Gun

in St. Dunstons Church-yard

1680

Price



Printed by J. Sturges

6  
14  
20

## DISCEPTATIONVM REVERENDI

Patris F. Ambrosij Catharini Episcopi Minorienſis Super  
quinque articulis ; Ad Reuerendum P. et ſacræ theo-  
logiæ profeſſorem Fratrem Dominicum Soto  
ordinis prædicatorum

Præfatio.



## VÆ NAM TENTATIO

hæc ? Ecce Apologia illa tua, aut uerius in-  
ueſtiua plena calumnijs aduerſum me, ſecun-  
dò ac tertio, tuo iuſſu typis excuſa, uniuerso  
orbi obruditur: Ecce et noua cõmentaria tua  
in Epiſtolam ad Romanos, ubi me, etiam  
citato nomine, in nonnullis articulis de quibz

bus in opusculis noſtris diſſerui, immeritò nec abſq; probro notam  
mihi temeritatis inurens, noſtrâ doctrinam inſectaris. Quid faciam?  
Tacebo? ut impunè falſo aduerſus ueritatem triumpho exultes? An  
potius ad hæc ingratiffima mihi contentionis ſtudia animum applica-  
bo? Certè id poſtulat cauſa ueritatis, & eius ueritatis à qua abers-  
rare Theologum, indignum puto: Scire autem illam cunclis ualdè  
utile cenſeo ac periucundum. Nam quos in controuerſiam adduxit  
articulos, in ea ſpeculatione uerſantur, qua ſūmi Dei Patris erga nos  
prouidentiam, mirifica benignitate dilectione ac ſapientia plenam, li-  
cet agnoscere, & magno cum gaudio contemplari. Qua notitia, ad  
roborandam fidem atq; ad excitandam erga illum in nobis charitatem,  
nescio num quid opportunius homini ſtudioſo poſſit occurrere. Quo  
circa nō curabo tui reſpõdere calūnijs et maledictis quæ in apologiã  
tuã amarus et plenus ſtomacho conieciſti. Hoc n. iam in Expurgas

A ij

tione nostra satis esse factum existimo: ut nunc meritò cōquerar contra te, quòd illam, ut æquum erat, non attexueris apologiæ tuæ, quòd uas luisset ab utroq; nostrum instructus lector, hinc inde inspectis collatisq; utriusq; rationibus, rectius de nobis & de rei ueritate proferre iudicium. Illud ergo mihi nunc operæ sumpsi, missa omni alia contentione, eos theologicos retractare articulos, in quibus, magistrali quadam ac tremenda censura, sententiam nostram reprehendis.

Tremendā dixi, si illi ueritas scripturarum suffragaretur. At quoniam illi proculdubio aduersatur, securos ab illa nos facis: quod ut spero ipsemet comprobabis. Sunt autem capitales articuli quinque. De certitudine gratiæ, De prædestinatione, De natura peccati originalis, De potentia liberi arbitrij in statu naturæ lapsæ: Deniq; De desertione ac induratione Dei.

DISCEPTATIO PRIMA DE  
Certitudine gratiæ.



NTEQVAM huius controuersię de certitudine gratiæ neruum attingam; duo mihi præsupponenda sunt. Primum, quòd nostra sententia hac de re cum hæresi & commento lutheranorum è diametro pugnat: quòd nec tu negas, & qui post te hunc tras-

tauit articulum Venerabilis Pater ac multæ lectionis Vir Frater Andreas Vega facillè comprobauit, scribens; Nos longo interuallo ab illorum dogmate dissidere. Et uerè longo interuallo. Illi .n. sola fide, & ob hoc solum, quòd ipsi firmiter credunt sibi esse remissa peccata, hanc se habere certitudinem prædicant, ac nihil ad eam conferre uim sacramentorum ac bonorum operum. Nos uerò contra,

Vega li. ix.  
cap. vii.  
fol. cxlvii.  
D.

cum sanctis doctoribus, imò & tecum, qui aduersus Lutheranos disputans, nostras partes eleganter defendis: hoc prædicamus & dicimus, supposita fide, per sacramentorum uirtutem, per poenitentiae fructus, per exercitium bonorum operum, & uitæ innocentiam, oriri ac roborari, & clariorem in nobis assidue fieri adeptæ gratiæ certitudinem: & insuper spiritum Dei id contestari nobis in corde nostro, quòd filij Dei sumus, & ab eo hanc certam fiduciam assequi, ut clamemus Abba Pater.

Secundo suppono, imò ex eo quod iam præsuppositum est deduco, contra hanc nostram sententiam, quæ non nostra est, sed sanctorum patrum, nihil pronunciaſſe synodum Tridentinam: quod ego in primo meo detexi libello quem ad Præsidentes ipsi Concilio Quorum alter nunc, Deo gratia est, sumus est Pont. Iulius Tertius et ad ipsam sacrosanctam synodum destinaui: eos alloquens his planè uerbis.

Addo quòd sæpius hoc protestati estis ambo uos Præsidentes, & specialiter in hac controuersia tum in conuentu patrum, tum uerò in congregatione theologorum, & ambos audiuius contestantes, non uideri sibi quæſtionem hanc discussam satis ad decisionem: Imò ipsamet sacrosancta synodus bis declarauit, huius rei definitionem tunc omitteſſendam eſſe, & in aliud tempus seruandam: sicut in actis poterit apparere. Deniq; ipsemet titulus noni capitis hoc manifestat abundè, qui sic habet. Contra inanem hæreticorum fiduciam.

Hæc ego ibi. Quis autem uerè christianus adeò deſipiat, ut ausit reprehendere eam fiduciam, quæ non in sola fide innitur, sed in operibus charitatis & in uirtute sacramentorum & in testimonio Spiritus sancti? Hanc inquam fiduciam, quis absq; multa inſcitia & arrogantia potest uocare inanem fiduciam hæreticorum? Quam dilectus ille discipulus adeò extollit, ut uocet fiduciam in conspectu Dei,

non hominum : ne tu humanā posses dicere : quum in conspectu summae Veritatis nulla alia nisi certa & diuina ueritas comprobetur . At haereticorum inanem fiduciam in eo capite, ipso titulo indicante , se dānare sancta synodus perspicuē profitetur ; quod tu nulla pars synodi tam audacter inficiaris .

Alia item argumenta ibi & in expurgatione nostra hanc circa rem attexui , quibus quāmlatissimè cōprobatū reliqui , hanc inter catholicos disceptatam controuersiam , non solum non fuisse decisā à sancta synodo ; uerum etiam nec tunc , optimis rationibus , ut Reuerendissimi Legati admonuerunt , decidi quidem potuisse , eò quòd quæstio per se tam implicita ac sinuosa , nostris disputationibus nihilo magis reddita esset clarior , quin potius obscurior . Nam tua inconstantia eò rem deduxisti , ut uix nunc intelligā quis status sit quæstionis , & utrum positioni nostræ aduerseris : ita obscure ac perplexè semper locutus es , modo aicens , modo negans , ut qui malam causam tuetur , qui ui argumentorum huc illuc fluctuans propellitur . Quam rem dum explico & palam facio , quæso patienter attende .

Primum cū in synodo de hac re sermo incidisset , exquiri à theologis ceptum est simpliciter . An homo iustus & Deo dilectus possit quouis modo certus esse suæ sibi inherētis gratiæ : nec de modo aut genere certitudinis exquirebatur . Et cū alij simpliciter inficiarentur certitudinem : ex aduerso surrexerunt qui tum scripturarum , tum sanctorum patrum sententijs , ualidè certitudinem comprobarent . Quorum auctoritati cū priores nequirent obsistere , tunc orta est distinctio de certitudine , & capillis confiteri , esse quidem nonnullam certitudinem , sed non fidei certitudinem . Sed cū etiam fidei certitudo patrum testimonijs probaretur , dixistis non esse certitudinem catholicæ fidei , aut tantam quanta est fidei catholicæ : cui



asserto nullus repugnauit. Tu uerò, quasi nos oppositum defendes remus, id est, fidei catholicae certitudinem, in libro tuo Denatura & gratia, quem confestim ut recessimus è Tridento publicasti, statum quaestionis aduersum nos proposuisti his uerbis:

Quaestio ergo est, utrum valeat homo citra speciale reuelationis priuilegium de cōmuni lege habere tantam certitudinem se esse in gratia, quanta est fides catholica.

Et paulo inferius.

Atqui interrogatio solū fit de certitudine quāta ē fidei catholicae.

Et iterum, tandem statum quaestionis ponens, ais:

Sola ergo constituitur quaestio de certitudine fidei catholicae, illiusue simili.

Hæc tu ferè in initio decimi capitis libri tertij. Et postea specialiter in catholicos disputans, & iterum statum quaestionis præfigens, in hunc modum, capite undecimo, scripsisti.

Contra quos (nimirum catholicos) statuitur hæc conclusio. Quamuis possit homo in hac vita pgrandes habere cōiecturas status sui in conspectu Dei, ut capite pcedenti dicere cœpimus, & paulo post amplius explicabimus: nemo tamen, præter speciale reuelationis priuilegium, potest tantam obtinere certitudinem legitimæ suæ actionis, qua cooperatur mouenti Deo, aut legitimæ receptionis sacramenti, ut æquo assensu iudicet se esse in gratia, illi quo christianus assentitur articulis fidei.

Hæc tu Soto in catholicos, tam securè eorum sententiam recitans, quorum tamen disputationibus te non interfuisse, ipsemet confiteris in apologia. Quamobrem ego in eodem libello hanc iniuriam expostulans, quod gratis catholicos infamaueris, illud eos statuens defendisse, quod ab eorum mente ac sermone longè distabat, meam sententiam quam in sancta Synodo de scriptis recitaram, recensui: ubi ne quis perperam nostrum sensum acciperet, declarauimus, nos non catholicæ fidei certitudinem, sed particularis fidei asserere: quam non

Sic testatur  
& Vega  
li. ix. ca. vii.  
fol. c. xlvii.

De natura  
& gratia.  
li.iii. ca.x.

esse tantam quanta est de articulis fidei, sane confessus sum. Quin et tu ipse parum tecum conslans, in principio tuæ disputationis id proponens quod nos defendimus, uerius expressisti his uerbis.

Subsequitur ergo iuxta præfatam in fronte diuisionem, ut in hac secunda parte de certitudine gratiæ dicere prosequamur. De quo quidem articulo, non solum cum Lutheranis, sed cum nonnullis catholicis, certamen nobis existit. Sane a quibus magnum nobis fuit negotium exhibitum, contendentibus, posse, debereque sustineri, quod in aliquot casibus potest homo, certitudinem, etiam fidei, habere suæ cum Deo gratiæ & amicitiae.

En ut planè ais, nos defendisse certitudinem fidei, non autem certitudinem catholicæ fidei. Cur ergo illud de tuo adiungis, catholicæ fidei certitudinem, aut tantam quanta est fidei catholicæ? Nunquid hoc est bona fide disputare, illud statuere à nobis dici quod expressim negamus? Dicimus enim fidei certitudinem, & expressim negamus certitudinem fidei catholicæ, aut tantam quanta est fidei catholicæ; quam tamen nos asserere tu supponis, dum illis uerbis statum quæstionis præfigis. Quòd si arguas, idem esse certitudinem fidei, & certitudinem catholicæ fidei, quia uno tantum modo accipienda sit fides: hoc non est statum ponere quæstionis, sed argumētari contra sententiam nostram qui secus sentimus, & principium petere: & si tu me huius dicti gratia immeritò reprehendas, & in margine annotari iusseris quasi ostentum, Duplex fides Catharini. Cui obiecto satisfacisse me arbitror in Expurgatione nostra, cui nihil respondes, uel quia dedignaris, uel certè quia soluendo non eras. Si quid .n. sentis, excutere poterat tibi pudorem responsio nostra. Qua .n. fronte duplicem fidem uituperas, qui nobis quincuplicem obtrudis, imò etiā octuplicē? Acquisitā, infusam, diuinā, moralem; humanā, catholicā, particularē, peculiarē, cui possit subesse falsum; cui non possit. Denique tu ipse confiteris, hominem perfectæ charitatis

ritatis esse aliquo modo certum suæ gratiæ, & hoc solum in dubium uocas, quæ nam sit hæc certitudo. Quum uerò certitudo nulla sit, nisi si quæ uel sit euidentiæ, id est, intellectus, uel scientiæ, uel sapien- tiæ, uel experimenti ad sensum minimè fallacis, uel saltem fidei, non uideo hanc certitudinem quam confiteris, quo in loco ualeas collocare, ut denomines eam nisi certitudinem fidei.

Dices, imò dicis: Hic fides non distinguitur ab opinione.

Opinio

Tu ergo Soto certitudinem in opinione statuis? An non certitudo firmum assensum importat? Qui autem opinatur, ut B. Thomas sæpè docet, infirmum præbet assensum: quod est inclinari in alteram partem cum alterius tamen formidine: quod profectò pugnat cum ratione certitudinis. Nemo .n. qui opinatur, modo sanus sit, asseret se esse certum. Et tamen sancti patres simpliciter huius rei certitudinem asserunt, & quidem fidei certitudinem quæ omnem metum atq; formidinem excludat: sicut clarè & expressè etiam Caietanus uerè testatur & docet. Quam rem in assertionibus nostris, quas præ manibus habeo ut (Deo dante) emittam in publicum, quàm latissimè elucidauimus. Quòd uero etiam in humanis opinionem à fide non segreges, tuæ est autoritatis, quamuis Philosophum pro te adducas, qui, ut ais, inter sex uirtutes intellectus non commemorat habitum fidei: & philosophi morales, inter scientiam & opinionem non ponunt medium: quasi uerò Philosophus sex uirtutes intellectuales commemoret, ut posset inter eas annumerare fidem. Et quid requiris à philosophis commemorationem uirtutis fidei de supernaturalibus, quas ipsi ignorabant? Et tamen, etiam in humanis, fides eò differt ab opinione, quòd fides quidem firmum assensum in sui ratione concludit absq; dubitatione ac formidine: opinio autem non ita: sicut superius à comuni acceptione doctorum declaratum est: à qua si recedis, tecum diz

*sputa, non cum alijs.*

Verum redeamus ad rem, & præfigamus aliquando statū quæ-  
stionis. Quia .n. exerte protestabamur, nos quidem certitudinem  
fidei defendere, non tamen fidei catholicæ, neq; tantam quanta est ca-  
tholicæ fidei: tu uidens nihil te euicisse, sed gratis nos infamasse;  
hac strophæ in tua apologia, te à calumnia uendicas. Dixisti enim  
quasi cernens abdita cordis nostri, nos intelligere, non esse tantam  
certitudinem extensiuè; at intensiuè tantam. Verum quoniam neq;  
hoc, nisi manifestè contentiosus, poteras defendere, cum ex nostris  
uerbis declararetur nec intensiuè nec extensiuè esse tantam: tu, ne  
frustra litigasse uidereris, & encomium uictoriæ leuiter concie-  
nuisse, adiecisti:

In apolog. Etiam si dicas non esse absolute tantam intensiuè, esse tamen tan-  
tam asseris quanta est illa fidei catholicæ quo ad hoc ut excludat  
omnem dubitationem.

Etiam falsò testaris me asserere quod nunquam scripsi nec sensi. Et  
si .n. ego fatear hanc certitudinem propriæ gratiæ in uiris perfectis  
ualidam esse ad excludendam omnem dubitationem: attamen etiam  
ad hunc effectum non adeò ualere sicut ualet catholica fides, propter  
publicum testimonium Ecclesiæ & omnium fidelium consensum, quos  
omnes aberrare, non est facile permissionis diuinæ. Est autem etiam  
in ipsa certitudine quæ amouet omnē dubitationem, latitudo: quod te  
latere non debuit. Cum igitur iam nullus tibi esset cōtentioni locus,  
ut honori tuo consuleres, coactus es rursus mutare iam abs te constitu-  
tum ac multoties præfixum, quæ superius de tuis uerbis protulimus,  
controuersia statum. Dixisti .n. nouissimè in apologia tua, statuēs  
dissidium inter nos:

Igitur ut missum faciamus Lutheranorum sensum, in quo repe-  
lendo summa est nobis concordia: dissensio quam inter tuam

meamq; mentem, nullam extra verba esse existimas, hæc est in re maxima. Porro quod tu arbitraris posse fieri hominem certū suæ gratiæ, certitudine, quæ licet nō sit æqualis fidei catholicæ, sit tamen vera fides, id est, omnem prorsus dubietatem excludens: atq; id quidem lege communi: nempe testimonio illo, quod, authore Paulo, Spiritus sanctus reddit spiritui nostro quod sumus filii Dei: Hoc ego vero, salua pace & autoritate tua, credo esse omnino falsum.

Hæc tu Soto. Vbi contra me hanc ponis conclusionem, nō posse dari propriæ gratiæ certitudinem ueræ fidei, id est, eius fidei quæ omnem prorsus dubietatem excludat. Sic .n. tu ipso ueram fidem exposuisti. Nunc te obsecro, ne ulterius audeas mutare statum cōstrouersię, sed cogites potius quid ualeas respondere ad sanctos patres, q̄ hac in re dubitationē sæpenumero & hæsitacionem & quancunq; formidinem propelli iubent. Nec tamen ita iubent, ut (sicut eleganter statuit S. Synodus) non concedant, pium hominem, dum seipsum & suam infirmitatem & indispositionem respicit, posse de sua gratia formidare. Sed uolunt, ubi non est ualida causa trepidationis, sed multa sunt argumenta securitatis, pavidam animam de Dei misericordia confidere, & abijcere omnem formidinem. Volunt innocētes & recenter baptizatos, & uerè pœnitentes absolutos, si nihil sibi sunt conscij, & pro sua infirmitate paruerunt Deo & sacerdoti, dignos fructus pœnitentiæ exhibentes, omnino quietam & pacatam habere conscientiam, nec dubitare aut formidare ullo pacto de adepta aut recuperata gratia. Et similiter ac multo magis eos, qui suā seruantes innocentiam, heroica charitatis opera fecerunt. Hæc est patrum & Ecclesiæ sanctæ doctrina. Quid est igitur quod ad tot, quot de eorum thesauris produxi sententias, tam explicatas, tam perspicuas, nihil unquam respondiſti Magister? An non legisti commentarios super Concilio Tridentino Optimi illius & mihi semper obs

seruandi Patris Fratris Andreæ Vega Hispani ordinis minorum & regularis obseruantia, qui cum pro tua hac opinione Tridenti disputasset, negans omnino certitudinem hanc posse iurè cōcedi, quæ amos ueat omnem prorsus dubitationem uel metum uel hæsitatiōē uel deniq; formidinem; superatus tandem à fulgore ueritatis, & Cui ipse ingenuē fatetur) à ui argumentorum quibus astringebatur, & Cui non dubito) præcipuē ab ipsa illius christiani pectoris conscientia & Spiritu sancto, qui internè pro ueritate deprecabatur, nostræ sententiæ albo calculo subscripsit: & ut par erat, aduersus ea quæ iam disputando longissimis sermonibus concluderat, palinodiam recinens, sibi ipsi anteposuit ueritatem, & pro illa, longo & efficaci sermone certauit. Quod ego etiam de te sperarem, si tu quoq; non, calore disputationis, animi perturbationem patereris, nec adedò tua amares, nec sperneres, ut fecisti, quæ in defensione nostræ positionis ad te rescripsimus, & nunc iterum rescribimus.

Conclusio ergo nostra in quam mecum tandem conuenit ille Vega cōtra te, hæc est: Posse in hominem, præter specialem reuelationem tot & tanta suæ gratiæ argumenta concurrere, ut non solum possit, sed etiam debeat (ut eius uerbis loquar) certò credere se esse in gratia, neq; uel tantillā de hoc admittere trepidationem aut formidinem, cum nulla se se offerre ualeat ratio aut causa dubitationis aut hæsitatiōis, quæ non confestim obruatur à maximis et præclarissimis testimonijs & argumentis, quæ uiro fideli & sapienti nec ignorantimisericordias Domini, certissimam firmissimamq; constituent de opposito certitudinem, ut nec si uelit, ualeat uacillare, modò quæ sunt fidei et premissionis Christi constanter teneat. Non.n. negamus posse aliquando etiam in sanctis et perfectis surrepere aliquos motus dubietatis aut hæsitatiōis siue formidinis de statu suo. Quid mirum? cum, ut do-

Vega li. ix.  
cap. xlii.  
fo. ccxvi. &  
inde usq;  
in finē li. ix.

cet D. Thomas atq; adeò ipsa experientia, etiam circa ea quæ sunt fidei catholicæ nonnunquam insurgant, fide tamen salua. Vnde Spiritus per fidem purificans corda, & suæ præsentia fidele testimonium præstans, citò fugat omnem dubitationem, & animam timore mæslam & deprecantem, cui non est pax à facie peccatorum suorum, miris modis solatur, & uerba ponit in ore eius, ut dicat quàm cōsidentissimè: Discedite à me omnes qui operamini iniquitatem, quoniā exaudiuit Dominus uocem fletus mei. Exaudiuit Dominus deprecationem meam: Dominus orationem meam suscepit. Quocirca illa trepidatio ac perturbatio, quæ à sancto timore uenit, & quam Sancta Synodus commendauit, gignit in homine bonæ uoluntatis & humilis deuotionis spiritum inenarrabilis fiduciæ & pacificam propriæ iustificationis certitudinem. Vnde eleganter D. Chrysostomus super eo psalmo: Talis, inquit, conturbatio est mater tranquillitatis: talis metus est fundamentum securitatis.

Hoc igitur iam euicto, quod hæc certitudo omnem penitus formidinem excludat, corrui omnis disputatio tua, quæ in opposita positone fundasti, non concedens huiusmodi dari posse certitudinem omnis prorsus dubitationis expertem, & propterea non posse dici certitudinem fidei. Si .n. omnem dubitationem excludit et formidinē certitudo hæc, quomodo potest esse nisi fidei certitudo, cum nec sit opinionis, nec scientiæ, neq; cuiusuis alterius habitus intellectus? Opinio .n. formidinem non excludit, ut propterea cogaris eam fidei esse certitudinem confiteri.

Verum adhuc unum reslat, quod est etiam ui argumentorum obstinendum. Permittere .n. uideris tu quandoq; hanc certitudinem dici posse certitudinem fidei, at non diuinæ fidei, sed humanæ. Quo in loco oportet primū te constituere differentiam inter humanam et



## DISCEPTATIO PRIMA

diuinam fidem, & sua nota unamquamq; distinguere. Dicis autem hoc interesse, quod diuina fides excludit omnem dubitationem: humana uerò non item. At eo stante quod iam conclusum est, hoc dici non potest. Iam enim constituiamus, hanc certitudinem nullam admittere dubitationem neq; formidinem. Certitudo enim firmum semper importat assensum, quem profectò non habet, qui de alterius partis ueritate formidat. Quamobrem hoc forassee uidens Venerabilis ille Pater Andreas Vega, cum hanc fidem etiam ipse uocaret humanam, coactus est confiteri, dari etiam humanam fidem quæ amouet omnem prorsus hæsitacionem atq; formidinem: quod & ipse, ut perpetuò à te ipso dissentias, aliquando concedis. Dixisti. n. te habere fidem, Vrbem Constantinopolim nunc esse, & ita certam ac firmam fidem, ut non sit in tua potestate aliter credere. Hoc autem quid est, nisi prorsus omnem dubietatem ac formidinem excludere? Alioquin quæram de te ipso; Vtrum absq; ulla formidine credas te esse christianum, hoc est, per Lauacrum regenerationis membrum Christi factum? Si te asseris de hoc dubitare aut formidare, certè ualde es miser. Et me profectò pœniteret, de dogmate christiano tractasse cū hōie nutate aut formidate ne fortè non sit christianus. Sin autē, ut existimo, huius rei fidem habes certam ac firmam: quæram iterum, Vtrum hæc sit fides diuina, an humana: Si primum fateris: à tota causa decidisti. Postest ergo homo certitudine diuinæ fidei scire se aliquando consecutum esse gratiam. Si autem dicis, humanam fidem esse hanc, non diuinam, ergo humanæ fidei non repugnat omnem excludere dubitationem atq; formidinem: contra quod tamen tu tuis uerbis, iam tandem statum quæstionis figens, constituisti, ut ex recitatis patet quàm manifestissimè. Hem sentis tandem uim rationis?

Credo sentiebas, & urgebaris argumento, & ideo (quanquam

Vega li. ix.  
cap. iiii. in  
principio.



ubiq; obscurus atq; perplexus) temperasti sermonem, inter diuinam & humanam fidem hanc differentiam subyiciens, quòd diuinæ fidei repugnat falsitas in obiecto, humanæ uerò non item. Hæc tua sunt uerba, quæ, ne cauillis huc atq; illuc detorqueantur, & nunquam ap-  
pareat ueritas, indigent explicatione :

Quæro igitur abs te, hoc obiectum quòd ego sim in gratia, si illi assentior, est obiectum diuinæ fidei, an humanæ? Et assensus quo illi assentior, est propriè assensus diuinæ fidei, an non? Vide quid hic responsurus sis, quia reuera quicquid responderis, ex tua doctrina confutabitur. Si .n. asseres, esse hoc obiectum diuinæ fidei, & illud esse assensum similiter diuinæ fidei, argumentabor ex tuis dignitatis  
bus : Statuisti .n.

Obiectum propriū fidei (proculdubio diuinæ) non est nisi Deus, & illa quæ ad spem nostrā pertinentia reuelata sunt in sacra scriptura, vel inde autoritate Ecclesiæ deducta & expressa. Ergo illorum duntaxat est assensus fidei.

Hæc ad literam tua sunt uerba. Ex quibus manifestè concluditur, quòd si cui reuelatum fuerit de propria gratia, & crediderit, non ex fide diuina crediderit, quia obiectum nō est diuinæ fidei, & omnino impossibile est, habitum ullum aut potentiam extendi ad obiectum extraneū ac non proprium. Cum ergo non sit fides diuina, superest ut sit humana, quoniam inter humanam ac diuinam (ut ais) non est dare mediam fidem. Quòd .n. diuina fides nō extendatur ad ea quæ ab Ecclesia determinata non sunt, in apologia me suggillans, his uerbis declaras :

Peristis exinde contendere in corroborationem tuæ cōclusionis, quod homo ex lumine fidei, non solum potest credere ea quæ ab Ecclesia determinata sunt ut credantur : uerum extēdi eius lumen ad ea etiam quæ sunt in facti contingentia. Id quod quibus aus

ribus fuerit exceptum in congregatione theologorum, dissimulauit ego in tractatu meo, & c.

Ecce quàm manifestè negas, fidei lumen extendi posse ad ea quæ nō sunt in Ecclesia determinata. Si quis igitur credat Deo reuelanti illi gratiam & charitatem erga se, non credet (iuxta tuam doctrinā) ex lumine fidei, id est, diuinæ fidei, & idèò humanæ. Et nihilominus contrà, ipsemet postea in apologia id contendis, quòd ubicunq; est specialis reuelatio Dei, ibi, si suscipiatur, diuina est fides & assensus diuinæ fidei. Verùm quoniam hoc tu negas ullibi scripsisse, sed me id per calumniam tibi obiectasse, Videamus uter nostrum in hoc peccauerit. Hæc tua sunt uerba;

Nemo ualet per fidem catholicam habere talem de se assensum quod sit receptus in gratiam Dei, præter illos qui ex priuilegio talem de se habuere reuelationem.

Qui ergo talem habuere reuelationem ex priuilegio, per fidē catholicam præbuere illi assensum. Hoc proculdubio uis uerborum designat, cū exceptio debeat esse de regula. Quare erit fides catholica per te de obiecto non proprio, siquidem tu ipse catholicam fidem definiueris, in yis duntaxat uersari, quæ determinata sunt ab Ecclesia. Quis igitur nostrum est calumniosus aut aberrat? Forte dices, Ego de catholica fide intelligebam quum obiectum fidei declarabam. Cur igitur non explicatè hoc dicebas, Obiectum fidei catholicæ est, & c. Et non simpliciter, Obiectum fidei, est, & c. cū tu specialē tuā illā fidē, et propriē fidē et diuinā fidē et parē catholicæ prædicaueris. Et quum dixisti, Lumen fidei non extendi ad ea quæ nō sunt determinata in Ecclesia, cur non explicasti simili modo, dicens, Lumen fidei catholicæ? Quod si explicasses, nihil aduersum nos conclusisses. Nemo .n. ita insanit ut putet fidem catholicam aut lumen fidei

fidei catholicae extendi ad obiecta particularia et nõ uniuerſaliter probata in Eccleſia. Quid igitur obſtat cur non meritò exclamauerim, O doctrinam obſcuram, perplexam, inconfantem, & contemptu magis atq; exploſione, quàm ullo ſtudio dignam, ne bonæ horæ peſſimè collocentur? Sed propter alios me cogis, ne quia ſic loqueris ut nemo ualeat quæ dicis capere, putent aliqui te oracula & myſteria effari de cælo. Nam uide, quæſo, qua ſanna me corripis, & quàm iniuſtè, quum ais:

Perſiſtis exinde contendere, & c.

Equidem perſiſto in eo quod dixi, & quàmmaximè: non quidem cõtendere, ſed ſubſtinere, lumen fidei extendi ad ea quæ ſunt in facti cõtingentia ab Eccleſia non deciſa. Non dixi, lumen catholicae fidei, ſicut uideris calumniari. Siquidem hoc potiſſimum egi in declaratione Decreti, ut pateret, hanc fidem quam nos defendimus, non habere obiectum catholicum, ac propterea non eſſe fidem catholicam, nec eius aſſenſum eſſe aſſenſum fidei catholicae: diuinæ tamen fidei aſſenſum.

Primum in eo libello unde tu hanc meam doctrinam, etiam cū proterua contentione coniunctam eruiſſe ſinxiſti, & in priore eius libelli parte antequam meum conuerterem ſermonem in errata tua, poſtquam præmiſi nonnulla pro declaratione Decreti, rem concluſi his planè uerbis. Decretum ergo dicens, q̄ nullus poteſt certò ſcire certitudine fidei cui non poſſit ſubefſe falſum, ſe eſſe gratiam conſequutum: non aliud ſignificare uoluit, quàm quòd hoc obiectum particulare de illo uel illo quòd ſit aſſecutus gratiam, non eſt obiectum fidei catholicae, id eſt, fidei uniuerſaliter comprobata: cui ſimpliciter non poteſt ſubefſe falſum, & c. En quàm euidenter declaro, nõ extendi lumen fidei catholicae ad huiusmodi particularia obiecta ab Eccleſia nõ cognita ſeu pro-

Enã Vega  
hoc fatetur  
li. ix. ca. iij.  
fo. cxliii B.  
et ca. xxxix  
fol. cxcix.  
D. cõtra ip  
ſum ſotū.

Verba au  
toris i prio  
ri libello.

bata. Et ad tertium argumentum respondens, ita scripsi: Cum hoc obiectum uidelicet de inhærentia gratiæ Dei nō immediatè respiciat fides catholica, non potest sciri certitudine illa fidei, quæ certò creduntur quæ sunt publicè ac certissimè reuelata. Et paulo post. Et propterea non potest hoc obiectum, scilicet, me esse gratiam adeptum, simpliciter & merè haberi à fide catholica cui non potest subesse falsum, ut ualeamus securè dicere: Hæc est mera ueritas fidei, quam ueritatem locutus est Deus.

Hæc ego in priore eius libelli parte, quæ attinet ad interpretationem Decreti. Sed & in posteriore, quæ habet defensionem catholicorum aduersum te, plerisq; locis exerte ac dilucidè idem exprimo & confiteor, quemadmodum ibi apparet, ubi ea colligo in quibus nos conuenire existimabam. Hæc igitur à me cū tā perspicuè explanata sint, quid igitur tam audaciter asseris, me secus docuisse, & in eo cōtentiosè persistere? Hæc erat nostra doctrina, quam, si potes, uolo reprehendas: Lumen infusæ fidei, hoc est, illius infusi doni à Deo quod dicitur fides, non solum se se extendere ad obiecta quæ sunt in scriptura sacra expressa et ab Ecclesia decisa, uerum etiam ad cuncta quæ internè reuelantur siue inspirantur à Deo: eò quòd proprium & adæquatum illius doni obiectum, est quodcunque à Deo fuerit reuelatum. Siquidem, ut ait B. Thomas, fidei obiectum est ueritas prima. Quòd si uerum esset quod ais, fidei obiectum solummodo esse quod proponunt scripturæ et Ecclesia Dei, sequeretur quòd antequam esset scriptura, non erant fideles neq; fides, & antequam multa ab Ecclesia determinarentur, non poterant ab ipsis maioribus apprehendi fide: et prophetæ, qui non ab Ecclesia, sed à Deo quæ postmodo scripta sunt accipiebant, non fide illa tenebant. Respondes autem ad hoc his uerbis:

Atqui quando obiectum fidei catholicæ aio illa penitus compres-

hendere quæ ab Ecclesia sunt proposita, loquor nunc secundum rei ueritatem, quando scripta est fides. Quid ergo defleētis ad ea quæ reuelabantur prophetis antequam scriberentur? Haud enim nego, quandoq; olim fuisse fidem citra scripturam: sed iam tamen præscripta nobis est.

Hæc tu Soto. Vnde duo quàm absurdissima colliguntur. Primum, quòd fidei catholicæ obiectum mutatum est postquam scripturæ factæ sunt: quo fit, ut quæ fuit antiquorum patrum fides, non eadem sit quæ nunc est nostra. Nam antea, fides catholica ferebatur in ea quæ non erant scripta, neq; ab Ecclesia probata: modò non ita est. Quis hæc audire ualeat absq; multo fastidio ac tædio? Saltem meminisses Casietanum tibi manifestè obfistere in com. ad B. Tho. 2.2. art. 1. propè finem commenti; ubi ait: Fides in nobis et apostolis et prophetis eiusdem est rationis, ac per hoc in idem resoluit. Constat autem quòd illi immediatè docti à Deo nō idco credunt, quia Ecclesia eis tradidit: sed quia Deus dixit. Hæc ille aduersum te manifestè, sed in re clarissima. Nam & B. Paulus aiebat, quòd eundem spiritum fidei accēperunt ipsi post scripturas sanctas, quem maiores. Gaudeo quòd & hac etiam de re te reprehendit Reuerendus ille Pater Vega, & quidem seuera censura coarguit, & meritò.

Li. ix. ca. iiii  
fo. cxliii.  
B.

Porrò aliud absurdum, quod tu in præscriptis uerbis admittis, quis ferat? Videlicet, quòd eorum quæ initio reuelabantur prophetis antequam ab Ecclesia probarentur, erat fides catholica. Vnde sequitur quòd omnes tenebantur ea credere, eo ipso quòd prophetis reuelata erant, quod est insanum dictu.

Plena est autem huiusmodi absurdis ac perplexitatibus tua hæc doctrina. Id uerò quamobrem, nisi quia discēdit à uero? Hæc est enim doctrina uera, apprehendi fide quodcunq; à Deo nobis reues

latum est. Nam etsi ea principaliter ad fidem pertineant quæ habent  
 promissionem æternorum: attamen, quia (ut B. Thomas eleganter doc  
 cet) quæcunq; Deus reuelat, ad illum finem referuntur; etiam lumen  
 infusæ ac diuinæ fidei ad hoc particulare de adepta gratia extendi non  
 dubitamus. Et miror uehementer, cum tu diuinam esse fidem confis  
 tearis, quando specialis ac priuilegiata reuelatio fit cui piâ de sua grâ  
 tia & ille credit; tamen esse diuinam fidem neges, cum attestâte mi  
 hi Spiritu sancto & inspirante (est. n. & in hoc aliquis reuelationis  
 modus) illi testimonio fidem habeo. Quid. n. quæso, minus habeat  
 quo impleatur ratio diuinæ fidei hæc fides, quam inspirante Spiritu  
 sancto concipio, quàm illa quæ priuilegiatæ reuelationi assentitur?  
 Si. n. obiectum spectatur, idem est, & supernaturale est, ad quod luz  
 men naturale non potest attingere. Quòd si motus fidei respicias, hic  
 etiam à Spiritu sancto est. Quid hic ergò deest quominus sit diuina  
 fides? Vrgebaris charissime hoc argumento, et à loco moueri coactus,  
 paulatim cedere incipis ueritati, non tamen ex toto: sicut qui figne tor  
 quentur non omnia confestim euomunt, sed arbitrantur q̄ ex parte cōs  
 fitendo abigent à se quæstionem: sed falluntur. Nam qui sapienter  
 interrogat, iubet eum etiam atq; etiam sublimem tolli, ut rem penis  
 tus ut sese habuit disertè exprimat. Sic me tecum agere oportet. So  
 to. Ais ergo:

Si vis coarctare nomen ut dicatur diuina ex parte causæ, scilicet  
 quia gignitur ea fides a Spiritu sancto, nihil mea refert: tamen  
 nō est simpliciter diuina: sed in modo retinet nomen moris hu  
 mani, ex eo quod reuelatio non sit simpliciter hoc more diuino,  
 scilicet ut omnino reueletur quod illud testimonium sit diuinum.  
 Hæc tu Soto. Permittis ergo ratione causæ uocari diuinā, simpliciter  
 autem diuinam negas. Igitur ut noua quæstione totum compella  
 ris fateri: Ego ne, quæso, coarctō nomen, an tu potius extra suos lis

mites extendis autoritate tua? An non illud (quæso) propriè diuinum est & dicitur, quod uel Dei est, uel quod in nobis Deo autore fit, aut ipso docente, nos facimus quod ad eum pertinet? Vnde sacrificium dicitur res diuina, & diuinum officium quod psalmis & hymnis et cæsticis spiritualibus constat. Sic dixit Philosophus: Furore percitos et melancolicos interdum diuina pati, quod arbitrabatur diuinitus aliquid agi in illis. Si igitur testatur nobis Spiritus sanctus; hoc testimoniū est humanum, an diuinum? Credo diuinum fateberis. Et cum ego hoc testimoniū fide accipiam; fide humana accipio, hoc est, solummodo à naturalis luminis potentia ac uigore, an uerò à superiore lumine? Certè iam tu confessus es, quod hæc fides in me gignitur à Spiritu sancto & diuino lumine; & cum ijs omnibus negare pergis esse fidem diuinam?

Ais, non est diuina in modo, quia retinet modum humanum: quia reuelatio non fit simpliciter modo seu more diuino. Quis has intelligat chimeras? Hic, quæso, mos reuelandi ac testandi internè iustis suā iustitiam, nonne est Spiritus sancti? Cur igitur non erit hic diuinus modus? Nunquid homo potest hoc facere, uidelicet, internè inspirare ac reuelare? O me miserum qui hæc persequi conor.

At, inquis, Non est hæc reuelatio tam certa sicut illa quæ est ex fide catholica, aut (ut more tuo loquar) ex fide speciali priuilegiata. Ergo erit propterea minus à Spiritu sancto? Quod si non ausis dicere tam apertum mendacium, sed esse à Spiritu sancto fateris, cur non ergo diuina? Eho tu, fides quam habes de Deo, & de Trinitate, diuina est, an humana? Credo diuinam dices. Putas autem tu tantam eius rei certitudinem habere quantam habuit Ioannes Euangelista & apostoli & propheta? Non credo audebis asserere. Nec tamen, si sapis, minus esse diuinam propterea fateberis tuam fidem, quàm ratios



nem eius quod diuinum uocamus impleuerit : sicut non minus est homo qui in utero est, aut puer, quàm qui uir fuerit & sapiens . Habent .n. & fidem diuinam existimo, qui interdum aliquos dubitationis motus patiuntur, sed non expugnantur .

Dices, Quomodo potest esse diuina fides & certitudo, quæ secum habet dubitationem, et cui potest subesse falsum, cum nec fidei nomen mereatur ? Primum illud negamus, q̃ hæc fides & certitudo huius fidei secum ferat dubitationem : quia repugnat fidei et certitudini admittere dubitationem, iuxta ueram uocum acceptionem, imo & iuxta doctrinam tuam, qui contra hæreticos pugnans, uerè dixisti, certitudo è diametro pugnat cum dubitatione . At iam hoc, etiam Vega ad nostras partes ueniente ac pro nobis pugnante, euiectum reliquimus . Quin etiam ipsemet fassus es, posse aliquem ad tantam gratiam peruenire, ut modo & more humano loquendi, aut nullam, aut certè tenuissimam dubitationem habeat suæ salutis . Quid est autem quod ais, More & modo humano loquendi ? Nunquid mendaciter, sicut scriptum est : Omnis homo mendax ? At qui suggerit ac testatur nobis Spiritus, non est mendax : cui si credimus absq; dubitatione, credo res etè facimus . Cur igitur non sit uera fides & diuina ? Quod .n. tu dicis hanc non mereri nomen fidei, tu solus dicis, & tacitè patres et nobiles autores taxas, qui illam absolutè eo nomine, sed immeritò te teste te magistro, nuncuparunt . De qua re latè in Expurgatione, & latius in assertionibus nostris .

Illud porrò quod sumis, Non posse esse diuinam fidem ubi potest subesse falsum : declaratione indiget . Si .n. obiectum ipsum spectemus tantū, ut sit sensus, quòd non potest esse uera & diuina fides circa obiectum cui suapte natura falsitas non repugnat : falsum est illud assumptum . Non .n. repugnat huic obiecto, scilicet illū esse in gras



tia, falsitas. Quare nec per reuelationem specialem & priuilegia tam posset credi diuina fide, slante illo quod sumptum est: contra quod ipse docuisti. Quod si edoctus à B. Thoma dixeris: At licet illud obiectum ex se consideratum possit recipere falsitatem: attamen, ut subest reuelationi diuinæ, non potest: si hoc inquam dixeris, similiter licet & nobis dicere, quod & hæc nostra fides huius obiecti, quod ex se potest falsitatem admittere, tamen ut subest testimonio Spiritus & ab eo gignitur, non potest. Hic non uideo quid ualeas respondere, nisi illud, quod miror potuisse unq̃ tibi & tanto logico & tanto philosopho in mentem uenire. Ais enim, assensum infirmum de articulo alio quo quanquam necessario, posse tamen esse falsum, & assentientē posse decipi. Id quod, hoc exemplo declaras, aiens in Apologia.

Disputant verbi gratia philosophi, an accidens quantitatis res distincta sit a substantia, sicuti color. Illa autē propositio necessaria est, si vera est: & impossibilis, si falsa. Sed quia assensus ille, Quantitas, alia res est quam substantia, non tollit omnem dubietatem, dicimus quod sic aut contradictorio modo assentiēs, potest decipi. Quare utraq; pars est opinio. Eodem modo loquimur de hac contingenti, Ego sum in gratia. Si .n. hoc mihi Deus reuelaret speciali priuilegio, uti Paulo: esset certissima fides, cui non posset subesse falsum. Quum autem mihi communi lege reuelat Spiritus sanctus per dulcedinem mētis quam mihi instillat, vel per alias coniecturas, quibus conicio habitare in me eundem Spiritum, licet (sub conditione loquendo) necessarium sit, quod si assensus sit a Spiritu sancto, idē sit verus: tamen quia non certo cognoscimus esse ab illo, dicimus quod potest huic assensui subesse falsum. Enimuero similibus coniecturis possem decipi.

Hæc tu Soto. Quæ & si in Expurgatione nostra dignam castigationem acceperint: non tamen propterea suam hic censuram debēt euadere. Primum, quis unquam philosophorum eam proposuit quæstionē,

An accidens quantitatis sit distincta res à substantia? Cùm hoc sit apud omnes compertissimum, omne accidens differre realiter à substantia. Illud ergo potius, non tamen apud philosophos, sed apud sophistas in quæstionem uocatur, Vtrum quantitas realiter differat à re quanta: non utrum accidens quantitatis. Ad hæc, eo posito, q̄ quantitas differat à substantia, seu re quanta, ut differt reuera, & theologus id tenetur fateri: falsum est quod ais, sic opinantem posse decipi, ita ut possit esse falsa opinio illa, q̄ quantitas differat à substantia, cum oppositum sit impossibile. Quis .n. parum promotus in logicis hæc ualeat somniare? Certè Aristoteles, à cuius doctrina tua logica ualde distat, eam regulam nobis tradit: Ab eo quod est uel non est, propositio aut opinio uera censetur aut falsa. Et pari modo necessaria uel impossibilis: nō autem ab assensus nostri firmitate uel infirmitate. Non .n. quia opinetur quis & non firmiter credat Deum esse; aut Deum esse trinum, iccirco illi assensui poterit subesse falsum. Sicut ergo si Deus tibi reuelaret speciali priuilegio tuam gratiam, illi assensui quo tu illiusmodi reuelationi assentires, non posset (ut ais), subesse falsum, nec tu assentiens posses decipi: sic & illi iusti quos Spiritus sanctus informat de gratia sua, assentientes testimonio Spiritus, non possunt decipi: id quod B. Thomas in eo ipso loco Apostoli planè docet. Imò tu ipse perpetuò inconstans ac tibijpsi aduersans, in ea tua apologia id, ueritatis impulsu, confessus es his uerbis:

Cum autem Spiritus sanctus interne unicuiq̄ per inditia & coniecturas & quas tu uocas circumstantias reuelat statum gratiæ: adest quidem prima causa certitudinis, scilicet internum lumen, a quo qui manat assensus non potest esse falsus & c.

En ut expressè & uerè dixisti, quod assensus qui manat ab interno illo lumine Spiritus sancti, non potest esse falsus, & consequenter non potest

test decipi: & si, ut uis, non illi constet esse spiritum Dei, illius as-  
sensu fabricatorem: Quod tamen ab omni prorsus uerisimili longè  
abest, uidelicet, Spiritum sanctum mihi testari, & cum hoc, nolle mihi  
se se insinuare testem, cum testimoniū uis in notitia personæ testis uer-  
setur: nisi uelit testari frustra: quod non est suæ bonitatis. Quos  
circa Beatus Ambrosius id perspiciebat, & ut clauderet ora sophisti-  
ca, expressim ait, Spiritum sanctum utrūq; efficere, hoc est et testari, et  
se esse testem ostendere. De qua re latius in Expurgatione nostra et  
in assertionibus.

B. Ambro.  
in epi. xxii.  
lib. v.

Conclusum esto igitur et euiētū uel ex uestris rationibus et cōfesse-  
sionibus; præter specialem reuelationis priuilegium, concedi posse ho-  
mini iusto certitudinem de sua gratia, & certitudinem quidem fidei;  
non tamen catholicæ fidei, sed diuinæ fidei quæ possit amouere omnem  
dubitatem ac metum siue hæsitacionem ac formidinem: Cui licet ex  
natura obiecti possit subesse falsum; tamen ut à lumine diuino procedit  
& à recto examine conscientiae, subesse falsum nequaquam possit:  
Et qui habent donum discretionis Spiritus & diuinas regulas probā-  
di Spiritus Vtrum ex Deo sint; si ijs legitimè utentur, non poterunt  
decipi: Quia prouidentia Dei, ambulantes in simplicitate cordis et hu-  
militate, ac propterea diligentes & quærentes tum oratione tum obser-  
uantia mandatorum Dei, ueritatem; prohibet ne ab hoste decipiātur.  
Vnde scriptum est: Qui ambulat simpliciter, ambulat confidenter.  
Et: Si intrauerit sapientia cor tuū, et scientia animæ tuæ placuerit, cō-  
siliū custodiet te, & prudentia seruabit te, ut eruaris à uia mala &  
ab homine qui peruersa loquitur. Hic præcipuè Diabolus est. Des-  
niq; quale esset Spiritus sancti testimonium, si eo recepto, adhuc uersa-  
ri uellet nos in incerto, non faciens fidem, sed in perpetuo deceptionis  
periculo fideles & humiles & amicos suos manere dubios ac suspens-

fos, nec ferat secum lucem aliquam qua nosci ualeat, utrum qui testatur, spiritus Dei sit, An uerò Satanae? Quare hoc in loco te ad te ipsum remitto, ut metuas ne hæc tua opinio iniuriam faciat ipsius Spiritus bonitati.

Illud porro quod ais, potest homo decipi in hoc, & potest putare esse Spiritum sanctum testificantem qui tamen erit fortè Spiritus satanae, cum ille sæpe se transfiguret in angelum lucis: nihil nos mouet. Nā hoc periculum, est etiam in altioribus reuelationibus, etiam in illa quā tu priuilegiatam uocas: quod multorum exemplis comprobatur, qui circa illam decepti sunt existimantes certò & absq; ullo dubio se specialem à Deo habuisse & claram dilucidamq; reuelationem: Qui tamen comperti sunt ab Angelo tenebrarum decepti. Quòd si dixeris, Quando illa est uerè Spiritus reuelatio non potest esse deceptio; etiam nos dicimus, quando est uerè illa Spiritus sancti testificatio, impossibilis est deceptio.

Quod nihil eorum quæ aduersum sententiā nostram obiecisti habet quicquam roboris.

**H**UNC articulum et si satis explicauerim in Expurgatione ut hic uideatur superfluum repetere, C nā & ex ijs quæ superius disputata sunt, tu ipse, si uelis illā philautiam parumper ab animo excutere, facillè poteris animaduertere, & qui tua leget attentè & cum iudicio, facillè hoc idem deprehendet, ne tamen dicas me non meminisse uel nō considerasse; hanc totam causam paucis perstringam, quæ obiecisti in libro De natura & gratia, tam in lutheranos, quā in nos, uternas contra nos nihil habere momenti.

Igitur ut quid aduersus lutheranos moueres primum declarares, dixisti:

Propositum ergo hic est demonstrare, quod certitudo quā quisq; habet sui erga Deum habitus & status: non solum pēdere ex diuina promissione per se absolute cogitata, sed ex sua etiam ipsius operum qualitate.

*Hæc tu. Et addis rationem, quoniam promissio huius rei conditionē habet, quæ pendet à facto & ab operibus nostris. Ecce hoc primum tuum argumentum in illos, pro nobis facit: qui præter fidem, facta et opera nostra dicimus adiuuare ad certitudinem: quam ne dum tu non negas, sed etiam ueluti rem compertam, ab uno quoq; haberi præsupponis.*

*Secundum similiter argumentum pro nobis facit, ubi ab interpretatione Bucer non abhorrens circa hunc articulum, ita scripsisti:*

*In eiusdem loci expositione Bucer ait, quod articulus ille solum poenitentibus & uere poenitentibus & habentibus fidem uiuam præcipit statuere fide certissima, se assequi gratiam. Hic precor attenti sint legentes omnes, quemadmodum isti, qui ex principio tam a nobis diuerso, controuersiam hanc submouerunt, quam iā solis differentes verbis nos deludant. Quis dubitat quin uere poenitentes habentesq; fidem uiuam, salutem per Christum obtineant? Quis nam autem sit uere poenitens, habeatq; fidem uiuam, hoc est quod nos dicimus non posse certitudine fidei catholicæ deprehendi &c.*

*Hæc tu Soto. Ecce quod iam fateris, Bucerum solum uerbis, nō sensu à nobis eo in loco discrepare; quoniam ille fidem certissimam statuit; tu solum negas catholicam: in quo nobiscum es.*

*Tertium similiter argumentum in eos, si quid concludit, concludit contra fidei catholicæ certitudinem; non contra illam quam defendimus. Ais enim:*

*Praua opera sunt obstaculo gratiæ. An vero in aliquo iniquo opere aut saltem cogitatione perscueremus, nemo potest habere*

certitudinem fidei catholicæ. Ergo neq; certus esse quisquā potest diuinæ in se existentis gratiæ.

Hic est Syllogismus, quem etiam expositorium uocas, (de quo te remitto ad logicæ peritos, apud quos arbitror te deridendum penitus exposuisse) & in conclusionem cruvis (nisi per glosam adiuues) prorsus extraneam, & manifestam fallaciam præ se ferentem: sicut qui ab eo quod est secundum quid, eliciunt quod est simpliciter. Qui .n. des bebas ex sumptis cōcludere: Ergo neq; certus esse quisquā potest certitudine fidei catholicæ, diuinæ in se existentis gratiæ; tu absolute cōcludis, omnem modum certitudinis complectens. Ergo (inquis) neq; certus esse quisquam potest diuinæ in se existentis gratiæ. Quæ cōclusio, si ex præmissis absolute recipitur, neq; posset homo adulter & in adulterio perseverans, certus esse se extra gratiam Dei esse, quia ex fide catholica ignorat se esse adulterum. Et hoc lucri nobis affertur ex Syllogismis tuis, & illis quidem expositorijs mi frater.

Quartum argumentum & quintum, ad nos similiter nihil, sed uerè ad te, de quo te reprehendi, quum sumeres ut dignitatem, Ad ea quæ naturalia sunt nemo obligatur.

Pudet etiam me tui honoris gratia, pigetq; responsionis tuæ, quam in apologia tua mihi reddidisti. Sed in Expurgatione nostra ita est confutata, ut nihil libeat addere nisi ut tu ipse consideres, neq; negligas famam tuam.

Sextum argumentum nihil ad nos. Septimum uerò etiam pro nobis, ubi ad responsionem quandam Bucerii in hunc modum rescribis:

At vero solutio Bucerii erat illis egregie festiua, scilicet quod fides facit hominem certum se esse in gratia quando habetur per mortu Spiritus sancti. Ecquis hoc vnquam dubitare potuit? Sed tamen quando ille mortuus sit a spiritu sancto, de hoc dicimus non posse haberi certitudinem fidei catholicæ.

Hæc tu soto. En quàm clarè & tanquam re omni dubio carente concedis, fidem certos nos facere diuinæ in nobis existentis gratiæ, nō tamen certitudine catholici fidei: quod & nos dicimus. Et quanquam hoc in loco te errasse fateris in apologia, & aliud scripsisse quàm esset tuæ mentis; ego tamen non possum aliud putare, nisi te illud scripsisse à ui ueritatis impulsus: quod quū postea admonitus attenderes tuis positis aduersari; mutasti uerba: sed ita mutasti, ut malè cohæreant: quod in Expurgatione satis ostendi, & acutus lector faciliè ualet deprehendere.

Octauum item argumentum ita lutheranos expugnat, ut nobis uehementer faueat. In illo .n. uniuerso tuo discursu non obscurè concedis nobis gratiæ certitudinem & consequenter assensum carentem omni dubitatione: siquidem te fatente, imò & in lutheranos hoc obiectante, dubitatio è diametro cum certitudine pugnat, ut qui certitudinem fateatur, simul dubitationē excludat. sed præstat et hic tua uerba colligere. Ais enim aduersus illos:

Quis adeo sit delirus, ut negare possit, eum qui totam uitam innocentè transegit, maiorem habere conscientiæ tranquillitatem & securitatem atq; adeo certitudinem gratiæ, quàm illū qui postquam perditissime uixit, per motum fidei credit & fidei omnia sibi condonari scelera & flagitia? Atq; ex duobus, qui ex inquina ta scelestaq; uita resipiscunt, ecquis sanæ mentis dubitet quin ille, qui pluribus pœnitentiæ fructibus scelera sua expianda curauerit, certior illa ratione fiat suæ salutis, quàm ille qui tantum à peccatis cessauerit?

Hæc tu Soto. Vbi clarè fateris gratiæ certitudinem ac propterea conscientiæ tranquillitatem ac securitatem, præcipuè in eo qui innocentè uitam traduxerit, et in eo qui post peccatū, plures pœnitentiæ fructus egerit.



Adiecisti & querelam quod illi insimulant, & falsò criminantur huius iniquitatis, & iubeatis pavidas conscientias dubitare. Vnde et cōfiteris per bona opera cōstabiliri confirmariq; certitudinē nostrā salutis: nec posse nos habere certitudinem nisi quieta conscientia. Et produciens illa uerba Dilecti: Si cor nostrum non reprehenderit nos, fiduciam habemus ad Deum.

Magnum, inquis, hinc sumitur argumentū quod certitudo nostra magnopere confirmatur ex nostra conscientia, quæ dubio procul ex operibus quammaxime pendet.

Hæc tu Soto. At nos quid amplius dicimus?

Nonum argumentum, quod tamen nullam habet faciem argumenti, & nihilominus militare ais etiam contra nos, non aliud concludit, (si modo quidpiam concludit), quàm quod homo fidelis non potest tam esse certus certitudine fidei se esse in gratia, quàm ipse certus est de articulis quod Deus sit Trinus & vnus, uel Christus Deus & homo: quod nos tibi, etiam sine argumentis, milies concessimus.

His igitur explicatis quæ aduersus lutheranos conflasti; superest ut quæ aduersus catholicos emisisti exponam, ut similiter ostendam aut nihil contra nos militare, aut imbecilla esse prorsus atq; infirma, & quæ faciliè retundantur.

Primum est ipsa Lutheranorum confessio. Illi .n. confitentur tanquā rem euidentem, quod si iustificatio pendet aliquo modo ex operibus, nullo modo esse potest certitudo gratiæ quanta est fidei catholici: quia de conditione nostrorum operum corā Deo non potest tanta haberi certitudo. Quare si nos uolumus certitudinem catholici fidei substinere, oportet non in operibus nos inniti, unde peruenire tanta certitudo non potest; sed (ut Lutherani faciunt) in sola fide, ut sit firma promissio. Sed hoc argumentum, sicut et reliqua ferè cuncta, tuā



manifestat deceptionem : quia falsò putasti, nos defendere certitudinem fidei catholicæ, contra quam solum concludis. Quòd si cõtra nos illud exeras ; gerit secum manifestam infirmitatem ac fallaciam. Dico infirmitatem, quia circa qualitatem & conditionem nostri & nostrorũ operum coràm Deo lutheranorum autoritate inniteris, qui ita opera spernunt & merita, ut nihil coràm Deo ualere illa affirmant, & nihil ad certitudinem gratiæ promouere : contra quos tu tantopere laborasti. Dico fallaciam, quia ita argumentaris, Opera non faciunt hanc certitudinem : Ergo si hæc certitudo asseritur, non ab operibus asserenda est, sed à fide tantum, ut aiunt Lutherani. Hoc autem est hæreticum : Ergo nullo modo potest cõtingere certitudo. At hoc nil aliud est quàm si quis uolens probare nullam esse hominis iustificationem, similiter dicat : opera ex se ipsis non iustificanti : ergo si iustificatio est, ex sola fide est. Hoc autem Lutherani est : Igitur nulla iustificatio est. Et non uidisti nihil per hoc absurdi contingere, si ponatur iustificatio nec à sola fide nec ab operibus solum, sed à fide simul manare atq; operibus. Et similiter certitudo, si dicatur non ab ipsis tantum operibus constari : Sed ab operibus simul cum fide, quæ habetur tum scripturis & Ecclesiæ, tum testimonio Spiritus sancti. Nam his modis ipsa certitudo conflatur. Sentis ergo iam argumentum hoc primum uel nos non petere, uel si nos petit, delassari penitus & euanescere à patenti fallacia ?

Secundum argumentum eruis à doctrina B. Thomæ in propria quæstione : concedis tamen, illũ ibi prætermisisse expressè concludere cõtra certitudinẽ fidei : sed hoc, q̃a nunq̃ fuerat suspicatus, posse quenq̃ cogitare quòd reuelatio fidei catholicæ extenderetur ad particularem et proprium statum huius uel illius personæ & c. En ut perpetuò illo errore laboras, quasi nos fidei catholicæ certitudinem defendamus.

lib. xiii. de  
trinit. ca. i.

Quamquam fortè aliud hic intēdis, quod alibi mordicus tenes, uidelicet, quod infusa à Deo fides non extenditur ad hæc particularia et cōtingentia propria illi aut illi. Et hoc putas te sustinere iuxta doctrinam B. Thomæ. Ego uerò & ipsum B. Thomam & B. Augustinum contra hoc tuum dictum produxi, eo quod uterq; doceat manifestè, quod homo potest ex lumine infusæ fidei suam ipsam fidem agnoscere, ac propterea lumen fidei extenditur ad hæc propria & particularia: quod tu negas. Augustinus .n. ait: Fidem porro ipsam (quam uidet quisq; in corde suo esse si credit, uel non esse si non credit) aliter non uimus, non sicut corpora quæ uidemus oculis corporeis & c. Non sic uidetur fides in corde in quo est, ab eo cuius est, sed eam tenet certissima scientia, clamatq; conscientia. Cum itaq; propterea credere iubeamur, quia id quod credere iubemur, uidere non possumus: ipsam tamen fidem, quando inest in nobis, uidemus: quia & rerum absens tium præsens est fides: & rerum quæ foris sunt, intus est fides: & rerum quæ non uidentur, uidentur fides. Hæc ille. Tu uerò quid ad hæc? Primum, quod ego falsissimè citauī autores. Non dixisti quod perperam intellexerim dicta autorum, sed quod falsissimè citauī illos. Quia uerò hoc in factō consistit, & quamfacillimè deprehendi ueritas potest, nihil hic est negotij, nisi ut perspiciamus citationē meā, & tuam simul, quæ in scriptis utriusq; nostrum apparent; tum conferamus cum uerbis ipsius Augustini, ut palàm uideamus, quis nostrū falsissimè citauerit. Etenim ego, ut supra præscriptum est, citauī ad literam: Fidem porro ipsam & c. Tu autem quomodo citas? Ais: Nota uerba Augustini: Video me credere si credo, & me non credere si non credo. Ego uerò cum ad hoc tam patens mendacium cogitationem meam flecto, nescio quid de te existimem, utrum reuera prudens & sciens te calumniari, ea scripseris: id quod esset uiri flagitiosi

flagitiosi ac scelesti, an uerò (quod tu in me sæpius obiecasti) atra percitus bili, ea uerba legisti, nō quidem in B. Augustino ubi nō sunt, sed in phantastico quodam obiecto, quod passio & atra illa bilis tibi cōfixit. Deo gratia est, Codices Diui Augustini ea uerba expressè habent ad literam sicut ego citavi, non sicut tu in apologia, ubi me falsissimè citasse tu uerè falsus, si non etiam fallens, ausus es incusare: Vnde miratus sum, postquam te huius errati admonui, siue consultò feceris, siue temerè, quòd non sis dignatus emendare, nec te reprehenderit conscientia:

Quòd si dixeris, ita debuit intelligi Augustinus, scilicet, de actu fidei, non de habitu. Cur ergo aisli. Nota uerba Augustini, Video me credere &c. Cum non sint illa Augustini uerba, sed ea quæ ego ipse fideliter produxi. Nam & tu in priore libro ea fideliter produxisti, sicut & ego. Alioquin quæ nam fuisset illa doctrina & quàm illustris? Video me credere si credo? Quis de hoc poterat dubitare?

At uerò tu thesauris logicæ seu dialecticæ, ut uocas, refertus, & magistraliter mecum agens, ais:

De actu loqui ibi Augustinum: non de habitu: quia uideri habitus non potest. Vnde ais: Haud unq̃ somniauit Augustinus, q̃ quis videat habitum.

Quapropter inscitiam meam corripiens, subiicisti:

Vide quo te præcipitat ista dialecticæ ignorantia, quā tu publice contemnendo confiteris perparum fuisse tibi curæ.

Esto igitur prima quæstio de sensu Augustini, utrum dicendo, Fidem ipsam, quam uidet quisq̃, de actu fidei intellexerit, an uerò de habitu. Tu de actu asseris, quia dialecticam calles. Ego uerò de habitu, quia B. Thomas sic intelligit 1. q. 87. art. 2: Est .n. ibi doctrina aperta sancti Doctoris, sicut in Expurgatione nostra planè ostendi. Cui nō

dignatus es respondere. Sed nec poteras, nisi dixisses, etiam sanctū Doctorem in illud se præcipitium coniecisse, quia Dialecticam ignoras uir. O mi Soto, quid si quis tibi pro me respondeat: Vide tu quò te præcipitat elatio atq; nimia de teipso præsumptio, & aliorum conspectus? Etenim magistraliter et tanq̃ in manu ferulam gestans, me interrogas ut respondeam, Num tu uideas Deum esse trinum: ut si discerem te hoc uidere, argueres me de falso propter ignorantiam dialecticæ. Ego igitur sic respondi: Quid ipse uideas nescio: si autem de me interrogas, respondi quòd uideo Deū esse trinum: Dixit enim Dominus discipulis de Patre suo: Amodo cognoscetis eum et uidistis eum. Quomodo autem uidisse dicuntur Patrem, qui inuisibilis est? B. Thomas exponit: Viderunt Christum secundum carnem assumptam in quo erat Verbum, & in Verbo Pater: unde in ipso uiderunt Patrem. Hæc ille. Imò ipse Dominus qui dixit: Qui uidet me, uidet & Patrem meum. Nihil ergo absurdi est dicere, quæ sunt inuisibilia conspici per ea quæ uidentur. Ad eum modū dixit B. Augustinus uideri animam per actus corporis. Sic et substantia per accidentia uidetur. Deniq; frequentissimus est hic modus loquendi apud omnes patres. Vbi igitur est illud præcipitium meum ab imperitia dialecticæ?

De Beati Thomæ uerò sententia, quòd homo possit scire certitudine fidei se habere infusam fidem; & Caietanum produxi hoc expressè declarantem, & reuera absq; illius declaratione, ex ipsius B. Thomæ uerbis colligitur. 1. 2. q. 112. art. 5. ad secundum: ubi expressè ait, quòd qui habet fidem, certus est se habere fidem. Et manifestè de habitu loquitur, non de actu: & de certitudine fidei oportet eum loqui, ut rectè Caietanus exponit.

Illud uerò quod mihi opprobras, me publicè contemnere dialecticæ

*Etiam : cum cæteris manifestis calumnijs , quibus meæ famæ derogare conniteris , permitto transire . Ego .n. quamuis indoctus omnium disciplinarum atq; imperitus : attamen illas colo , & publicè ac priuatim , pro uirili , aduersus contemnentes defendo : quod et in nostris iam editis multis opusculis satis patet . Verum ad rem unde digressus sum , regredi iam admoneor .*

*Quòd attinet ad secundum hoc tuum argumentum ab autoritate B. Thomæ , ubi fateris , illum prætermisisse hoc membrum de certitudine fidei : mecum sentis . Quòd uerò ob eam quam dixisti causam prætermiserit ; non accipio : est enim commentum tuum . Illud item quod addis , quòd B. Thomas excludens certitudinem scientiæ quæ est minor certitudo , multo magis censetur exclusisse certitudinem fidei , quæ est maior certitudo : tanquàm minus consideratè abs te dictum excipio . Si .n. hoc uerum esset ut ais , nihil haberemus certum ex fide : quonià eorum quæ sunt fidei non est scientia . Si enim esset , iam fides non esset ; sed maius lumen à minore non expellitur . Quocirca & in hoc te reprehendi , quòd non distinxeris certitudinem ex se , & quo ad nos : nec satisfecisti respondens in apologia tua : quod in nostra Expurgatione latè detexi .*

*Et quia error errorem parit , reprehendi regulam illam tuam , ut potè ex priore errore deductam , uidelicet : Quotiens altera præmissarum est de fide , altera de scientia uel experimento : conclusio quæ sequitur non est de fide , sed de scientia & experimento .* Produxi **Scotus .**

*Scoti auctoritatem aduersum te . Et Deo gratia est , quòd ille pius Pater F. Andreas Vega Hispanus aduersum te hac in re , sicuti in alijs nonnullis , pro nobis pronunciauit & scripsit . Quem non debuisti contemnere , cum & logicam et philosophiam et theologiam profiteretur .* **Vega in lib. viii. cap. xxxix. fol. cxcix.**

*Mitto illud q̄ , ut errorē tuū defenderes , adiunxisti in apologia .*

Reputassent philosophi euidentem hanc illationem absq[ue] ulla distinctione: Hæc essentia diuina est Pater .Et eadem est Filius . Ergo Filius est Pater .

Profecto non philosophi, sed sophistæ & corruptores logicæ & philosophiæ, illam illationem reputassent euidentem, iuxta formam syllogisticam: sicut & in Expurgatione declarauī abunde . Et hæc satis de secundo argumento .

Tertium argumentum quod est: *Habitus non extenditur extra suum proprium obiectum*: non minus probat contra tuam priuilegiatam reuelationem . Quod si quid probat: contra fidei catholicæ certitudinem probat . Quæ uerò in eo argumento perperam effudiſti, superius notata sunt .

Circa quartum argumentum, illud notauī, quod tu gratiā, etiam in non prædestinatis, ponis esse effectum prædestinationis: quod ex se manifestat suam falsitatem . Nunc etiam illud noto: Primum id quod sumis, Effectus prædestinationis non est in particulari singulis notus per fidem: solum tua autoritate probas, & principium petis manifeste: quoniā de gratia quæſtio est, An ualeat nobis per fidem innotescere . Præterea, cum uocatio Dei sit etiā prædestinationis effectus, manifestum est autem quod eius uocatio nobis per fidem innotescit: si perest ut falsum sit omnino quod uniuersaliter assumis, Effectus prædestinationis non est notus per fidem singulis, iuxta tuū sensum .

De sexto ac septimo argumento, satis in prima disputatione rescripsimus: quæ etiam solum excludunt fidei catholicæ certitudinem .

Octauum argumentum, licet pari modo de catholicæ fidei certitudine loquatur, & ideo non contra nos: attamen intollerabilem continet errorem Euangelio & Christianæ Religioni nimium aduersantem . Ibi .n. ais: Nullum inditium suæ charitatis & gratiæ potest

in homine iusto esse ita euidens, quod non sit etiam commune existens  
tibus in peccato mortali: quod ita probas.

Præcipua omnium testimonia sunt duo. Primum est offerre vi-  
tam pro Christo. Maiorem.n.hac charitatem &c. Et tamen hæ-  
reticus tam firmo tãque excelsio animo dabit vitam in obsequiũ,  
ut putat, Christi, quam legitimus christianus.

Et in lib. primo, cap. x xij, ut idem probares, hæc scribis,

Talem omnino amorem Dei in se experitur infidelis & hæreticus  
quantum ad substantiam, qualem catholicus, eodem q; feruore  
& conatu mortem oppeteret pro sua fide.

Hæc tu Soto. Et in fine libri tertij, ut sigillum tuæ doctrinæ illi cõ-  
ueniens adhiberes, scripsisti:

Quis dubitat quin hæreticus eodem ro bore animi & ardore (ut  
putat) charitatis se se offerat martyrio, atq; verus Christianus?

Ego uerò hoc adeo peruersum dogma exhorrens, & ad Reuerendis-  
simos illius Synodi Præsidentes scribens, monui te priori meo libello  
hac de re, cùm inter magna fidei nostræ argumenta, agones & cons-  
tantiam martyrum sancti Patres annumerent, ut dixerit B. Hiero-  
nymus: Si fides nostra uera non esset, nunquam sanguine defende-  
retur. Et Ecclesia Dei ad canonizationem martyris, hoc tantũ quòd  
sanguinem fudit pro Christo, requirit: quod leuiter ac temerè faceret,  
si non gratiæ certitudinem illa passio importaret. Recitabo uerba  
monitionis meæ, quæ sunt hæc: Illud omnino falsum & periculos-  
sum quod ait:

Quinimo hæretici omnes, suorũ errorum quos catholicos exi-  
stimant, tantam habent certitudinem, quam nos articulorũ fidei.

Quinquã enim loquatur de certitudine quæ est ex parte subiecti, at-  
tamen nec uerum est dictum, nec quouis modo probabile, &c. Et  
non multo post: Iam de martyribus, quòd ipse uult, omnes martyres



*speciales habuisse reuelationes suæ inexistentis gratiæ, & nõ ex spiritu & ardore, quem sentiebant in cordibus suis, & fortitudine plena gaudij sancti & cœlestis eā potius notitiam accepisse; credo longe cum falli. Et quod comparat martyrem hæreticum martyri uero quantum ad plenitudinem cordis & effectus charitatis, quos ipse putat naturaliter, aut alia uia prouenire posse: & falsum & periculosum ualde existimo, ut potè contra scripturas & sanctos Patres.*

*Quocirca fraternè Virum de hoc admoneo, quia nimium tribuit naturæ. Nam & huius rei tractatum alij libro referuo. Hæc ego ibi. Tu uerò in Apologia respondes in hunc modum.*

De illo uero in calce demum cum omnibus qui nos legerint, de te conqueror honorâde Pater, quam me gratis in sinistram sensum traduxeris, quod scilicet contra scripturas & sanctos patres comparauerim martyrem hæreticum martyri uero quantum ad plenitudinem cordis & affectum charitatis: ac si ego adeo fuerim mente alienatus, ut pseudomartyri veram tribuerim charitatem, quæ est in legitimo. Nunquid hac de causa distinxisti de certitudine gratiæ ex parte obiecti, & ex parte subiecti? Quod ergo nos diximus, illud est penitus, quod manifestissimo & irrefragabili experimento vniuersi norunt qui hæreticos comburi oculis conspexerunt. Vidimus .n. plurimos multo maiori alacritate festinare ad rogam, quam aliquis forte christianus in charitate iret damnatus a Turcis. An negare poteris quin ille tam certus apud se sit, tamque securus ( licet non tutus ) se mori in gratia Dei, quàm est quispiam forte ex christianis existentibus in charitate? Alias quomodo exuri se viuente, & bulienti oleo summergi tam exultabundus gauderet? Illam ego voco certitudinem ex parte subiecti. Quid ergo ais, me loqui contra scripturas & contra patres, qui solas historias rerum gestarum refero? Aut quid tanquam per se notum supponis, quod nemo certus potest dici cuiusque rei quæ falsa sit, nisi secundum scholasticos, qui inerudite multa comminiscuntur? Ita .n. tibi consultum putas si scholasticos derideas. Nunquid et

NOTA.

vulgo & apud omnes sapientes, nō certus ille dicitur qui securus est, & absq; vlla dubitatiōe aliquid credit? Illi hæretici iureiurando tibi affirmabunt, adeo se esse certos de suis erroribus, vt sunt certi de fide catholica. Et quicquid de nomine sit, illa experientia satis nobis est ad conuincendum, nullam esse coniecturam, quæ sufficiat abstergere omnem dubitationem quod sumus in gratia: quandoquidem illa, quæ maxima est, puta, quod animâ quis ponat suam, nō est irrefragabile testimonium charitatis.

Hæc tu Soto plena erroribus & calumnia. Quod enim tu primum ais, me tua in sinistrum sensum traduxisse, eo quod dixerim te compassasse martyrem falsum martyri uero quantum ad affectum charitatis: calumnia est. Ego .n. non quantum ad affectum, sed quantum ad effectum scripsi. Deo gratias, sunt codices impressi mihi irrefragabiliter attestantes. Illud autem clarè dixisti quod sincerè recitasti: unde eliciuisti non posse ex ipsis actibus innotescere donum charitatis, etiam ex illo summo charitatis opere, quod est extrema pati: cum & hunc effectum possint peccatores & hæretici pari robore & ardore animi producere. Cur igitur tu me tam sæpè ac tam manifestè falsò calumniaris? Iurè igitur mihi competit ut conquerar aduersum te, quia quod tu me fecisse falsò obiectas, tu uerè fecisti: & quod est pessimum, etiam admonitus, factum non emendasti: qua uero cōscientia, ipse uideris.

Venio nunc ad ea quæ sunt doctrinæ. Defendis in eodem loco tuam de certitudine distinctionem, & uis propriè dici certitudinem de re falsa, ita ut ille propriè certus esse dicatur, qui firmum assensum perhibet rei falsæ. Ego uerò cum contrà statuerem, quia tamen uerebar ne alicuius scholastici fretus autoritate, illam distinctionem præmisisses: dixi, q; si quis fortè scholastica quauis usurpatione dixerit, certitudinem esse solam adhesionem ad id quod uideatur esse uerum

cum non sit, sed solum appareat: per me licebit quidem: cum alia etiā plura ineruditè comminiscantur: sed hoc apud doctos non recipi, mihi certissimum est. Tu uerò perpetuò illiberaliter mecum disputans, et sensum meum inuertens, accepisti uerba mea tanquam asseuerantis, me contra scholasticos illud ponere: cum ego dixerim: Si quis fortè scholastica usurpatione &c. Ego .n. sciebam hoc siue tuum, siue cuiusuis alterius commentum, esse contra B. Thomæ doctrinam, sicut produxi: quem tamen inter scholasticos ipse puto cōnumeras. Postmodò uerò comperi & Durandum & Capreolum idem prorsus ad litteram asserere quod ego. Cū .n. Durandus id sumeret in quodam argumento tanquam per se notum; Capreolus hoc illi ultrò concessit his uerbis:

Ad primum contra tertiam conclusionem dicitur, quòd non omnis firmitas adhæSIONIS propriè dicitur certitudo, sicut argumentum benè probat: sed illa firmitas quæ est de firmo & stabili tanquam de obiecto, potest dici certitudo. Solum autem uerum potest esse firmum et stabile, non autem falsum; idèò firmus assensus hæreticorum uel aliorum errantium non potest dici propriè certitudo: quia talis assensus, licet habeat firmitatem ex parte subiecti, non tamen ex parte obiecti: imò omnimodam fragilitatem & infirmitatem, cū sit falsum, & firmæ ueritati contrarium. Similiter talis assensus uel adhæSIO non habet firmitatem ex parte mediij propter quod assentitur. Secus est de fide, cuius adhæSIO firma est ex parte obiecti cui assentitur, & ex parte causæ propter quam assentitur, quæ est Veritas prima, ut sæpe dictum fuit. Item cū dicimus, q̄ firmitas adhæSIONIS est certitudo, non intelligimus de qualibet firmitate nec de qualibet aut de cuiuslibet obiecti adhæSIONE: sed tantum de firmitate adhæSIONIS intellectus ad suum cognoscibile. Hoc autem non est nisi uerum: quia falsum non est

non est cognoscibile. De hoc S. Thomas 3. sent. distin. 26. quest. 2. art. 4. In corpore autem sic dicit: Certitudo propriè dicitur firmitas adhesionis uirtutis cognitiuæ ad suum cognoscibile, & c. ut dicitur sequenti distinctione. Et ista responsio est melior alia. Hæc Capreolus. Ecce igitur quàm turpiter redargueris ab ipsismet scholasticis, quorum tamen te inniti autoritate ostentabas, & me increpabas Cetsi nimis impudenter ac falso quoddam eos derideam.

Capreolus  
in .iii. sent.  
distin. xxvi

Illud uerò quàm astute, quòd cum uulgi & sapientes pro tua sententia adduceres: nullum tamen producti nisi hæreticorum iusurandum, qui mihi (ut inquis) affirmabunt, se ita certos esse de suis erroribus, sicut sunt certi de fide catholica. Quis hic non exclamiet? Sed parcam. Rogo te, hæreticum illum illud iurantem, utrum dixeris uerum iurare, an falsum? Si falsum, contra te militat argumentum. Si uerum, etià contra te militat. Si .n. tam certi sunt de suis erroribus, quàm certi sunt de fide catholica: constat autem quòd de fide catholica minimè sunt certi, planè sequitur quòd neq. de suis erroribus certi sint. Nam reuera si hæretici in autoritatè efferendi sunt, in hoc articulo proculdubio tibiipsi aduersantur. Nam quum afferat se certos esse, non de certitudine solummodo secundum subiectum intelligunt: alioquin nihil dicerent: sed de illa quæ etiam secundum obiectum est.

Venio ad dogma illud quod ego censeo nedum falsum, uerum etià nostræ religioni aduersum, præsertim quòd ita fauet hæreticis martyribus, ut etiam illos præferat nostris, cum dicat (quod iterum reuolvens perhorresco)

Quod ergo nos diximus, illud est penitus, quod manifestissimo & irrefragabili experimento vniuersi norunt qui hæreticos comburi oculis conspexerunt. Vidimus .n. plurimos multo maiori

alacritate festinare ad rogam, quam aliquis forte christianus in charitate iret damnatus a Turcis.

Hæc tu. Quæ etsi in Expurgatione nostra satis idoneè confutentur; in assertionibus tamen etiam latius. Nunc igitur solum recitabo quæ aduersum te, Vir honorandæ memoriæ Frater Andreas Vega, circa hunc articulum pro nobis scripsit: Non est quidem (inquit) æquandus uerus martyr falso martyri, neq; quo ad affectû, neque quo ad effectû: ut egregiè profectò & eleganter ante nos differuit doctissimus Episcopus Catharinus in expurgatione sua. Quin et is qui in lætali peccato mortem pro Christo pateretur, multis nominibus uinceretur ab eo, qui eam cum gratia toleraret. Nam in peccatoribus neq; absoluta est ueritatis cognitio, neq; uera lætitia, neq; solida pax & constantia.

Neq; erroris tantæ sunt uires, quantæ ueritatis. Et hæreticorum morientium pro sua hæresi, quæ uidetur alacritas & fortitudo & cōstantia, non fortitudo est, sed insania, furor, immanitas, mentis cæcitas, desperatio, et auaritia gloriæ, atq; obdurata quædam et nimium perti-nax propriæ sententiæ dilectio & fiducia. Hæc ille.

Quin etiam contra ea quæ tu in Apologia, uolens cōmendare incertitudinem gratiæ, adiecisti, experimento eorum quī decedunt, quos uix possunt (ut ais) sapientissimi homines securos reddere, & absq; omni metu pacatos: Idem Vega post nos in hunc modum scripsit:

Illa insuper quies & securitas qua pleriq; migrant de hac uita, illud ardens desiderium quo charitas cum perfectâ fuerit, clamat: Cupio dissolui & esse cum Christo: Illa lætitia qua permulti exultant, dum, intelligentes sibi propinquum esse diem mortis, dicent cum Dauide: Lætatus sum in his quæ dicta sunt mihi: in domum Domini ibimus. Alacritas etiam, & admiranda constantia martyrum, & despiciens-tia omnium tormentorum, quam præ se ferebant: quid aliud sunt quā

Vega, in  
lib. viii.  
cap. xliii.  
fol. ccxiii.  
D.

Vega i li. ix  
cap. xlii.  
fo. ccxviii.  
B. in calce.

testimonia apertissima certitudinis moralis, quam habebant de sua iustitia & gratia apud Deum? Non sic exultarent adueniente morte; non sic illam desiderarent; non sic lætarentur in tormentis, neque tanta quiete & placiditate animi de hac uita decederent qui hæsitarent, & dubij seu ancipites & anxij essent de suo statu. Vnde & Ambrosius in expositione illius uersiculi, Memor fui iudiciorum tuorum à seculo Domine &c, de iustis, quorum bona uita præcessit, & mors est præciosa in conspectu Domini, sic scribit: Videmus in seculo innocentes, lætos ad iudicium festinare: odisse moras: celeritatem affectare iudicij. Beatus itaque ille, qui cæleste iudicium lætus expectat. Scit enim sibi regnum cælorum, angelorum consortium, coronam quoque bonorum repositam esse meritorum. Hæc ille. Idemque de Hilarione, Marcella, & Paula, aliorumque sanctorum exemplis, doctè & eleganter ostendit eruditissimus Episcopus Catharinus in Exurgatione sua. Verè etenim plerique ita sunt parati in occursum iudicis et patrisfamilias nostri omnium, ut cum ille ianuam pulsauerit confestim, hoc est sine aliqua trepidatione aperiant ei: & gaudentes, à nocte huius uitæ ueniant ad lucem ut manifestentur opera ipsorum. Quòd si haberi non posset aliqua certitudo de his: nunquam tanto studio niterentur pii uiri pacatos & quietos reddere eos, quorum morti sunt præsentès, & de quorum bona uita & sancta morte, ipsi tuti & securi sunt. Et talem certitudinem suæ bonæ uitæ uidetur habuisse Ezechielè quum orauit Dominum, et ex fiducia suæ bonæ conscientie dixit: Memento, quæso, quomodo ambulauerim coram te in ueritate & in corde perfecto, & quod bonum est in oculis tuis fecerim. Nam hanc orationem ueram fuisse, & Deo non displicuisse: manifestè ostendit diuinum responsum: Audiui orationem tuam. Hactenus Vega.

Prætereo nunc quæ de conscientie testimonio adiunxisti. Nam

in assertionibus nostris hac de re abundè contra uestram periculofam doctrinam pertracto.

Haecenus ea tractauimus argumenta, quibus aduersus certitudinem gratiae decertasti in prioribus tuis libellis. Vnum superest, quod ex eadem logicae ac theologiae officina de promptum, in cōmentarijs tuis super Epistolam ad Rom. cōtra assertores certitudinis gratiae inseruisti. Tractans .n. illum locum Apostoli ubi ait : Nam quid oremus sicut oportet nescimus : postquam praemonuisti nos, dicens :

Què maxime animaduerti opto ab assertoribus certitudinis gratiae, ne vterius de illo testimonio Spiritus sancti allucinentur.

Tum hoc pacto argumentaris :

Quemadmodum nobis non semper certo cōstat de petitionibus nostris, vtrum dictante Spiritu sancto fiant, an alter sit Spiritus qui fatur in nobis : ita neq. certo scimus vtrum habitet in nobis Spiritus sanctus.

Hoc est argumentum tuum, si modo speciem aliquam habeat argumēti : nisi idem sit effutire temerè, & argumentari atq. ex praemissis concludere. Ex hoc .n. quòd non semper constet dicere Spiritum sanctum petitiones nostras, concludis absolutè, non posse nos certò scire, utrum in nobis habitet, id est, nunq. id posse certò scire. Quare ex tuae logicae doctrina, à **NON SEMPER** sequitur **NVNQVAM**. Et ijs praeclaris emblematis adornasti commentaria illa tua.

Dicendum nunc esset de testimonijs quae pro incertitudine produxisti de sacris scripturis, & de antiquis patribus ac sacris doctoribus, et de scholasticis. Verum quoniam de his in priori libello nostro & in Expurgatione satis est demonstratum : & in assertionibus abundius : hoc in loco duo tantum aut tria commemorabo : ut ex ijs tu ipsemet recognoscas, utrum uolueris reuera et bona fide disputare, an potius illudere. Ecce de scripturis, praeter ea quae vulgus nouit, ada-



duxisti sententias : Quis potest dicere mundū est cor meū ? purus sum à peccato ? Et : Beatus homo qui semper est pauidus . Et : De propitiatu peccatorum noli esse securus . Nunc , ut paucis agam tecum , circa illud primum : Quis potest dicere , Mundum est cor meum etc. : quæro abs te , utrum putas neminem posse hoc dicere , quia si diceret , falsum diceret . Credo si sequeris communem doctorum expositionem , ita dices : At ex hoc non solum sequitur , neminem posse scire se esse mundum , sed absolutè neminem esse mundum . Tu uerò si hoc concedis , & de immunditia sentis quæ cum iustitia esse non potest : ad lutheranorum partes transis . Sensus ergo illius loci , ex doctrina B. Augustini est , quòd nemo potest uerè dicere , Mundum est cor meum : quia nullus homo habet in hoc mundo perfectam illam munditiam ac iustitiam , quam exigeret rigor debiti , ita ut non indigeat lauari saltem pedes : quanquàm et caput & manus mundas habeat : quod satis est ut uerè coràm Deo placeat , et mundus dicatur . Vnde Dominus hoc declarans mysterium , dixit : Qui lotus est non indiget nisi ut lauet pedes , sed est mundus totus . Et subdidit : Et uos mundi estis . Beatus autè Ioannes Chrysostomus , exponens illum locum , dixit : Nemo potest illud dicere tanquam gloriabundus , quasi ex se munditia habuerit & non à Deo . Cuius expositioni placeat attestatur hebraica ueritas , quæ , teste uel Caietano , sic habet : Quis dicet mundaui cor meum ? purgaui à peccato meo ? Quod Caietanus exponens , adiecit : Quasi dicat , nullus . Non est .n. hominis operatio purgare cor , & purgare illud à proprio peccato , etc. Quæ sensum etiā B. Hieronymus in eo loco tradit . Vnde nihil ad rem nostrā locus ille . De secundo autem loco illo : Beatus homo qui semper est pauidus : uix est ut digner respondere : nec quidem facerem , nisi sensum nedū falsum , sed etiam periculosum inde eruisses , & contra

Prouer.xx.  
& .xxviii.  
Eccle.v.

Chrysost.

tuammet doctrinam. Vis .n. ergo conscientias omnium hominum semper esse pauidas. Nunquam ergo pacatas persuasione acceptæ iustitiæ: quod est horribile. Vnde merito hæretici uos suggillant: imò quod est atrocius, uestros errores Ecclesiæ ascribunt: quasi quod uos uestris disputationibus blateratis, illud Ecclesia sentiat: à cuius spiritu hæ uestre interpretationes tam absunt, quàm occidens ab oriente. Nò queo interdum me continere iusta indignatione ac zelo scripturarum incensus, quin huiusmodi pro ueritate effundam. Sensus ergo illius loci uerus hic est, q̃ à iustificatione non debet homo ita efferri ac securus fieri, ut putet iam se perfectum: sed cum timore & tremore operari suam salutem, & cauere ne excidat, & assidue per opera bona implere illud: Qui iustus est iustificetur adhuc, et c. Hunc ipsum sensum habet tertius locus quē produxisti: De propitiati peccatorum etc: quòd etsi quis nouerit suorum peccatorum propitiationē; non debet inde securitatem arripere ad peccandū ulterius, dicens: Pepercit mihi Dominus, etiam iterum parcat. Qui sensus apertus ex græca litera capitur, quæ ad uerbū hoc sonat: De propitiatione ne sis ne timore sis ad addendum peccatum ad peccatum: & ne dicas, Misericordia ipsius multa est: multitudo peccatorum meorum propitiabitur seu remittetur. Et hoc est quod dixit Dominus: Ecce sanus factus es: noli amplius peccare, ne deterius tibi contingat.

De patribus item & scholasticis quos pro tua opinione producis; similiter exemplum unum aut alterum proferam: ut inde appareat, uos lectores decipere qui parum attendunt, dum aliò detorquetis, & detruncatas eorum assertis sententias. Ecce adduxisti Chrysostomum homilia xxxvii in Matthæum in opere imperfecto, ubi ait: Nemo est tanta firmitate suffultus, ut de iustificatione sua debeat esse securus. Hæc certè uerba, non alium sensum porrigunt, quàm

eum qui de superioribus scripturis eductus est: ut qui iustificatus est, non sit de futuro securus, putās esse omnia in se perfecta: sed oportere renouari de die in diem, & se ad ulteriora extendere, & ea quæ retro sunt obliuisci, ut comprehendat, & ad scopum suæ uocationis perueniat. Quem sensum satis probant quæ ille Doctor continenter adiecit, ad quæ te relego, ne in nimium manifestis prolixior sim. Nam quod ille Doctor sanctus pro nobis militet; in Com. ad Roma. nimis manifestum est. Ille enim exponens locum illum: Spiritus cōs testatur spiritui nostro, uel cum spiritu nostro: & uolens per hanc B. Pauli doctrinā omnem dubitationem ac formidinem ab animis iustificatorum prorsus excutere: quia uidebat multos parum ad Dei dona respicere, non exercentes spiritum fidei: dixit: Idem spiritus testatur unā cum spiritu nostro, inquit, quā simus filij Dei. Neq. n. ab ipsa tātum uoce id affirmo, ait, sed & à causā, à qua uox ipsa nata est. Spiritu enim dictante atq; in uerba præeunte, hæc dicimus. Quod quidem alibi apertius declarans dixit: Misit Deus spiritum suum in corda nostra clamantem Abba Pater. Quid porrò sibi uult, Spiritus unā cum spiritu testatur? Paracletus, inquit, cum dono nobis dato. Non enim doni solum uox hæc est, sed & Paracleti, qui donum largitus est. Nam hic ipse nos per donum docuit sic loqui. Cum autem Spiritus testatur, quæ tandem restat ambiguitas? Nam si uel homo, uel angelus, uel archangelus, uel alia huiusmodi potestas hoc polliceretur, par conueniensq; esset nonnullos hæsitare. Cum autem summa Essentia, & ea quidem quæ hoc largita sit donum, uel ab ijs unde preces fundere iussit, nobis testimonium afferat: quis tandem de dignitate ambiget? Hæc ille. Quibus, malum, cum urgereris, obsecro, quā atrociter laceras, et in sensum inanem traducis? Ais enim:

Chrysost.  
hom. xliii.  
ad Roma.

Hæc autem & si quæ sunt id genus apud sanctos talia, quæ obiectari nobis solent ab istis assertoribus certitudinis gratiæ: nihil aliud comprobant, quam quod spiritus Dei non est de se fallax sicut spiritus creaturæ. Inde tamen solum colligitur, quod ubi certus ego essem, hunc qui mihi loquitur, esse Spiritum sanctum, certus continuo fierem, verum esse testimonium.

Hæc tu Soto. Ego uerò uehementer admiror, quo præstigio captus non uideris primùm uerba ipsa Chrysostomi eum sensum non ferre. Ipse .n. non dicit, ut tu uis, quòd quando Spiritus testatur, ex se non fallit: sed quòd quando ille testatur, is cui attestatur non debet quouis modo ambigere de eo quod testatur Spiritus: sed credere firmiter ita esse: quia etsi homo & alia quæuis creatura ex se ualeat mentiri: Spiritus ipse qui est Deus, non potest. Alioquin, qui sensus esset id solum dicere, quòd quando Spiritus testatur, ille sit uerax? Præterea, quomodo adhuc nō uides absurdum, quòd loquatur mihi Spiritus; & ut ad Galatas dicitur, clamet ipse in me, nec tamen norim esse, imò nec nosse possim illum esse qui mihi testetur? O testimoniū frustra. Et adhuc me immeritò infamas in tua Apologia (quam in commentarijs tuis gloriaris rursus integrasse aduersum me) quòd ego paralogizauerim ex hoc loco: & argumentum quoddam, quod gratia disputationis textui contra Decretum, ego probauerim ut ualidū: cuius tamen fallaciam ostendi in eodem libello in responsione ad secundum argumentum, ne contra Decretum pugnarem, imò etiam contra me ipsum, qui Decreto subscripsi. Et quare tu bone Vir, integrans apologiam tuā, non meā responsionem in nostra Expurgatione integrasti? Quis aliā causam suspicari merito ualeat, quàm ne apparerent tuæ calumniæ & tui paralogismi, nō mei? Quanquam doctis uiris hi facile se se ostendant. Nequeo me continere quin aliqua breuiter ac fideliter de nostris scriptis proferam, ut uter nostrum paralogizet, clarè appareat.

Ego

Ego hanc propositionē mihi sumpsi ut uerā : Testimoniū Spiritus ualidū est ad gignendā fidē in illo cui attestatur . Tu primò inquis : Falsum est , neq; probabis vnquam .

Verum hactenus id non est ostendere paralogismum . Et cū autoritate sanctorum illud sumptum probassem : nihil tu ad ea respondens , solū dicis : Falsum est , neq; probabis unquam . Verū addis :

Hic iā corrūit rōcinatio tua : qā si sic vniuersi itelligis eē validū vt facis, oēs multi eēt certi d sua grā penit, ac sine vlla dubitatiōe.

Hac tu Soto . Nec uides paralogismum tuum quem ego iam demonstrauī in Expurgatione his uerbis ad literam ; Obsecro te attende .

Ex hoc sumpto nostro : Testimonium Spiritus est ualidum ad gignēdam fidem : tu inferis : Ergo omnes sunt certi quibus ille testatur . Autor in  
Expurgas  
tione .

Quis istam sanus consequentiam probet ? Nunquid non Christus testabatur Iudæis de ueritate ? Nunquid testimonium eius non erat ualidum ad faciendam fidem ? Quis , nisi blasphemus , hoc dicat ?

Omnes igitur Iudæi per te receperunt ipsū eius testimonium : & Baptista conqueritur quod uenerit Dominus testimonium perhibens ueritati , & nemo tamen acciperet . Verē doleo uices tuas , quod ubi & de quo me arguis , ibi tu & in idipsum miserabiliter offendis ; ut duplex tua culpa sit , simul errare , & benè dicentem arguere , idq; cum tanta autoritate ac maiestate . Non sequitur ergo , non sequitur mi Soto : Testatur ille , et ualidum est testimonium eius : Ergo omnes de facto certos reddit . Sed hoc sequitur , quod ex se ualidū est ad certificandū . Quod uerò nō omnes certificet , plura sunt in causa , uidelicet , inconsideratio , frigiditas charitatis , quia non exercetur pijs operibus , non pascitur spiritus q hoc postulat . Vnde et quādā periculosa tepiditas , curæ mundi , spinæ , tribuli , hoc est , continua uenialia saltē admissa , tentationes , perturbationes , officiūt huic certitudini .

Quòd si rectè uiueremus, si custodiremus cor nostrū uigilanter, cū timore ac tremore Dei, sicut faciūt uiri sancti et perfecti, salutē nostrā operātes, et in charitate in dies proficiētes, et ad perfectū tēdētes (et si minima et quotidiana essent delicta, quæ humana fragilitas à se ipsa nō ualeat excutere) profectū audiremus nōnunq̃; clarā illam Spiritus uocē, quā in perturbationibus desiderabat egregius ille Psaltes, dicētis clarē in corde nostro: Noli timere: Salus tua ego sum. Quapropter hoc tuū argumentū Caietanus quasi præuidens, pulchrè dixit: At si non profecimus ut testimoniū hoc habeamus à Spiritu sancto et nostro, studeamus ad efficiendū in nobis prōptitudinē exequendi quæ sunt Spiritus, et mortificandi quæ carnis sunt et mundi, ne desimus gratiæ tāti testimoniij. Hæc ille. Sed qđ opus erat illo, cū scriptura ipsa loquatur, et sancti patres, ut suo loco ostendemus? Hæc ego ibi, et alia plura circa hunc locum, ad quæ lectorem remitto, enim B. Ambrosius idem ferè ad litteram. Nunc redeo ad testimonia per te citata:

De scholasticis similiter, quòd Alexandrū de Hales ad uestras partes inuitum traxeritis, facilè est dispicere. Ago tamen Deo gratias, quòd Venerabilis ille Pater Vega, tandem in calce suæ disputationis agnouit, et quæ dixit Ioannes Bachonis Carmelita, probauit: quæ tamen tu Soto derides. Hoc igitur puto Dei magna prouidētia factū, ut in hac q̃stione, q̃a magni erat momēti, ēt inter uos q̃ eratis alii quādo cōcordes; dissensio nata sit, et uterq; uestrū in huius rei tractatione, tu in principio haud cogitās, ille uerò in fine à ui ueritatis impulsus, nostræ fauit sētētiae. Tu .n. titulū inscripsisti de certitudine gratiæ, uolēs incertitudinē cōcludere; ille uerò cōtrā, cū de incertitudine gratiæ titulū inscripsisset; certitudinē tādē, impellēte spiritu, ingenua cōfessione cōclusit. Et hæc satis sint quod ad hanc rem attinet. Cætera in Expurgatione & assercionibus.

## DISCEPTATIO SECVNDA

### De Prædestinatione Dei.



Voniam præter priorem antiquam de certitudine gratiæ disceptationem, in tuis nouis commentarijs (quod iam animo conceperas, ut erat fama) aliquot tractans articulos, me; etiã citato in chartæ marginibus nomine, reprehendis circa tractatum de prædestinatione, ubi etiã à conuicio non temperasti, inurens mihi notam temeritatis; in hanc nunc disceptationem, etiã propter publicam et magnam quam de hac re spero utilitatem, descendo: ut uideas aliquãdo, si ipse tibi animi oculos nõ eruas, te et nostra quæ non capis carpere, et tua quæ non intelligis asserere, et probum quod in me obiecisti, tibi longè uerius conuenire.

Perfpicio à uocum significatione mihi incipiendum esse, ut in ea cõueniamus, et inde in quo dissentimus appareat: ne more Andabatærum decertemus: Quæro igitur primùm abs te rationem ac descriptionem huius nominis quod est **PRAEDESTINATIO**. Ecce illa super cap. 8, et 9, ubi rē fusiùs tractas, tuis uerbis expressa. Prædestinatio est destinatio ad illum supernaturalem finē quem naturæ uiribus attingere non ualemus.

Et iterum:

Prædestinatio est pars quædam subiectiua & species prouidentia. Nam quum prouidentia ordinatio quædam sit generalis rerum æterna in suos ipsarum fines: prædestinatio est particularis destinatio rationalis creaturæ in suum supremum finem, ad quem ductu et fauore Dei perducitur.

Hactenus non planè explicasti uniuersam prædestinationis rationem,

G ij



dicens indefinitè, quòd est rationalis creaturæ: qui modus, apud doctores qui scientificè loquuntur, pro uniuersali accipitur. Quare alibi declaras, quòd hæc destinatio seu ordinatio (nam tu promiscuè his uerbis uteris) non est omnium, sed quorundam & paucorum, quos de innumerabilibus elegit Deus ante constitutionem mundi. Sed nec sic perficitur definitio: alioquin de cæteris, iuxta hanc tuam datam definitionem, confiteri oportet, quòd non fuerunt ab æterno destinati siue ordinati ad salutem.

Hic igitur disceptatio nostra incipiat. Ego enim hoc in loco reuelo fretus apostolica mihi ascriptulante uoce et attestante, quod **DEVS VULT OMNES HOMINES SALVOS FIERI ET AD AGNITIONEM VERITATIS VENIRE.** Si hoc uult, et quatenus uult, uoluntas eius nõ est inanis, nec potest executione carere; necesse est, quòd quos uult saluos fieri, eos etiam per idonea media ordinet ad salutem, & quantum ad illum attinet, etiam perducatur: quod tu quoque disertè in tua disputatione confiteris. Quo fit, ut non pauci, sicut iam est (te assentiente) conclusum, sint prædestinati, id est (ut tu interpretaris) destinati atque ordinati ad beatum finem, sed omnes. Ita ut simul et pauci et omnes erunt ad hoc ordinati per te, nisi hic ad elabendum, locum aliquem inuenias. Nam expositiones Diui Augustini ad illum locum Apostoli (qui argumentum uim contra suum dogma persenserat & per eas elabebatur) tu meritò non probas, et ijs medijs quibus ego ante te disputans, salua tanti uiri autoritate & gloria, minus esse probabiles demonstraui.

Cum igitur tu ipse fatearis, uelle Deum quemuis hominum quantum ad se attinet, saluum fieri, si modò ipsi uoluerint neque obstinauerint corda sua (hæc tua uerba sunt) cogitandum nunc tibi est, stantibus definitionibus tuis de prædestinatione, quæ est erga paucos, quo

paſſo ſubſtinere poſſis hanc Dei benignam uoluntatem et conſequens  
ter ordinationem erga omnes .

Ad hæc , tu ipſe mordicus tenes , Deum in hac uita neminẽ prorsus  
reprobare , & quemlibet eſſe uiatorem uſq; ad extremum uitæ , ut  
ſit poſſibile et ſaluari et damnari : de qua re erit poſtrema mihi tecum  
diſceptatio . Cũ uerò rursũ hic dicas , Quicunq; prædeſtinati non  
sunt , reprobati ſunt , & in exilium deputati ; uidendum eſt tibi &  
conſiderandum uigilanter , quo paſſo hæc ſimul conſtent . Ego enim  
reuera id abs te explicatum nõ uideo : quin nec explicabile eſſe , ſtans  
tuis principijs , ſanẽ perſpicio : ad quod etiam perſpiciendũ gra-  
tiam te adducam : Attende .

Tu ipſe , ſicut B. Auguſtinus et Thomas , aſſeris cõtra pelagianos ,  
prædeſtinationem Dei quæ eſt ab æterno , nõ habere cauſam ſui præ-  
ſcientiam ullam operum , ita ut prædeſtinatus quiſquàm dicatur pro-  
pterea quia præuiderit Deus opera eius bona : ſed pura et benigna ac  
liberaliſſima uoluntate ordinat eum et quencunq; alium prædeſtinatoz  
rum ad uitã : et cũ hoc , imò propter hoc , ex ui ipſa prædeſtinationis ,  
omnes alios , ut uultis , excludit à uita : quia prædeſtinati certo nume-  
ro concluduntur , qui nec augeri poteſt nec minui . Nam ſi non ex  
præuiſis operibus ſuis bonis prædeſtinati ſunt qui ſunt prædeſtinati  
ut eſſent tot et non plures , ſicut ex doctrina B. Auguſtini accipitur  
& B. Thomæ ; multo magis non ex operibus aliorũ malis talis præ-  
deſtinatio ſit ut tot ſint et non plures prædeſtinati . Non enim an-  
tequàm Deus ordinet ſuos quos prædeſtinat ad uitam , expectat ( ut  
ita loquamur ) uidere exitum aliorum quos non prædeſtinauit , ita ut  
poſtquàm uiderit hos caſuros à regno , prædeſtinet illos reliquos in  
regnum . Hæc .n. opinio , præterquàm q̃ aduerſatur doctrinæ com-  
muni ſanctorum , eſſet etiam inſanior pelagiana , imò etiam impoſſi-

## DISCEPTATIO SECVNDA

bilis, ut mox ostendam. Prædestinat ergo ad regnum illos suos numeratos ante præuisionem operum quoruncunq; idest; uel ipsorum prædestinatorum uel aliorum: sicut expresse B. Paulus ait de ys qui typum gerebant duorum horum ordinum, idest, prædestinatorum et nõ prædestinatorũ. Ait enim: Antequàm quicquam boni egissent aut mali (scilicet in conspectu Dei) ut secundum electionem proposuit Dei maneret, nõ ex operibus, sed ex uocante; dictũ est ei: Maior seruiet minori: sicut scriptũ est: Iacob dilexi, Esau autẽ odio habui.

His ergo ad hunc modum se habentibus ac sane perspectis, apparet irresolubile argumentum contra te, qui uis, stante prædestinatione ut supra cõstitutum est, omnes homines esse à Domino Deo ordinatos ad salutem, etiam non prædestinatos, idq; per illud Apostoli: Deus uult omnes homines saluos fieri, & ad agnitionem ueritatis uenire. Arguitur enim hoc pacto. Deus, absq; præuisis aut cõsideratis meritis cuiusquàm aut demeritis, ordinat hos certos ad uitam, et horum numerus est determinatus ita ut non possit uel augeri uel minui, & consequẽter alios reprobat à uita, et in massa perditionis derelinquit; & in æternum exilium; et nihilominus, ys iam reprobatis & derelictis à ui ipsa prædestinationis, quæ est paucorum tantum: ipse idem Dominus qui reprobat, confert auxilium ut ad uitam perducantur, nec unquàm illos deserit, nisi ipsimet sua obstinatione & impœnitentia semetipsos à uita priuauerint: quod quando fit, conqueritur Dominus aduersus illos.

Nunc uide quo pacto hæc ipse valeas conciliare, ne te de errore uno in alium trudas. Ego enim uideo manifestè te aberrare, & inexplicabiliter implicari: quod et postremo loco disputationis ipsemet cõfiteris, qui tandem recurris cum B. Augustino & alijs sectatoribus ad exclamationem illam, O altitudo etc. At hoc non est magistri dia-

*sputantis, sed discipuli captiuantis intellectum: quod certè laude dignum est, modo non importunè.*

*Ad hæc, tu, fortasse ut à superioribus argumētis te expedias, dicis: Vidit Deus homines et eorum finem atq; opera antequā eisdem ordinaret in talem, finem ad, quē prauit̃a eius gratia venturi erant per talia opera: sed tamen cognitio enunciatiua qua iudicat consequnturos nos esse tales fines, non præsupponitur prædestinationi, sed effectus illius est.*

*Hæc ad literam tua sunt uerba. Et ne homo quispiam indoctus offenderetur per hoc quòd ais: Ante: et Post: admones ne cogitemus actiua successionem in Deo, sed signa tantum naturæ: Et hoc quidem rectè. At superiora quis probet? Et ubi eras, quæso mi frater, quando cogitabas tam perplexa & manifestè pugnantiã, quæ nemo ualeat sanis auribus audire patienter, & non indignari et admirari, te tantum theologum et profitentem magisterium, quo omnes ad tuam censuram reuocas, adèò absurda docere? Quo pacto enim, quæso, opera illa bona quæ sunt effectus prædestinationis, potest Deus uidere antequàm uideat ipsam ordinationem siue prædestinationem unde illa procedunt? Si dixisses (quod ego docui) notitiã hominis prædestinandi, & finis ad quem prædestinetur, et mediorum per quæ ille incedere debeat ut finem consequatur, præcedere prædestinationem; rectè dixisses. At dicere, Deum præuidere finem eorum et opera antequàm illos ordinet ad finem: non est nisi mentis confusæ ac perturbatæ. Si hæc intelligis, reuertere ad te ipsum, neq; tadeat neq; pigeat emendare, ne aduersum te & error et conscientia simul, quod longè est durius, attestentur. Sin autem non intelligis, absline à magisterio.*

*Vt autem ad rem redeam, hæc est summa argumentorum: Si omnes qui intrabunt in regnum sunt prædestinati, ut uultis, ita ut*

si non essent prædestinati non intrarent; et hoc iam in confesso est, quod numerus prædestinatorum in Dei prouidentia certus est etiã secundum materiam, ita ut nec minui possit nec augeri; necessario sequitur ex ipsa prædestinationis natura, cæterorum omnium reprobationem includi: dico autem reprobationẽ à regno Dei. Si enim Deus uult tot obtinere regnum et non plures; planè sequitur, quod omnes alios excludit à regno. Quofit, ut cū hac uoluntate hos excludendi à regno, quæ certa est et inuolabilis (quoniam sub ipsa prædestinatione sic declarata concluditur) nequeat conuenire illa Dei voluntas qua uult (ut ipse concedis) etiam non prædestinatos regnare, eisq; præparat media opportuna ad illud obtinendum. Eò igitur deducitur res, te autore te censore, circa Dei prouidentiam, ut quum nolit non prædestinatos obtinere regnum, satagat nihilominus et præparet illis cuncta quibus regno potiri ualeant: quod cogitare, certè est amentissimi hominis, & cui nihil, quamuis manifestè absurdum, non ualeat persuaderi. Cauit .n. summopere Augustinus, ne hoc fateretur. Et ideò commentabatur nouas glossas ad sententiam illam Apostoli: Deus uult omnes homines saluos fieri etc. à quibus tu merito recedens, explicari non potes, sed ingenuè fateri, uelis nolis, compelleris, non distinguere prædestinatos à non prædestinatis hac differentia, quod prædestinati sint ordinati ad uitam, non prædestinati uerò nequaquã, et ideò exclusi ab illa. Quicumq; .n. ordinatus à Deo non est, proculdubio exclusus ab eo est. Præter prædestinatos ergo omnes exclusi sunt. Vbi ergo illud Apostoli: Deus uult omnes homines saluos fieri?

Idè quoq; hac uia demonstratur. Quæro .n. abs te de multis adultorum qui sunt damnati, contemnentes mandata Christi, Vtrum illi amiserint regnum Dei, ac priuati fuerint illo. Si negas; cum lutheranis consentis, & scripturæ & Ecclesiæ & sanctis patribus contradicis

tradiciis. Lutherani .n. uolunt solum praedestinati paratum fuisse regnum. Sin ergo confiteris; oportet etiam te consequenter concedere, huiusmodi homines fuisse ordinatos ad regnum: siquidem sane nullus recte dicitur sua culpa aliquo bono priuatus, quod uel non fuerit adeptus, uel saltem ad illud adipiscendum atque obtinendum aptus natus: quod absque Dei ordinatione statui nullo modo potest. Nullus .n. in eam facultatem euehitur obtinendi regnum, quod est hereditas, nisi per adoptionem per Deum, qua efficimur filij Dei, et ideo ordinati ad regnum. Ex quibus illud obtineo contra te, non plene te hactenus declarasse quid ea uox, Praedestinatio secum importet. Quomodo ergo de re ipsa potes recte differere?

Quid ergo dices tandem, ut perfectam tradas, eius uocis Praedestinatio, rationem, ut ibi perspicue inspiciamus differentiam, qua a non praedestinati praedestinati distinguantur, & hoc ex parte ordinis a Deo praestituti, non ab euentu, sicut ueteres accipiebant: quod B. Augustinus reprehendit, et nos ambo illum in hoc sectamur? Non .n. satis est dicere: Praedestinatio est ordinatio ad regnum; si hoc est uerum, ut probatum est, omnes esse ordinatos ad illud. Necesse est nobis ergo uelimus nolimus, confiteri, differre ordinationem praedestinatorum ab ordinatione non praedestinatorum in eo, quod ex benigniore Dei uoluntate, praedestinati ordinati sunt ad regnum: ut quauis posita conditione, illud infallibiliter obtineant: prouidete illis Deo, media ad salutem infallibilia, quibus omnino conducantur ad illud, & cuncta quae huic fini aduersantur prohibentia: Nam qui uult omnino aliquid quod absque medijs habere non potest, nisi desipiat, etiam media ordinabit quibus illud pro sua uoluntate contingat. Caeteri ergo qui non sunt in hoc beato praedestinatorum numero, ordinati quidem sunt omnes ad uitam; at non ut infallibiliter eam assequantur, sed

Intelligit li  
bellum qui  
inscribitur  
summa do  
ctrinæ de  
prædestina  
tione &c.

possint ab ea excidere si uelint: quod ex ipsa facti experiētia de multis nouimus qui exciderunt: possint & non excidere, ne frustra ordinati dicantur: unde et multos reipsa non excidisse existimo: cuius rei gratia plurima sum commentatus, & nouissimè edidi libellum, quem ad te mittam, obsecrans te, tui potissimum gratia, ut illum legas animo sedato & quiescas. Efficax est .n. ni fallor, ad quietem præstandam cuius lectori quem amara bilis, aut quouis modo praua affectio non perturbet.

Dialogus.

Vt igitur hoc ipsum latius declarē, uidelicet, te in tua disputatione hac illac spatiantem & circuncursantem nec inuenientem requiem, oportere tandem in prædictam cōclusionem conuenire mecum: de tuis ipsis fundamentis & obiectionibus contra me, quæ de tuis commentarijs excerptam ad literam, adiungens responsiones meas, Dialogum conficiam ueluti speculum, ubi te ipsum queas inspicere. Incipe igitur fari primum mi frater.

SOTO. Primū omniū cōsiderandus Deus est ab æterno statuisse utraq; naturam, tam angelicam, quam humanam ad se ipsum creare, ad sui scilicet imaginem, suæq; ipsius beatitudinis capacē: quibus ideo decreuit leges ponere, ac suppetias ire, neq; vllō modo quantum in se esset, illis deesse, quo minus eadē beatitudine potirentur omnes, nisi sua ipsorum culpa obstaculo illis esset. Quia de causa & angelos & primos parentes in gratia vel creauit, vel antequam peccarent, constituit. Vidit autem casum Adæ & c.

Ambrosius. Hactenus nullam uidemus distinctionem inter prædestinatos & non prædestinatos: et fortē tenes, sicut B. Augustinus, natam fuisse prædestinationem post casum Adæ. Declarat .n. ille, prædestinationem esse liberationem à peccatis, saltem ab illo originali: reprobationem uerò esse derelictionem in massa perditionis, quæ massa



in angelis fingi non potest. Quamobrem tu, ut existimo, sequens opinionem B. Augustini, non ponis praedestinationem in angelis: contra quod tamen B. Thomas docet; quæ res erat tibi explicanda. Sed perge.

Soto. Vidit autem Deus casum Adæ, atq; per eius culpam infectum iri omnes mortales, quorum alios nihilominus pro suo beneplacito praedestinavit ad regnum, quos per suam misericordiam ad illud euexit: alios vero pro sua iustitia exclusit, quos nihilominus non nisi propter suam ipsorum culpam punire statuit: quoniam poena suapte natura non nisi ob culpam debetur.

Ambrosius. Hic uideris conuenire mecum ex parte, uidelicet in ordinationem non praedestinatorum, quos ais exclusos à Deo pro sua iustitia, et non nisi propter suam ipsorum culpam punire statuit. Nam & paulò ante concluseras, tota causa bonorum operum, in Deum resolutur: malorum, in nos: ob idq; præuisa opera mala, causa sunt res probationis: bona uerò, non item praedestinationis. At hoc profectò contra Beati Augustini doctrinam militat. Ille enim ex Apostoli doctrina & typo Iacob & Esau, sicut praedestinationem ex mero Dei beneplacito constituit absq; operum consideratione: ita et reprobationem. Sicut enim de electione Iacob dictum est: Antequàm quicquàm boni faceret; ita de odio Esau: Antequàm quicquàm faceret mali. Et hoc etiam ipsemet in eius loci expositione confirmas his uerbis.

In his autè nondum natis, nullo libertatis usu pollentibus, rem oculatissime patefacit. Nempe quod cum ante eorum merita alter fuerit electus, alter vero odio habitus, neq; ulla fuerit facta præuisionis mentio meritorum: in hac ceu tabella perspectum nobis sit praedestinationis mysterium, scilicet, quod neq; meritorum momenta, neq; eorum præuisio fuerit causa huius diuersitatis, neq; adeo in adultis & ratione utentibus hominibus, sed sola voluntas diligentis & vocantis.

Hæc tu ibi : quæ quo pacto concilies cum ijs quæ superius recitasti, non uideo : adeò perplexus es et inconstans . Nō me tamen latet B. Augustinum aliquando , ut manifestam absurditatem uiraret , dixisse , quòd licet Esau non fuerit reprobatus propter mala opera sua propria ; reprobatus tamen fuit propter peccatum originale ; ac propterea illud præuisum à Deo satis fuit pro causa ad reprobationem ut in massa perditionis relinqueretur absq; suis proprijs demeritis . Quā opinionem & tu in loco scētari uideris : quæ non est antiquorum patrum . Sed contra hanc ego circiter triginta contexui argumenta , quorum nec tu unum resoluis . Nunc unum tantum adijciam . Quòd enim Esau non fuerit propter peccatum originale reprobatus nec in massa perditionis derelictus ; patet manifestè : quia per circumcisionem fuit infans octo dierum liberatus ab eo peccato , et ereptus de illa massa . Quis hæc igitur capiat ? Reliquit Deus in massa perditionis Esau reprobandus illum ; & mox eundem ab illa massa & originali peccato eripit : Verum ut propius congregiamur , accedo ad disputationem tuam , quam tanquā singularem certamine mecum contendens , instruxisti . Surge mi Dares , & caput altum in prælia tolle : insulta audacter .

Soto . Hæc igitur pro capto nostro dicta sūt secundū antiquos patres ac doctores hætenus scholasticos . Est verumtamen & præter illum bonum patrem cuius meminimus , quidam R. Episcopus cum quo nobis controuersia fuit super Decreto Concilii de certitudine gratiæ : qui in suo libro de prædestinatione hanc receptissimam sententiam prædestinationis & reprobationis obnixè demoliri contendit . Et primum duplicem gratis ac sine ulla prorsus uel autoritate uel ratione comminiscitur prædestinationem . Primam quidem singularem , eorum scilicet quos egregie Deus dilexit , nempe quos secundum certum propositum , ut ait , certaq; media statuit uolitione absoluta ad gloriam perducere : &

horum praedestinatorum numerum fateatur esse certum, neque augeri posse neque minui: reliquam vero mortalium vniuersitatem, quos nos reprobos dicimus, ait, nihilominus ita esse destinatos ad gloriam conditionali voluntate, ut sint in numero saluandorum. Quo circa praedestinatorum numerus, inquit, qui secundum propositum sunt praedestinati, non adaequat numerum saluandorum: quia non solum eiusmodi praedestinati possunt saluari: propterea quod voluntate antecedenti (uti a nobis confessum est) Deus vult omnes homines saluos fieri, mediisque adhibere quantum in se est, quibus omnes si volunt, assequantur salutem. Ob idque cum Paulus ait: Quos praedestinauit, hos & vocauit, iustificauit, & glorificauit: intelligit, inquit, praeter alios singulari priuilegio destinatos.

*Ambrosius.* Mitto illum mei contemptum in eo uerbo: Quidam Episcopus: cum in margine nomen meum, quo magis appareret, apposeris, & in eodem tractatu saepius exprimas. Satius est enim contumeliam perpeti, quam inferre. Illud primum quod ais, te superiora conclusisse secundum antiquos patres et doctores haecenus scholasticos, qua fiducia asseruisti? Et quo praesidio potes defendere? Cum ante B. Augustinum nullus patrum ita intellexerit praedestinationem: sicut Prosper & Hilarius obiecerunt ipsi Augustino, nec ipse negauit, cum res in conspectu esset. Et de scholasticis, quis non miretur audaciam assertionis tuae? cum tot et tantae inter illos hac de re controuersae fuerint, ut de illis uere possit enunciari: Quot capita, tot sententiae. Non enim te latet Scotum Beato Thomae aduersari. Quid autem ipse B. Thomas sentiat, nec apud uos esse certum. Ego illum nonnullis in locis à nobis stare ostendi. Caeteros, ut Henricum, Gregorium, Aureolum, Capreolum, Cameracensem, & alios inuicem pugnantes reliqui: de quibus nihil certi colligi potest, ut plerique ipsorum fatentur. Quamobrem iure conqueror aduersum te, quod non satis tibi fuit, ab initio, simul cum multis catholicis me infamasse cum

Scholastici  
doctores.

scripsisti, nos catholicæ fidei certitudinem de propria gratia defendere; non obstante quod proprio scripto et in sancta Synodo oppositum fuerim protestatus: & quia urgebaris testimonio, dixisti: Saltem dicitis tantam quantæ est fidei catholicæ: et cum hoc etiam pateret falsum, adiciisti: Tantam intensiuè, etsi non extensiuè: et cum similiter hoc probaretur mendacium; dixisti: Saltem tantam quantæ est fidei catholicæ ad hunc effectum ut tollat omnem dubietatem: & cum hoc etiam falso nobis opponeres; uenisti tandem in uerum statum quæstionis, & impegisti. Nec item satis tibi fuit me falso notasse quòd duplicem fidem catholicam cõmentus fuerim. Nunc enim prosequens tenorem tuum, siue de industria, siue per allucinationē, quòd magis uolo credere, duplicem me commentum fuisse prædestinationē insimulas: cum ego, si quis alius, unam tantum disertissimè ponā uel teipso mihi attestante, ut paulò post ostendam. Habeo igitur hac de re perpetuam querelā aduersus te rationem, quòd mea non fideliter recitas. Nam præter dicta, recensens hic meam sententiam, ais, me dicere reliquam mortalium uniuersitatem nihilominus ita esse destinetos ad gloriam, ut sint in numero saluandorum. At ubi hæc legisli in libris meis, ut non prædestinati sint nihilominus in numero saluandorum? Ego dico in numero eorum qui possunt & saluari & damnari, et tu ais, in numero saluandorū. Poteras etiam pari ratione dicere in numero dammandorum. Hoc ne, quæso, est bona fide disputare? Illud uerò quod ego dico, nonnullos huius ordinis saluos fieri, etsi tu mireris; puto tamen longè et incomparabiliter probabilius esse, quàm eius oppositum, uidelicet, ex illis prorsus saluari neminem. Nec puto esse uirum mediocriter in logicis et philosophia instructum, ni penitus dementatus fuerit, ac sibiipsi præiudicium fecerit uolens proteruire, qui, si sedato animo à passionibus et ab affectione sectarum

uelit hinc inde rationabiliter considerare : non facile in sententiam nostram concedat, sicut & multi concesserunt : multi non audent, quia non bene capiunt, et quia non desunt mihi amici, qui ad aures imperitorum susurrant et detrahunt, aientes : Quæ hæc doctrina noua ? Quomodo hic scit cum nos nō docuerimus eū ? Olim aliquid fortè profecerat in iure ciuili : at de logica, de philosophia, & de theologia, pueri ipsi nostrarum scholarum illum reuincerent. Solum in calamo aliquid habet uigoris, sed in sensu nihil ponderis. Hæc spargunt in uulgus, et causa iam nota est. O Beatissima Virgo adiuu ueritatem. Nunc ad te redeo Soto : perge.

Soto. Hinc aduersus reprobationis opinionem colligit, nullos fuisse reprobatos, eo modo quo Augustinus & Scholastici volūt; id est, nullos ab æterno odio Deo habitos, antequā illi sua propria uoluntate quidpiam mali egerint : Atqui contrariā opinionem ait dirā esse & horribilem & malepiam, & contra uniuersam scripturam militantem : in cuius confirmationem densissima argumenta confarcinat.

Ambrosius. Pergis ut excites in me imperitorum inuidiam, tanquā rem claram præstituere, quod ego in hoc articulo reprobationis cōtra Augustini & scholasticorum doctrinam colligo, nullos fuisse reprobatos eo modo quo ipsi ponunt : nec modum quo ipsi ponunt declaras, & modum quem ego pono nō plenè recitas. Ut igitur ex me audias, accipe conclusiones meas : Si reprobatio significat expulsionem à regno, & consequenter detractionem in geennam, ut B. Augustinus intelligit : assero primū, nullum mortaliū ab æterno reprobatū fuisse anteq̃ ille sua propria uoluntate quippiam mali egerit. Item assero terq̃; quaterq̃; contrariam opinionem esse diram, horribilem, malepiam, contra uniuersam scripturam & S. Patres & cōmunē scholasticorum consensum militantem : in cuius confirmationem densissimæ

ma argumenta, non consarcinaui, ne tuum contumeliæ uocabulum falsò in me iaculatum admittam, sed sanè sobriè & ordinatè construxi: quorum nec tu unum soluisli, neq; solues. Nam & ipsemet B. Augustinus, se nescire soluere quod ipse contra illam opinionem opposuit, ut in alijs libris adduco, ingenuè confessus est. Nec possum cogitare de bonitate Dei quod neq; de quouis principe et rege ualeā mihi persuadere, nisi tyrannus fuerit crudelissimus, ut prima sua absoluta uoluntate uelit habere quos puniat, ac propterea prius ordinet eos ad æternam poenam, quàm uideat deliquisse. Hoc nec tu Soto faceres opinor, si non penitus humanum animum exueris. Et tertio assero, ante B. Augustinum neminem patrum secus docuisse, sed pro nobis, credo omnes, scio multos. De scholasticis haud dubium maximam partem: quanq; tu falsò omnes, quasi meæ sententiæ aduersos, pronuncies, nihil ueritus doctiorum censurā, sed imperitia fretus indoctiorum. Tumetipse circa hoc fateris, Scotum aduersari Beato Thomæ: & nunc scholasticorum quasi communi sententia me terres. Deniq; assero, te non obscurè ut soles, sed clarè & planè hoc ipsum quod teneo sæpius cōprobasse in eisdem commentarijs, sicut superius citauī: ut mirer nunc uehementer, quo pacto id queas retractare. Equidem nullam causam ualeo coniectare, nisi ut gratis mecum contenderes. Procede igitur.

SOTO. Et quoniam opinio hæc plebeis auribus applaudit, operæ pretium duximus illam excutere.

Ambr. Hoc est propriè eorum qui se sapientes arbitrantur, omnes plebeios deputare, qui cū illis non sentiunt. Sic pleriq; uestri ordinis reiectant in eos qui de articulo immaculatæ conceptionis, secus quam uos sentiunt. Licet enim iam consentiant omnes Ecclesiæ, plurimæ & insignes uniuersitates, & iam omnium populorum fides, aiunt  
tamen

tamen quidā uestrum : Nos sumus uiri ueritatis : illi autem sunt plebei, sunt mulierculæ, nesciunt theologiam. Sic dicebant olim Iudæi de Domino nostro : Nunquid ex principibus aliquis credit in eum, aut ex phariseis ? Sed turba hæc quæ non nouit legē, maledicti sunt.

Verū mi frater, ex his plebeis qui hanc de prædestinatione scēlās tur sententiam sunt nonnulli uiri theologi & doctores et cōcionatores insignes, qui cum maximo auditorum plausu et acceptione, et nemine reclamante, eam in tota Italia prædicarunt et prædicant : qui tanto magis confirmati sunt, quanto certius perspexerunt tua futilia contra illam argumenta, quæ tu demōstrationes uocas, quibus hanc nostrā opinionem operæpretium ducis excutere. Excute ergo.

SOTO. Primum igitur, quā sit extorta expositio Paulini uerbi : Quos prædestinauit, &c. vel inde palā fit, quod nemo hætenus illam cogitauit. Omnes enim tam Græci, quam Latini Patres sub verbo, Prædestinauit, vnicum genus prædestinationis percipiunt, in quo ideo respectum vnanimiter agnoscunt oppositionis ad verbum, Reprobauit, et non relationem ad alios communiter destinatos. Nam PRAE, non id subnotat, quod præ aliis altius destinatos, sed præcessionem importat æternitatis ad tempus gratiæ. Non potuit ergo hic R. Pater, citra temeritatis notam, non solum Augustinum, verum sanctos omnes noua inauditaq; sua cōmentatione contemnere. Id quod facit idem autor & super præsentī loco : Iacob dilexi, Esau autem odio habui. Quo loco prædestinationis reprobationisq; discrimen omnes pariter cōfitentur quot quot huc enarratores prodierunt : Vbi tamen ipse negat, vllam subesse reprobationis significationem : sed dicuntur, inquit, odio illi haberi, qui communiter destinati sunt, & saluandi non simpliciter, sed respectu singulariter prædestinatorum, scilicet, quod non sunt electi ad gratiā tam excellentem. Perspiciat autem perpendatq; sapiens lector, vbi ex æquo odium Esau oppositum est dilectioni Iacob, an non tam proprie accipitur nomen odii, quam nomen dilectionis.



Ambr. Verè est operæpretium ut ego inuicem tua excutiā, ubi tot esse puto errata, quot uerba. Primum ais, extortam esse illā meā expositionem eius uocabuli Prædestinatio: quod uel inde palam sit; quia nemo hætenus illā cogitauit. Propheta ergo es tu, qui cogitationes omnium hominū penetrasti. Sed mirum, neminem cogitasse quod erat, te teste, plausibile multitudini. Verum ut benignius tecum agam, intellexisti fortè neminem eam cogitasse eorum, qui illum locum tractarunt & scripserunt: unde subdis: Omnes enim tam Græci, quàm Latini Patres, &c. Quis et hic inanem iactantiam non miretur? Ita passim pro te citas omnes patres et Græcos et Latinos, quasi omnes legeris, intellexeris, & memoriæ mandaueris, ut omnes & omnium sententias exhibere possis in promptu: quod tamen in uniuersis scriptis tuis (cum tua pace dictum uelim) ac præsertim in hoc ipso articulo, minimè præstas. Quid est enim quod dicunt isti tui omnes patres Græci et Latini aduersus illam nostrā expositionem? Omnes; inquis, sub uerbo Prædestinauit, unicum genus prædestinationis percipiunt. Quid hoc aduersum illam meam expositionem, qua uolo, prædestinatos eam ob causam dici, quia præ alijs ordinati sunt ad salutem? An non uides quòd hæc ipsa mea expositio unum tantum genus prædestinationis concludit, uidelicet, eorum qui in ordinatione præcelunt? Si enim etiam aliorum dicerem prædestinationem; nōne sentis quòd ego perplexa et secum inuicem pugnantia dicerem? Nimirum, quòd in primo ordine existentes quia prædestinati, præferrētur ijs qui in secundo constiterint: et rursum qui in secundo essent, cum & ipsi essent prædestinati, præferrentur ijs qui in primo: siquidem nulli alij essent quibus præferri possent. At uerò ita confusè ac perplexè loquor mi frater, ne tibi aduler; uidetur mihi tuū esse potius, quàm meum. Et profecto malum est aberrare ac decipi: At uerò tam crasse,

tam inconsideratè, & ut dici solet, in ipsis foribus, ubi nec pueri facile impingerent, et in ea re praesertim ubi admiscetur calumnia et iniusta reprehensio in fratrem; nimium est atque intolerabile.

Ad hæc, id quod ais, omnes patres tam Græcos, quàm Latinos, unum tantum genus prædestinationis percepisse: quàm falsò, quàm inconsideratè protulisti. Lege librum illum imperfectum qui sub nomine B. Augustini titulatur de prædestinatione Dei, et ibi agnosces ab initio usque in finem duo prædestinationis genera. Alterum quod uocat alligationis: alterum conditionis. Illud potentiae: hoc iustitiae. Nec abhorruit ille gloriosus doctor alibi sic accipere uocem illam. Sed ut obstruam tibi os, audi Magistrum sententiarum, qui ex patrum sententia duplicem docet prædestinationem. Ipse enim super Epistola ad Ephesios cap. 1. ita scribit: Posita prædestinatione quæ pertinet ad iustitiam & sanctitatem uitæ præsentis; ponitur hic alia prædestinationis pertinet ad uitam æternam, cuius effectum supra notauit. Hæc ille. Quid hic mutire? quid potes hîscere? Addo hic, postquàm me tuis calumnys cogis, Gabrielem super primo sententiarum, ubi clarè duo genera prædestinationis distinguit, ut cuiusdam prædestinationis nulla sit causa præter Dei uoluntatem; alterius uerò prædestinationis causa sint merita. I nunc, et considera uter nostrum mereatur nota temeritatis inuri, & ex hoc errore tam pudendo disce consideratius loqui. Quid enim turpius, aut quid iniquius, quàm alium de quouis dicto reprehendere, quod uerè ipse non dixit, imò cuius oppositum dixit: et amplius, quo nihil potest considerari ineptius, ipsum dictum auctori tate eorum reprehendere, qui tamen idem dixerunt quod reprehenditur? Sentis Soto quàm eleganter excuteris, ad excutiendum ipse tam pronus? Sed nondum finis.

Venio nunc ad ipsam expositionem meam illius uocis. Dixi enim

prædestinationem dici, quia est quorundā præ alijs ordinatio. Quid hic habes quod reprehendas? Vtrum sensum quasi falsum, an uerò uocis ethimum? Si sensum, nihil aliud respondeo nisi indigere te sensu. Quis enim ausit negare, prædestinatos esse præ alijs electos et destinatos ad uitam? Certè Beatus Thomas hoc planè supponit, aiens: Electio est in quantum hoc bonum aliquibus præ alijs uult Deus cum quosdam reprobet. Hæc ille. Haud autem dubium est, prædestinatos esse electos. Si igitur uerus est sensus; nunquid uocis significatio non consentit? Imò. Quid est enim prædestinare, nisi ante destinare? Præ enim idem est quod Ante: & potest habere respectum non solum ad tempus, uerū et ad personas: ut Prætor, Præses, Præsto, Præstabilis, Præsignis, Præpositus. Nazanzenus dixit; Præuocatos, præelectos qui ante alios uocantur et eliguntur. Et uos de B. Virgine canitis: Elegit eam Deus et præelegit eam, hoc est, ante alias cunctas uirgines elegit. Sed hæc uel pueris nota sunt. Si igitur & sensus est uerus, & expositioni consentit uocis proprietas; qua fiducia uocas illam extortam? Est regula B. Augustini, Quoties ex aliqua scriptura uerus in se elicitur sensus, et uerborum significationi non repugnat, illum sensum à Spiritu sancto esse intentum.

B. Augustini regula  
In libris de doctrina christiana.

Verum ais, secus accepisse doctores illam præpositionē PRAE. Fac id esse uerum: nuquid propterea clauditur os cunctis, ut aliter nequeat exponere, modo aptè? B. Augustinus, sicut obiectū fuit illi, nō est ueritus prædestinationis mysterium in eum sensum trahere quē nulli ante illum cogitauerunt: quod cum illi obijceretur, nō negauit: Ais, me alios contemnere. Hæc uox est stomachi æquo plenioris. O quot ipse cōtemneres si hoc esset cōtemnere, aliquorū sententias suo calculo nō probare. Næc uerò contemnit personas, qui de re iudicium profert: neque qui aliquam expositionem affert, cæteras contemnit.

De prædesti.  
sanctorum  
cap. xiiii.

Quoniam uerò tu hoc in loco in doctorum autoritate inniteris, uideamus quo pacto illam uocem exponant doctores. Ais, omnes unanimes respectum agnoscere ad uerbum Reprobauit, & non relationē ad alios communiter destinatos: quod certē falsissimum est. Quod si etiam uerum esset, idest, quod ea uoce agnosceretur relatio ad reprobos; quomodo non ad communiter ordinatos, cum ydem sint, iuxta uestram doctrinam, reprobati & communiter ordinati? Quod item adiungis, illud PRAE non subnotare praecessiōem praedestinatorum, nonne est principium petere, atq; effutire? Et quod addis: Sed praecessiōem aeternitatis ad tempus gratiae, dignū esset examinatione longiore. Verum quia hoc in alio libro confutauī, nec tu quicquam respondes, ad illum te relego. Quod deniq; ais, in typo Iacob & Esau me negare ullam subesse reprobationis significationem: falsum est. Ego enim aliquem reprobationis modum ibi admitto & probō. Nam quid est, quāso, hoc in loco reprobatio, nisi uox quae significatione opponitur electioni, ut qui non eligitur, reprobatus ab eo intelligatur ad quod alius eligitur? Verbigratia: Eligitur de Cardinalibus quidam ut sit Papa: ceteri dicuntur reprobati: non tamen simpliciter, ut non sint christiani & clerici & Cardinales, sed reprobati ab eo gradu ut nullus eorum sit Papa.

Illo igitur constituto quod & tibi debet esse constitutissimum (qua B. Augustinus & D. Thomas, & quicunq; rectē de praedestinatiis senserunt, hoc senserunt) quod praedestinatio sit ordinatio quorundā immobiliter ad regnum; debemus reprobationem ita aestimare, ut illi tali ordinationi opponitur: ut qui non sint praedestinati, non simpliciter reprobati dicantur, sed ab illo eximio ordinationis gradu exclusi. Hunc sensum prudentia ipsa docere debet. Quapropter B. Augustinus in libro de Ciuitate Dei prudenter Tertulliani dictum suggillat.

Cauillatus .n. ille quum esset in Gentes, quòd haberent Deos selectos, paulò argutior dixit : Si Dei seliguntur ut bulbi ; utiq; cæteri reprobi iudicantur . Augustinus autem dixit , hoc magis facetè dictum, quam uerè : quia reprobationè à Deitate Tertullianus intelligebat . Video .n. (inquit Augustinus) ex selectis seligi aliquos ad aliquid maius atq; præstantius : sicut in militia cum tyrones electi fuerint ; ex his quoq; eliguntur ad opus aliquod maius armorum : & cum eliguntur in Ecclesia qui fiant præpositi ; non utiq; cæteri reprobantur, cum omnes boni fideles merito electi nuncupentur . Eliguntur in ædificio lapides angulares, non reprobatis cæteris qui alyis structuræ partibus deputantur . Hæc ille, & plura ys similia, quæ oportebat in re proposita cõsiderare, quia ad ueram reprobationis intelligentiam, & huius mysteriorij maximè conducebant . Mitto hic typum & exemplum Gemmarum ; quoniam satis illud declarauimus & in priore libro & in Summa nostra de prædestinatione, quam paulò antè hic Romæ edidimus .

Illud uerò quàm admirabile argumentum : Perpendat, inquis, sapiens lector, ubi ex æquo odium Esau oppositum est dilectioni Iacob, an non tam propriè accipiatur nomen ody, quàm nomen dilectionis . Verum audi, quæso, si es logicus ut præ te fers . Quæso abs te, quid est magis oppositum seu contrarium bono ? Nunquid malum, an potius non bonum ? Si primum dixeris, Aristoteli contradicis . Non bonum ergo est primò & maximè oppositum bono . Sic in re proposita, uera oppositio et contrarietas dilectioni Dei quæ est erga prædestinatos illa censenda est, quæ negat talem dilectionem . Dices, non uocasset Deus illam odium . Quasi uerò odium non dicatur in scripturis comparatione : ut quem non ita diligis sicut alium, rectè dicaris odisse . Alioquin, si me de hac intelligentia reprehendis, caue ne simul & ipsum Dominum (quod horreo dicere) reprehēdas, qui dixit :

Qui non oderit patrem suum & matrem suam, non potest meus esse discipulus. Ibi .n. nō absolute odium potest intelligi, sed comparatione; ut dilectio parentum postponatur dilectioni Christi. Sic intelligitur quod ait: Nemo potest duobus Dominis servire. Aut .n. alterum odio habebit & alterum diligit, &c. Quo in loco significatur odio haberi Deum cū in dilectione postponitur creatura. Tu uerō hæc in scripturis non obseruasti: quæ si nouisses, non mihi hoc negotium nunc facisisses.

Verū ut amplius urgeam, et tuo iterum atq; iterum gladio te iugulē: Argumentum tuum quod est, ut sicut intelligitur in prædestinatis dilectio perfecta, ita in nō prædestinatis debet intelligi odium perfectū. Hoc uerō in pueris absq; sacramento decedentibus dici nō potest: quia pœna eorum non est Geenna, sicut & ipse fateris, repudiās in hoc articulo B. Augustini sententiam. Sed perge nostra excutere, ut et inuicem tua excutiantur.

**S O T O** His autem prætermis, arbitror demonstratione manifesta istius opinionem cōuinci erroris. Respondeat .n. quæso, utrum iniquos omnes in sua iniquitate vita decedentes Deus odio habeat absoluto in altero seculo, illos inquam, quos missurus est in ignem æternum. Certe hoc negare nō valet.

**Ambr.** Quia nimis confuse loqueris pro more tuo, audi, quæso, patienter me explicantem, ne obruaris ipsa confusione. Dominus Deus benedictus eundem hominem in sua æternitate potest & diligere & odio habere: & hoc de facto in plurimis uerificatur. Quia .n. iniquos odio habet, & iustos diligit, iccirco uerissimum est quod pro aliis quo tempore odit peccatorem donec est peccator: quem si resurgat à peccato, pro eo tempore diligit, ut in Deo nulla contingat mutatio, sed in nobis. Deinde dico, quod non omnes iniquos & non prædestinatos

qui sunt in hoc seculo, pro hoc tempore habet odio, ut sit perfectum odium quod dicitur usque in finem: quoniam adhuc plurimi uiatores sunt & capaces pœnitentiæ & gratiæ. Et similiter non omnes iustos in hoc seculo diligit Deus perfectâ dilectione quæ est usque in finem & est prædestinatorum: de quibus ait scriptura: Cum dilexisset suos, usque in finem dilexit eos. In illis autem qui prædestinati non fuerint, sicut si pro tempore essent iniusti, non odio haberentur, odio perfecto; ita si pro tempore iusti fuerint, non diliguntur certa dilectione usque in finem: sed expectatur exitus illorum, utrum perseverantes ipsi permanserint in dilectione: & tunc dilectio Dei erga illos perficitur. Sin autem exciderint, perficitur odium.

His præmissis, respondeo ad propositiones tuas. Rogas me, utrû iniquis omnes in sua iniquitate decedentes Deus odio habeat absoluto in altero seculo: Respondeo, habet illos Deus odio absoluto in altero seculo. Addis: Illos inquam, quos missurus est in ignem æternum. Respondeo, Quid oportebat hoc addere nisi ad obscurandum? Si enim iam ponis decessisse illos in sua iniquitate, iam missi sunt in ignem æternum, & non est eos missurus. Ante uerò quàm decedant, si adhuc uiatores sunt, non potest illud dici quòd esset eos Deus missurus in ignem æternum ex ordinatione sua, nisi fortè ex præscientia perseverantiæ illorum in malo. Sed perge: non enim capis quæ dixi.

Soto. Rursus respondeat, utrum ne illud absolutum odium, absolutaq; illa puniendi voluntas in tempore aduenit Deo, an potius fuerit in ipso sempiterna. Credo dabit hoc secundum: imo plane hoc ipse concedit: alias Deus esset mutabilis.

Ambr. Concedo: perge.

Soto. Concedat ergo (ni fallor) necessum est, reprobationem: quæ nihil aliud est quam absoluta voluntas Dei æterna excludendi



quosdam a regno . Dico excludendi, vt generalem poenam , quæ communis est etiam decedentibus in solo originali, cōplectar, qui non sunt passuri penas sensus .

*Ambr.* Concedo reprobationem : falsum tamen est , propriè loquendo quòd reprobatio nihil aliud sit quàm Dei uoluntas excludendi aliquos à regno . Reprobatio .n. actū ipsum exclusionis importat, qui ab ipsa Dei uoluntate procedit, & terminatur in creaturam, præcedēte tamen merito reprobationis . Et ideo non concedo reprobationem esse æternam : sicut nec est æterna creatio . Dei tamen uoluntatem reprobandi, æternam esse, sicut & creandi uoluntas . Reprobatio .n. ut ipse docet, præsupponit causam sui non æternam . Quomodo ergo potest cogitari æterna nisi ex parte reprobantis ? Concedo ergo quòd uoluntas Dei æterna, quæ est causa reprobationis , & ille actus reprobationis in Deo, qui est ipsemet Deus reprobans, non aduenit Deo in tempore : nec propterea concedo reprobationem æternam, quæ terminatur in reprobos, qui ex tempore reprobi fiunt . Si hæc tu fateris, quæ nimis clara sunt , quid contra me ? Perge igitur et excute .

*Soto.* Et confirmatur hæc ratio illo tunc articulo ( ut sic de æternitate loquamur, ubi signa naturæ distinguimus ) illo inquam articulo , quo Deus quosdam certa absolutaq; uoluntate ordinauit ad gloriam : nunquid de reliquis aliquid etiam absolute definiuit ? Quis ambigat ? Etenim author iste non negat , quin Deo futura omnia fuerint ab æterno præuisa .

*Ambr.* Quæris à me quod ego uolebam quærere abs te : sed postq; quæsisisti tu prius, Respondeo, q̄ in eo tunc, id est, in eo signo naturæ, quum certa absolutaq; uoluntate quosdam ordinauit ad gloriam ; de reliquis nihil aliud absolute definiuit, nisi ut in eo gradu non essent in quo priores, sed eorum salus penderet ab exitu . Quare si uis me concessisse absolutam reprobationem in eo naturæ signo, falleris . Sed ais :

Autor iste nō negat quin Deo futura omnia fuerint ab æterno præuisa. Verè hoc non nego : sed non omnia præuisa in eodem signo naturæ . Prius .n. (ut tu fateris ) certò quosdam ordinauit ad gloriam , quàm eorum opera uideret : quia causa præuisorum operũ prædestinatio fuit , non è conuerso . Sic in illo naturæ signo quo illos ordinauit ad gloriam quemadmodum nondum apparebant opera & merita prædestinatorum , ita nec reliquorum : et ideo non poterat de illis non prædestinatis quicquid absolutum ac certum definire : ut nec certò eorum uitam , ita nec certò eorum damnationem . Ex eo uerò signo naturæ cùm uidet Deus opera cuncta et merita , tunc Dei sententia procedit absoluta et definitiua . Quare apparet quàm sit uanum quod continenter subdis his uerbis :

Soto . Cum ergo in finali iudicio duas tantũ hominum sortes discerneretur sit Christus , eorum scilicet qui admittuntur in regnum , & aliorum qui demittuntur in ignem (ubi & infantũ absq; sacramento defunctorum exilium citra ignem comprehenditur) conseqens fit , ut Deus in illa æternitate quotquot absoluta voluntate non ordinauit ad gloriam : absoluta contra destinauerit in exiliũ . Hoc autem est quod patres intellexerunt nomine reprobationis . Non obstante quod isti iidem reprobi , antecedenti & , ut hoc deamus , conditionalis voluntate fuerint dilecti , ut pote nisi se ipsi auerterint a diuina gratia . Fuit ergo manifestarius abusus , aliud genus prædestinatorum vel saluandorum comminisci , quam eorum qui absoluto proposito & voluntate prædestinantur . Prædestinatio namq; & reprobatio , secundum absolutam voluntatem existimari debet , & non secundum conditionalem .

Ambr . Verè in te possum dicere id quod tu in apologia falsò in me obieciſti : Extra chorũ saltas , & confusiſſimè loqueris , non tens distinctionem in æternitate signorum naturæ , qua non considerata , facillè pugnantiæ admittuntur . Nos enim dicimus , puta de Iudæis , quòd Deus in eo signo antequam essent illi præsentia opera Iudæis ,

antecedenti, non absoluta, id est, non deliberata uoluntate uult Iudæ saluationem: nec item uult ipsius Iudæ damnationem: quā tamen uult illi in eo signo cum sunt eius opera sibi præsentia, quæ sunt causa damnationis eius. Antequam uerò illa ueniant in conspectum eius, uult illi quidem salutem, conditionaliter tamen: quæ conditio cum pendet a uoluntate ipsius Iudæ, & sua ipsius culpa defecerit, idq; in illo signo posteriore apparuerit in conspectu Dei, fateor ex tunc resultare illius reprobationē, exilium, et detruſionem in ignem. Et ideo uariſſimum est quod ipse concludis, me commētum esse aliud genus prædestinationis, sicut superius clarè ostendi: & plusq; falsum est quod reprobatio cuiusquam (si de perfecta reprobatione est sermo, sicut est modò) non sit existimanda secundum cōditionalem uoluntatem: si quis dem absoluta reprobandi uoluntas sequitur ad defectum conditionis. Nunquā enim sic reprobarēt quemquam Deus absolutē, nisi præcederet culpabilis defectio conditionis: ante quam defectionem, nō reprobatus, sed ordinatus ad uitam inueniebatur. Hæc si intelligis, satis sunt ut quiescas, et corrigas quæ scripsisti ut friuola, ut confusa, et nihil solidi habentia. Attamen perge adhuc nostra excutere.

**SOTO.** In summa sciscitor ab istis, an illi quos vocant saluandos & non prædestinatos absoluta uoluntate, fuerint destinati ad gloriā: & tunc proprie sunt prædestinati: An uero non nisi conditionali & antecedenti: & tunc necesse est dicere, quod nunquam peruenient ad gloriā. Nam alias uoluntas conferēdæ illis gloriæ æterna fuisset in Deo & absoluta. Si ergo non sunt peruenturi ad gloriā, ergo neq; sunt saluandi, et ex consequenti mittendi sunt foras, atq; adeo exilium absoluta uoluntate decretum illis est ab æterno: quod est, eosdem esse reprobos.

Ambr. Ego neminem non prædestinatum uocaui unquam simpliciter saluandum: sed si fecerit uoluntatem Patris perseueranter,

## DISCEPTATIO SECVNDA

Et hoc supposito, admitto esse saluandum: imò ego puto fore nonnullos tales qui consecuti sunt et consequentur salutem: de quibus interrogationi tuæ respondens dico, quòd ab initio non fuerunt absoluta et certa Dei uoluntate ordinati ad gloriã ut omnino ad eã per media debita peruenirẽt, et propterea nõ fuerũt in numero prædestinatorũ. Nec ob id sequitur, quòd si hoc esset, eos uidelicet in numero prædestinatorũ nõ fuisset, nunq̃ peruenissent ad gloriã. Non. n. solos illos peruenire ad gloriã necesse est, qui sic ordinati sunt ut non sit possibile non peruenire, sicut contingit prædestinatis: sed satis est multis quòd adiuti sufficienter à Deo, possint illuc peruenire: ut non temerè concedatur aliquando quòd peruenierint. Siquidem cùm conceditur possibilitas euentus; nihil est pœnitus absurdi apud eruditos in logicis, ipsum euentum concedere: præsertim quum hæc possibilitas nõ sit à longe: sicut accidit de adeptione gloriæ non prædestinatis, in quorũ manu est cum Dei gratia & auxilio, utrum uelint eam: sicut passim ait Scriptura sancta & patrum sententiæ. Quo magis demiror incredibilem inconsistentiam disputationis tuæ & argumenta tam futilia, quæ tamen tibi sunt mathematicæ demonstrationes: perge tamen. Restat enim ultimum argumentum tuum, in quo tu omnes intendisti neruos: explica illud, quæso, ut liberer à tanto tædio.

SOTO. Rursum, si solum ob conditionalem uoluntatẽ Dei dicuntur homines saluandi, sit ut vniuersi mortales sint saluandi: vel declaretur præter illos qui absoluto proposito sunt prædestinati, qui nã sunt saluandi, & qui minime. Quod si vniuersi concedantur esse saluandi, consequens fiet ut damnandi, hoc est qui vere damnabuntur, sint saluandi. At cum hanc opinionem torsequantur absurda, patronus tamẽ eius adeo illam habet pro eufidenti, ut plusquã cacos existimet qui eam nõ ingenuè cõfitentur.

Ambr. Verè cum ad hæc tua respecto mi frater, uix possum credere cum tu illa scriberes, ibi te adfuisse, dum in tuis argumētis illa sumis tanquā à nobis concessa, quæ et manifestam præ se ferunt falsitatem, et nunquā à me uel per somnium cogitata. Ego enim non dico, solum ob conditionalem Dei uoluntatem ullos homines esse saluandos, ut ipse mihi falsò & gratis imponis: sed cum illa Dei conditionali uoluntate, aio, etiam desiderari illius à Deo adiectæ conditionis implementum ad hūc effectum ut quis reipsa assequatur salutem. Et quia multi huius ordinis nō prædestinatorū eam conditionē non implent; idēo non oēs salui erūt. Quia uerò etiā multi implēt, ut ego procūduo arbitror, quia cōceditur mihi quod possunt oēs implere: idēo nō oēs damnabūtur. Hanc uerò sententiā, quæ rogo consequūtur absurda? Quid est in ea quod non sit ex communi patrum sententia et Ecclesiæ spiritu? Quamobrem & si exaggeres nostra dicta; postquā tu uis me esse huius opinionis patronum; non renuo. Nec enim multum mihi erit negotij illā tueri: præsertim si dūtaxat aduersum te mihi certamen existat. Nam et si acrimonia quidem sit in uerbis; in argumentis tamen nihil nerui: id quod ipse passim ostentas.

Quod itē ais, plusquā cæcos me illos existimare qui in hoc artificio mecum nō sentiunt: postquā me tentas, haud abnuo: eos tamen qui ea mihi concedunt quæ tu, idēst, qui sententiā B. Pauli illam: Deus uult omnes homines saluos fieri & ad agnitionem ueritatis uenire, absq; glossis extraneis, sincerè mecum intelligunt ut superius expositum est. Perge igitur.

Soto. Perstat ergo communis patrum sententia, nullos esse saluos nisi qui sunt prædestinati, hoc est, absoluto proposito & electione destinati, quorum numerus certus est, qui nec augeri potest nec minui, ut in De Cor. & gratia & alibi crebro author est

Augustinus. Inter quos verū tamen sunt nōnulli eximie prædestinati, vt cum primis b. Virgo, & post Apostoli, tū quod ad excelsum gradum gloriæ ordinati sunt, tum quod fuerint in gratia confirmati. sed hoc nihil ad rē. Ruit itaq; tota machina argumētōrū quæ aduersus cōstitutissimā sententiā patrū iste autor instruxit.

Ambr. Ais, Perstat ergo: sed unde perstat? Nempe ex priore tuo argumento, quod si in suam formam reducitur, huiusmodi est. Solum ob conditionale uoluntatem Dei nemo est saluandus, sed oportet esse absolutam Dei uoluntatē ut quis saluus fiat. Qui autē nō sunt prædestinati non habent nisi solam illam Dei conditionalem uoluntatem. Ergo nō sūt saluādi, idest, nec digni ut saluentur, nec tales qui de facto saluabuntur. Hoc est argumentum. Nunc audi me respondentem: Concedo tibi priorem, quæ hunc sensum reddit, quod donec Deus uult hos uel illos conditionaliter saluos fieri, quod est, pendente conditione, nullus potest saluus esse, & sicut non potest saluus esse, ita nec potest reprobus esse. At impleta uel deficiente conditione, nō est illa Dei uoluntas ulterius conditionalis, sed (absq; ulla tamen in Deo facta mutatione, ne tu hic me puerili argumēto aggrediaris) est uoluntas absoluta, qua uult ut qui impleuerint eam conditionem, salui sint: qui autem non, pereant et crucientur. Quo circa, illa tua minor: Qui non sunt prædestinati non habent nisi illam Dei conditionalem uoluntatem, falsa est: quia post impletam conditionem habent uoluntatem Dei absolutam. Nam ut aiunt Iurisconsulti (quod & pueri queunt agnoscere) impleta conditione, actus uel contractus redditur purus, idest, non ulterius conditionalis, ut non sit ulterius cogitanda conditio, sed implementum promissionis desideratur. Quis hæc, nisi cæcus aut qui de industria uidere nolit, non intelligat et non probet? Præterea, reuera omnes homines conditionaliter Dei uoluntate ad uitam uocātur: sic. n. tu consentis exponi illā apostolicam sententiā:

Deus uult omnes homines saluos fieri &c. id est, conditionali uoluntate. Per te autem qui sub ea conditionali uoluntate clauduntur non saluantur. Clauduntur autem omnes: Nullus ergo saluatur. Ecce ergo unde tu illud concludisti: Perstat ergo etc, ita inaniter disputans, ut me quidem facias firmitus in mea sententia perstare. Verum qua fronte mi frater, audes asserere, patrum sententiam esse, ut praedestinati intelligantur absoluto proposito & electione destinati? Nonne tu ipse alibi fateris, omnes patres ante D. Augustinum aliter accepisse praedestinationem, quam postea ille accepit, uidelicet, illos intellexisse praedestinationem oriri à bonorum operum praescientia; quam opinio nem nec tu probas? Cur ergo peruersè patrum sententiam exponis ad decipiendum eos qui haec ignorant?

Verum ne quid dissimulem, fateor, hoc nouum uideri, ac per hoc contra patrum sententiam, ut qui non praedestinati sint, salui fiant. Huius autem opinionis si origo et ratio diligenter attenditur, quæ est, quòd aliter atq; aliter à patribus acceptum est nomen Praedestinatio ac Reprobatio, palàm fiet, me non solum non uiolare quouis modo sensum patrum, uerumetiam cum omnibus sentire qui catholicè sentiunt. Quòd si ego à patrum sententia recedo in acceptione eius uocis Praedestinatio, habeo D. Augustinum qui prior recessit; habeo synodos et Ecclesiam quam libentius sector; habeo & te ipsum qui & hoc facis de quo me taxas. Quòd si etiam ab Augustino in aliquo defleto; ibi hoc me facere senties, si rectis oculis uelis dispicere, ubi & pietas et communis consensus theologorum me cogit: quòd iudicium ego abs te mi frater nonnunq; desidero, qui & ab Augustino & alijs patribus sæpiusculè diffides.

Sed ad rem nostram, ut declaremus quæ fuerit patrum sententia. Primum illud statuere oportet, Antequàm pelagianorum hæresis à uiris



bus gratiā, sed de praecedentibus; idem tamē imò et maior est error. Nolbat enim iustificacionem & gratiā reddi cuiquā absq; meritis, siue praecedentibus siue subsequētib; ac prauiis. Vnde et in libro vi. Hyppognosticon de futuris meritis clarē loquitur, et illa esse causam praedestinationis declarat. De ijs enim quos praescit Deus ac praedestinat, sic ait: Propterea praedestinat, quia quale futurum sit praescit. Ecce quā clarē ibi docet id, quod alibi passim ut uerē pelagianum condemnat et explodit. Sequutus ergo tunc fuit opinionem illam antiquorum, quam postmodo falsam cognouit.

Haec uerò interim sum praeloquutus, ut agnoscas rationē quā mouit patres, ut omnes nō praedestinos putarent à regno Dei exclusos. Nil enim uolebant interesse inter praedestinos et non praedestinos, ex praedestinatione diuina, sed quod solum illos distinguerent prauiis merita et euentus. Vnde non mirum si apud illos, quisq; non inueniebatur praedestinatus, idest, qui in bonis operibus perseuerasset; inueniretur reprobatus. At iam cum nemo nostrum hanc ueterum opinionem de praedestinatione probet, cur tu me audes illorum autoritate opprimere ob id quia ego eam consequentiam non probem quā à falsis, ut ipse mecum consentis, educebatur principijs? Desine igitur mihi obycere patres, quos nec tu sequeris, & quorum si uera esset illa de praedestinatione sententia, nihil cōtra me dicerent, qui alio modo cum B. Augustino ex uera intelligentia Apostoli accipio praedestinationē. Quē item modū si illi agnouissent, nihil aliud possent asserere, quā quod ego: cum illi eam sententiam mordicus tenerent, Deum uelle omnes homines saluos fieri, & neminem absq; demeritis proprijs reprobare, multosq; re ipsa saluare; nec tamen aliam Dei uoluntatem agnoscebant qua ad salutem homines promouerentur, quā illam conditionalem; qua cōditione impleta, indiscriminatim, nulla prauiā electione

Nota.

Hilarius  
ad August.

considerata, salutis effectum concedebant. Quare iniuria & iniuria diosè mihi patres opponis et manifestè falso: tanquàm docuerint, ullois absoluto proposito & electione destinatos ad uitam, quorum numerus nec augeri posset nec minui. Contra hoc enim est testimoniū Hilarij ad B. Augustinum aientis: Illud pariter non accipiunt, ut eligendos rum reijciendorumq; definitum numerū esse uelint &c. Lege totam illam Epistolam, et agnosces sensum priorum patrum è diametro cum tua ista conclusione pugnantem qua ais: Perstat ergo &c. Quo fit, ut et ego dicam: Persto ergo in sententia mea.

Vt uerò res ipsa manifestior fiat, duo sunt nobis consideranda. Primum, quid de prædestinatione concludendum sit iuxta doctrinam B. Augustini, quam hac parte ut catholicam recipio et doceo: Desinde, quid de ipsa reprobatione sit statuendum: de hac enim est difficultas. Est autem explicata et probata illa sententia contra ueteres et pelagianos, quòd prædestinati, ex mero Dei beneplacito, non ex ulla præscientia meritorum aut demeritorum sunt præ cæteris ordinati ad salutem, ut eam omnino consequantur. Hoc ego cum ipso D. Augustino & B. Thoma & omnibus catholicis sentio. At de reprobatione quærendum est, posita quorundam prædestinatione, sicut diximus, ad regnum Dei, ut quidam certi & præ alijs electi consequatur omnino regnum, utrum ex hoc ipso sequatur aliorum reprobatio: non dico quæcunq; reprobatio, sed reprobatio ab ipso regno. Ego enim cū omnibus antiquis patribus (B. Augustinum excipio: licet ipse circa hoc non constanter docuerit) audacter assero fretus potissimum sacrarum autoritate scripturarum ac Ecclesiæ praxi, non conuenire cum hac absoluta reprobatione & exclusionem à regno Dei, apostolicam illam sententiam, Deus uult omnes homines saluos fieri et ad agnitionem ueritatis uenire &c. et neminem perire: ac propterea cunctis parare

legitima media, quibus ualeant obtinere salutem si uelint. Nec obstat quod B. Thomas, quantū poterat ab impietate dicti recedens, rectius interpretatus reprobationem, dixit, Reprobationem nihil aliud esse, quā permissionem Dei, qua permittit hominem finaliter peccare, ac propterea excidere à salute. Diuina enim hæc permissio conditionalis est, uidelicet, si quis uelit finaliter peccare. Non est enim permissio casus, nisi præsupponatur incidentia casus: Imò cum hac Dei permissione casus, est nihilominus ipsius Dei cura et auxilium ne iste incidat casus: qui si non incidat, nullus datur illi permissioni locus. Cape hæc acute lector, & quiesce.

Si quis igitur dicat: Iste non est prædestinatus, iuxta catholicam prædestinationis intelligentiam: Ergo damnabitur: nihil habet euidentiæ: perinde ac si quis dixerit: Non sum oculus: ergo non sum de corpore. Non enim unam benedictionem habet Deus: & sunt gradus & multæ mansiones apud Patrem.

Item si quis dicat ut probet superiorem: Non est prædestinatus: Ergo nō ordinatus ad salutem: iam patet esse falsum: quia Deus uult omnes homines saluos fieri, etc. Ergo omnes ordinauit ad salutē quod ad se pertinuit, licet dispari modo multos.

Et si quis dicat: Non est prædestinatus: Ergo non absolutum uoluntate ordinatus, sed conditionali. Transeat. Quod si adiciat: Ergo non saluabitur: iniuriam facit Deo, si asserat illum conditionem apposuisse quæ impleri non queat. Quod si fateatur posse impleri, attamen nullum hominem impleturum: iactet, ne dicam fatuè aut temerè, certè ex uoluntate, non ex ratione iactabit: perinde ac si quis dicat, Nulla erit gutta pluuie hoc anno.

Deniq; si quis dixerit: Si non est prædestinatus: ergo est à Deo præscitus quod malè finaliter operabitur: similiter stultè loquitur, nisi

prius hanc probet : Non est prædestinatus ; Ergo finaliter malè operabitur : quam nulla ratione probabit .

Vbi est igitur illud unde ( ut ais ) ruit tota mea machina argumentorum ? Fac ergo periculum : recita aliquod ex meis argumentis .

SOTO . Primum enim est , quod exhorret animus audire , Clementissimum Deum , ut ostenderet iusticiam suam , meditatam fuisse pœnas ante peccatum , tantamq; multitudinem quam creauit mortalium , odio habuisse antequam esset odio digna . Hoc argumentum , si aduersus lutheranorum sensum dirigatur , lethaliter illos configit , ut qui aiunt , Deum pro sua voluntate odisse quosdam , atq; adeo ita indurasse antequam quicquam boni agerent uel mali , ne iussa sua capessere valeant , & salui fieri : qua utiq; ratione Deum faciunt autorem mali .

Ambro. Si lethaliter configit lutheranos , opinor configere omnes qui oppositum tenent eius quod ipsum argumentum concludit . Quomodo igitur ruit argumentum ?

SOTO . Patres autem & scholastici non sic impie obloquuntur : sed hoc prorsus quod in tempore fit , aiunt æternum fuisse in voluntate Dei : unde sicut neminem punit nisi ob commissam delicta , ita neminem reprobaui nisi ob præuisam eandem culpam .

Ambro. Hocne dicunt patres & scholastici ? Ego etiam idem affirmo . Quæ igitur ruina argumentorum meorum ? O me miserum , cum quo committo . Testor summam Veritatem , me magno esse affectum tædio dum tuam prosequor nimis infœlicem disputationem ; ubi nihil solidi , nihil constantis perspicio : multa inepta , pleraq; falsa & calumniosa , nihil aduersum me quod in prioribus meis opusculis non resoluerim : multa deniq; sententiæ nostræ ( si modo tibi ipsi constares ) mirum in modum fauentia . Quamobrem hic soluam Dialogum , & paucis quod est in tuis scriptis reliquum dignum annotatione , perstringam .

Multa quæris à me ut respondeā de pueris, de Tyrijs et Sydonijs, & de Saul & David : quasi ego hæc nō resoluerim in Opusculis quæ legisti. Illud uerò quod adiungis :

Respondeat ipse, quæso, an sit crudelis, propterea quod tantā multitudinem permittit ire præcipitem in perditionē, quantam in die Iudicii conspiciemus. Quod si non est ob hoc dirus, profecto nec fuit, si quod facit in tempore, decreuit in æternitate.

Vide ut crassè loqueris, et nihil contra nos. Quis negat decreuisse Deum ab æterno damnare multitudinē quancunq; damnabit ? Sed dicimus, in ipsa sua æternitate non prius illam decreuisse damnare, quàm in eadem ipsa æternitate præsentia essent illorum opera illā damnationem promerentia : Et huius oppositum ego, dirum & crudele existis, mo, nec ullo modo cogitandum de Deo. Quòd autem uelit Deus tales, præuiso eorum peccato & peccati merito, damnare ut ostendat suam potentiam & iustitiam, quis negat ? Idèò quodcunq; subdis quasi mecum cōtendens ; aerem uerberat, non me. Supereſt tamen unum eximium argumentum (sic enim in margine annotari iussisti, In Catharinum) quo me arbitraris prostratum. Est. n. contentiologica. Deo autem gratia est, quòd his tuis meditatis, quæ sunt sophistarum propria, quasi diuinus ego anteuertens occurri, & propter te ac tui similes recentiores sophistas, tractatum edidi de Veritate enunciationū, quē ad te mittam : ubi plenè satisfeci obiectionibus tuis, quas longè ante præuideram : id quod facillè poteris, si legere digneris, agnoscere.

Nunc uerò paucis respondebo partim de calumnia, partim uerò de tua uerè admirabili inscitia. Aggrederis ergo me, partim pro tua auctoritate me increpando, partim uerò pro tua logices doctrina disputando. Increpatio in eo uersatur, quòd ego in fronte statim libelli mei, tās to stomacho scholasticos despectui habeam. Huic increpationi respōdeo

incusans te de calumnia quam mihi sæpius obiectasti. Non est enim  
 meum quemq; ullo stomacho despectui habere. Aliud est disputare de  
 re: aliud inuehi in personas. Illud quandoq; me facere non eo inficias:  
 hoc uero nunquam, nisi persona talis sit quæ uel hæreseos criminis sit  
 iam damnata, uel male audiat in Ecclesia. Ego .n. laudo scholasticos  
 doctores, et ubi secum constant & unanimiter aliquid tanq; definitum  
 accipiunt, uereor dissentire ab illis. At ubi inuicem decertant, quod  
 penè sit in singulis quæstionibus ab Ecclesia non decisis et in hoc præ-  
 destinationis articulo; fateor me huius animi atq; ingenij semper fuisse,  
 cuius me nunq; pœnituit, uidelicet, nolle iurare in uerba magistri.  
 Et præterea, si scholasticos laudo, sophistas tamen laudare non possum,  
 sed eorum potius misereri. In quorum numero nollem te esse, ut mihi  
 certò te esse plerunq; ostendis, sicut alibi me arbitror demonstrasse.  
 Ecce ut id comprobem, uenio ad eximium illud argumentum tuum.  
 Huius contradictionis, Paulus concionabitur cras: Paulus non concio-  
 nabitur cras (posito quòd sit materia æquè contingens ad utrumlibet:  
 de hac .n. erat sermo meus.) tu, etiā seclusa omni præordinatione ac  
 præsciētia Dei, alteram arbitraris esse ueram, ita ut liceat diuidere &  
 signatim dicere: hæc est uera, Paulus concionabitur cras. (Do .n. tibi  
 quòd Paulus cras postea concionetur.) & addis rationem, quoniam,  
 inquis, propositio de futuro nunq; incipit uera esse nec falsa: quasi uerò  
 quia propositio de futuro nunq; incipiat esse uera aut falsa, cōtinuò  
 sequatur q; omni tempore fuerit aut uera aut falsa. Quis hæc ualeat  
 sobrius cogitare? Imò ego quum dico nullam propositionem de futuro  
 contingenti ad utrumlibet esse ueram uel falsam, consequentiſſimè etiā  
 dico, nec ullam earum incipere esse ueram uel falsam. Si quando .n.  
 inciperet una illarum esse uera aut falsa, iam falsum esset quod uniuerso  
 saliter dico, Nullam illarum esse ueram: & item, Nullam esse falsam.

Sentis mi Soto te in eximio tuo argumento uerè sophistam?

Addis: Quis negabit uerum, heri ab æternòq; fuisse me modo disciturum hæc uerba? Respondeo: Aristoteles negat, Auerrois negat, Boetius negat, & alij quos legi Philosophi expositores, etiam B. Thomas noster negant, Petrus Aureolus inter scholasticos non infimæ gloriæ negat: Gregorius etiam Ariminensis testatur, Aristotelem hoc clare negasse: & his ego fretus, tua cum pace etiam nego: Tu uerò bone frater, tanq; tua opposita nostræ opinio sit Aristotelis, & sit communis scholasticorum; me aggredieris, & quasi deprehensum in atroci crimine lapidas: Et miraris, me simul confiteri Deum cuncta nobis futura ut sibi præsentia cognoscere. Quo in loco uideo, te noluisse illud discere in libris nostris, cuius ignorantia te præcipitat in has sophisticeas cogitationes. Saltem idem didicisses apud B. Thomam. Si n. cogitasses quod ille docet, futura contingentia ad utrumlibet, ut futura, nō subesse ulli cognitioni, nec quidem diuinæ, non tam miserabiliter cōtendisses: præsertim cum tanta fiducia de magisterio. Pergis, & ut te ostendas perpetuò calumniosum, ais:

Sed uide qua ratione in cōtingentibus futuris negat inesse aut ueritatem aut falsitatem: quia nemo, inquit, sanæ mentis vel affirmare vel negare potest quod erit post decennium nauale bellum. Profecto eadem ratione neutra istarū uera esset: Astra sunt paria Astra nō sunt paria: In fundo maris sūt lapides sexcenti: Nō sunt sexcenti lapides: quia delirus esset qui alteram partem adstrueret. Parcat tibi Deus. Ego ne, ob rationem quam tu recitas, probō illam meam sententiam, quæ non est mea, sed ipsius Philosophi & omnium benè de enunciationum ueritate sentientium? Siccine uerba mea peruertis, & ueram taces rationem quam clarè expresseram his uerbis?

Omnis (dixi) enunciationis ueritas aut falsitas ab ipsa re accipitur: ut si res ita se habeat sicut ipsa enunciatio significat; uera sit

D. Thom.  
in .i. q. xiiii  
art. xiii. &  
latius in q.  
de ueritate.



Autor in  
Opusculis  
ī libello de  
præscientia  
ac providē  
tia Dei in  
principio.

enūciatio: sin aut oppositè ad ipsam; falsa sit. Quòd si nec ita se res ha  
beat ut enūciatio significat, nec oppositè ad ipsam; neq; uera sit neq; fal  
sa. Ex hoc aut manifestum redditur, quòd omnis enunciatio de re præ  
senti aut præterita, necessariò aut uera erit aut falsa. In ijs .n. opor  
tet rem aut conuenire dicto, & sic erit uerum, aut oppositè se habere  
ad illud, & sic erit falsum. Non sic autem est de futuris contingen  
tibus. Nam hoc enunciatum, Erit hinc ad decennium nauale bellum:  
ut uerè dicatur non habet quicq; paratum in causis, ut tunc fore deter  
minatè censerī ualeat: nec item contrà, si dicatur, Non erit tunc naua  
le bellum, habet in causis ut non sit eo tempore futurum. Quamobrè  
neutra pars oppositionis uera erit aut falsa: quia sicut nō est in re quod  
conueniat dicto, ita non est in re quod oppositè ad illud se habeat. Fus  
tilis ergo & uana erit eiusmodi enunciatio, cui intellectus enunciātis,  
nisi temerè, uel assentire uel dissentire non potest. Hæc ego ibi.

Agnosce igitur rationem meam, & si quid habes aduersus illam,  
explana. Dixi .n. ut patet, ideò contingentium ad utrumlibet nō esse  
ueram nec falsam alterā cōtradictionis partem signatam, quia res ipsa  
non sic se habet ut enunciatio sonat. Ab ipso autem statu rei, de qua sit  
enunciatio, aut ueritas aut falsitas enunciationis resultat, ut sic inuenias  
tur uera enunciatio aut falsa. Et quoniam in futuris, rei status non cōs  
uenit enunciationi uel affirmantis uel negantis, ideò dixi neutram par  
tem separatim enunciatam, ueram esse aut falsam, ac propterea ipsam  
enunciationem futilem esse ac uanam, cui enunciātis intellectus nequeat  
nisi temerè assentiri. Nec dixi, sicut tu falsò calumniaris, ideò nō esse  
ueram, quia enunciantis intellectus non ualeat nisi temerè assentiri: sed  
è conuerso, ideò intellectum enunciātis non posse nisi temerè assentiri,  
quia rei status enunciationi non cōgruit: quod non ita contingit in pro  
positionibus de re præsentī aut præterita. I ergo mi frater, et coràm

Christo

Christo de tot calumnijs te expurgā.

Sed defessus iam sum: Alioquin uix est uerbum abs te aduersum me iaculatum, quod non possem meritò redarguere. Nam illud quod postremò adiungis, quis non miretur? De eo quod est uerum, inquis, postquam est uerum, potest nunq̃ fuisse uerum. Quis ualeat cum huiusmodi disputare, qui tantum absurdum admittat, & eam possibilitatem concedat quæ nec Dei est, ut quod factum est, reddi queat infectū, et semel uerum positum, possit nunq̃ fuisse uerum? Etenim huic ego Logicæ abrenūcio: quia eam non didici in Aristotele: sophistas autem nihil moror.

Quare ut finem faciam, duo abs te rogo mi frater ut cogites, & in ijs tibi ipsi satisfacias. Primum est: Finge tibi, Deum ab initio nullam fecisse specialem quorundam prædestinationem, sed solum antecedenti illa uoluntate, id est, conditionaliter omnes ordinasse ad regnū, idonea singulis media præparantem, sicut de angelis B. Augustinus dixit, & tu illum secutus es: Putas tu propterea nullum penitus mortaliū fuisse saluatum? Si hoc asseris, & tibi reuera satisfeceris; quid est quod non possis asserere? Profectò multo maior pars angelorum salua facta est. Sin autem potius concesseris, illorum multos adepturos salutem; quid obstat ne hoc fatearis, etiam posita quorundam prædestinatione, quæ potius prodesse reliquis potest? Alterum est, ut maxims in tua opinione, quod nullus non prædestinatus saluabitur, cogitare uelis super te ipsum, quo pacto tibi ualeas parare quietem & pacem. Si .n. sequeris B. Augustini sententiam, non solum non potes scire te esse prædestinatum, sed (ne arroganter præsumas) nec debes credere. Potius ergo opinari debes (si sapias) quod probabilius est & humilius, uidelicet, te non esse prædestinatum: Hoc uerò cogitans, iam nosli quis tibi sit paratus locus. Non .n. de non prædesti-

nato, tua ulla opera poteris fieri prædestinatus: Quæ igitur pax potest homini esse cum hac tua opinione? Quanto igitur ego satius, qui ponens me in numero non prædestinatorum ne sim arrogans et superbus & stultus; spero tamen de misericordia Dei, ne frustra animum despondeam, confidens illius bonitati ac pollicitis & eiusdem adiutorio qui non uult hominem perire; me uitam illam adepturum æternam. Amen, amen, amen. Et hæc de prædestinatione satis ad Magistrum Soto.

## DISCEPTATIO TERTIA

De Natura Peccati Originalis.



**E**TSI ualde difficile sit (aut ego longè fallor) à tua disputatione indagare quid ipse sentias de natura peccati originalis, ita modò pugnantia, modò intellectu imperceptibilia scribis; illud tamen (ut potè in libri marginibus notatum) constare omnibus uoluisti, te aduersus doctrinam nostram decertare. Quamobrem in gratiã ueritatis coegisti me hanc tertiam edere disceptationem, in qua primum illa proponam, in quibus circa hoc conuenimus, quæ profectò nostram sententiã irrefragabiliter confirmant. Secundo, illa in quibus tu à nobis te dissentire ostentas, ut ea retundam. Tertium, supererit demonstrare, quòd sicut perperam et inualidè oppugnas nostra; ita infirmiter tua statuis, quæ uerè sunt tua, hoc est, nec à scripturis, nec à sanctorum patrum doctrina, nec ab ulla uel probabili, uel apparenti ratione suffulta: quæ etiam à tuismet sententijs reprobata. Conuenimus ergo in his: Peccatum originale esse uerè ac propriè peccatū habens rationē culpe. Verè & propriè peccatum rectè à B. Augustino definitum esse, dis-

Actum aut factum, aut concupitum contra legem Dei.

Verè & propriè peccatum esse uoluntarium.

Originale peccatum esse uoluntarium uoluntate Adæ.

Id quod in Adam fuit effectus peccati & non peccatum: nec in nobis posse esse peccatum, sed peccati tantum effectus.

Primo peccato omnes peccauimus.

In Adam præter transeuntem actum peccati: duo fuerunt reliqua inde effecta, priuatio iustitiæ, et dissolutio concupiscentiæ carnis.

Concupiscentia siue quæ sit in anima, siue quæ sit in carne, non est peccatum originale.

Priuatio iustitiæ originalis, idest, illius rectitudinis totius hominis quæ erat in illo statu naturæ integræ, non est peccatum originale: Nam illa in Adam non fuit peccatum, sed effectus et pœna peccati.

Priuatio gratiæ non est peccatum originale.

Inimicitia cum Deo non est peccatum originale, siue de inimicitia Dei intelligas qua ipse nos odit, siue de illa qua homo ipsum odit.

Adam recepit donum iustitiæ & ius regni pro tota natura: et propterea in Adam tota natura recepit ius regni cum iustitia.

Illa iustitia & gratia, si Adam non peccasset, transfusa fuisset, non ui seminis aut generationis, sed per Dei uoluntatem & infusionem nouam in quolibet filiorum Adæ.

Non propter priuationem illius iustitiæ Deus fecit nos extorres à regno, sed propter antecedentem præuaricationem et nos priauit à regno cœlesti, et originali multauit iustitia. Vnde reuera, non iactus ra iustitiæ, sed esus prorsus ligni delictum fuit.

His igitur de tuis uerbis collectis et explicatis, in quibus mirificè consentimus: restat uidendum in quo à nostra doctrina dissentias.

Primum tu negas, Adam qui accepit gratiam illam ac iustitiam pro

M ij

SOTO.  
De natu. &  
gratia lib. i  
cap. viii.

se ac posteris suis : habuisse obligationem conseruandi illam & sibi et illis : nec ullum pactum intercessisse uis inter Deum & Adam . Sed præstat ut uerba tua recitem .

De natu. &  
gratia lib. I  
cap. x.

Nec cogitandum est (vt quidā effingūt) pactum intercessisse inter Deum & Adam, vt cum primum peccasset, natura expoliaretur illis cœlestibus donis, & ita, nomine totius generis humani, consensum præbuisse, atq; hac causa totum genus, eo peccante, peccasse. Est enim fabula. Nam quid Deus opis habebat Adæ cōsensu? Neq; ita obligatus fuit pro se aut pro nobis seruare donum originalis iustitiæ, vt de hac re habuerit singulare præceptum. Scriptura enim est manifesta, quod unica fuit præceptio, ne ederet de ligno scientiæ, qua, citra eius consensum, potuit Deus obligare totam naturam, tanquam eius, iure creationis, Dominus.

Hæc tu Sotō : quæ profectō non solum me petunt, sed à sensu scripturarū atq; doctorum manifestè recedunt : Vbi ostendis te non intellexisse quid sit pactum, & parum idoneum ad intelligendum omnem scripturam, quæ nihil aliud continet nisi pacta et testamēta, quæ Deus dignatus est pangere nobiscum. Vt aut hæc intelligas, quæro abs te, utrum tu cum Deo, aut Deus tecum, pactum aliquod contraxerit, et tu aliquid ei promiseris ac tenearis seruare illi? Si confitearis; te ipsum expugnas. Tu enim quantum attinet ad pactum, eandem pacti rationem cum Adam constituis, quæ est nobiscum qui gratiam recipimus; ut in tuis commentarijs in Epistolam ad Rom. patet. Ergo nullum esse pactum existimas in lege nouæ gratiæ, cum neges fuisse pactū cum Adam in priore statu iustitiæ? Quid hic dicā, nisi te nō meminisse Baptismi tui? Et cum interrogatus es à sacerdote, utrū uelis baptizari et fieri Christianus, et utrum credas, & utrum abrenunties Satiæ et omnibus pompis eius, quid responderis oblitus es. Quod tamen si nunc animaduertas, nihil aliud fuisse dixeris quàm

pactum inter Deum initum et te. Et in uerbis sacerdotis, cum tibi tradita est uestis candida, nihil puto agnosces aliud, quam præceptum particulare de conseruatione doni gratiæ acceptæ à Deo ac similiter fidei dei. Recole, si placet, ritum ab Ecclesia per Spiritum sanctum Dei inspiratum, quando sacerdos dicit: Accipe uestem Candidam et immaculatam, quam perferas sine macula ante tribunal Domini nostri IESU Christi, ut habeas uitam æternam. Et similiter: Accipe lampadem irreprehensibilem: custodi baptismum tuum: ut cum uenerit Dominus ad nuptias, possis ei occurrere &c. Vide igitur quàm sit speciale præceptum de custodienda gratia ac iustitia: et nunc miraris, Dominum hoc fecisse in prima hominis conditione, quod facere nunc in reparatione atque instauratione est manifestum.

At inquires, Nulla mihi idonea autoritate probabis hunc quem fingis Adæ consensum & pactum cum Deo. Audi, An non D. Thomas utrunque accipit tanquam rem exploratam atque compertam? Ipse enim cum questionem posuisset, Vtrum Adam creatus esset in gratia: argumentatur pro parte negatiua, his uerbis: Ad hoc quod aliquis accipiat gratiam, requiritur consensus ex parte recipientis, cum per hoc perficiatur matrimonium quoddam spirituale inter Deum et animam. Sed consensus in gratiam esse non potest nisi prius existentis. Ergo &c. Et huic argumento respondens non negat sumptum primum, sed ait, quod cum motus uoluntatis non sit continuus, nihil prohibet etiam in primo instanti suæ creationis primum hominem gratiæ consensisse. Hæc ille. Quid hic ais? An non intelligis pactum cum audis spirituale sponsalium et consensum, quem tam doctè ac disertè exprimit S. Doctor? Quod si testimonium de scripturis quærebas: nūquid non ego in opusculis nostris produxi Oseam prophetam, qui ait: Sicut Adam transgressi sunt pactum: ibi præuicati sunt in me. Quem locum expo-

nens B. Hieronymus, sic ait: Ipsi autem imitati sunt Adam, ut quod ille in paradiso fecit, pactum meum legemque prateriens: isti in terra fecerunt. Hæc ille. Et tu dicis hanc de pacto esse fabulam? Hoc pactum uocat chirographum Apostolus. Cur autem hoc nomine, nisi quia significat quiddam propria manu conscriptum, ut ostendat quod nostra uoluntate obligati eramus Deo? Hoc. n. importat chirographi ratio. Sapiens etiam in Ecclesiastico, de primis parentibus manifestè testatur, quod Dominus constituit testamentum cum illis. Quid est testamentum nisi pactum, quod hebraicè dicitur BERITH? Vnde etiam B. Augustinus in libro de nuptijs et concupiscentia cap. xi. acutè de more tractans illum locum Gene. xvii, de pacto circumcisionis: id quod ibi dicitur: Masculus cuius præputij caro circumcisa non fuerit, delebitur anima illa de populo suo: quia pactum meum irritum fecit: refert ad pactum cum Adam factum. Nam eo ipso quod paruulus non est circumcissus, ac propterea à peccato ueteri non liberatus, ait ille, dissipauit testamentum Dei: non illud de imperata circumcisione, sed illud de ligni prohibitionem, quando per unum hominem peccatum intrauit in mundum. Hæc in sententia Augustinus. Vbi manifestissimè pactum et testamentum uocat quod inuit cum Adam Deus: quod nos irritum fecimus peccante illo. Idque non quasi rem dubiam aut obscuram, sed notam et claram in Ecclesia, sumit Augustinus.

Nec erant abs te cõtemnendi doctores, qui cum dicunt originale peccatum esse priuationem iustitiæ cum debito habendi eam: hoc tanquam indubitatum supponit, quod accipientes donum iustitiæ in Adam, ut per illud fructificaremur Deo; etiam constituti sumus in illo debitores conseruandi ipsum donum. Si autem non essemus huius conseruationis debitores: cur præcipuè ob istam causam eueeretur à nuptijs ille homo arrogans, et impudentiæ argueretur, hoc solo quod non haberet uestigium nuptiale?



Ad hæc, ut ipse tecum pugnes: nōne accepit ea dona Adam pro se & uxore & posteris suis? Si Adā accepit pro se ac posteris, intellexit ergo Dei pollicitationem, qua declarauit Deus, daturum se posteris illa dona: intellexit et conditionem appositam, nempe, si modo ille abstineret se ab esu fructus signatæ arboris. Adam uerò huic legi cōsensisse, cum ex ore Domini illas cōditiones resciret, negare non potes. Quod si consensit ac propterea recepit seruaturum se illas, quid, quæso, deest quominus sit pactum ubi conuentio apparet et mutua obligatio? Tu uerò hic mihi obfistis, et ais:

Quid opus habebat Deus Adæ consensu?

Respondéo, uæ nobis si Deus ea solum nobiscum ageret quibus opus haberet: sed nobiscum agens, demittit se, & quodammodo de sua maiestate descendit paciscens nobiscum, & consensum nostrum requirēs, sicut uniuersa scriptura ab initio usq; ad finem passim declarat. Eho tu Soto, non legisti Dei pactum cum Noe & cum Abraam & Isaac & Iacob & cum populo illo, ac postmodo nobiscum pactum nouum? Quod si ualeret ratio tua, cuncta hæc pacta figmentum sunt & fabulæ, quia Deus his opus non habebat. Dices, Nihil scriptura dicit de consensu Adæ: sed solum legimus præceptum illi factum. Sed nec tu legis quod Adam receperit illa dona pro se & filiis: & tamen id confiteris: quia etsi in scripturis non sit expressum, rationibus tamen educitur atq; euincitur: Rogo te, quid erat circuncisio cum cōditionibus suis, nisi pactum? Audi quæso Dei uerbum:

Hoc est pactum meum quod obseruabitis inter me & uos et semen tuū post te: Circuncidetur ex uobis omne masculinum: & circuncidetur carnem præputij uestri, ut sit in signum fœderis inter me & uos. Infans octo dierum circuncidetur in uobis, omne masculinum in generationibus uestris: tam uernaculus, quàm emptitijs circuncidetur &

Gene. xvii.

quicumq; non fuerit de stirpe uestra; eritq; pactum meum in carne uestra in fœdus in æternum. Masculus cuius præputij caro circumcisa non fuerit, delebitur anima illa de populo suo; quia pactum meum irritum fecit. Ecce audis pactum, et tamen Abræ consensum non legis. Id uerò quamobrem, nisi quia non oportebat exprimere quod tacite poterat à non imperito subintelligi? Quanq; reuera legimus in Ecclesia: Hico Adæ consensum, ubi legimus: Si uolueris mandata conseruare & in perpetuum fidem placitam seruare & c. Quod autem ait, fidem placitam, quid est aliud, quàm fidem promissam, ut inde proculdubio consensus elicitur & pactum? Scrutare ergo scripturas mi frater, & meditare profundius quæstiones quæ circa huius peccati naturam emergunt: ac simul ea in quibus pariter consentimus: et tunc experto cognosces, si pactum tollis, manere illas inextricabiles.

Reprehendis secundo loco me quòd scripserim, originale peccatum primò ac propriè nihil aliud esse, quàm illud quod ipsi Adæ fuit actuale: quod tribus maximè rationibus compulsus sum asserere. Prima, quòd huic sententiæ adslipulantur scripturæ sanctæ & ipsamet uera ratio culpæ ac peccati. Nam peccatum originale, ut ipse in hypothesis, te comprobante, ostendi, oportet ut habeat ueram rationem culpæ et imputabilitatis. Nò autem inuenitur uera culpæ ratio nisi in actu alio quo inordinatè còmissio contra Dei legem: ut hic liqueat, peccatum nostrum originale non esse aliud quàm illud actuale Adæ: quod tandem Caietanus uidit, et apud sanctos patres de sanctis scripturis ita clarè demonstrari existimo uel ex eo D. Pauli loco, ut meo iudicio qui nò segniter animaduertat, persuasus euadat. Imò uerò ex suppositis, quæ ob hoc ipsum consultò de tua disputatione collegi, proculdubio hæc nostra sententia clarè deducitur. Si .n. originale peccatū quod in nos transfunditur est illud primum Adæ peccatum: profectò illud primum

non

non fuit nisi illud actuale, nimirum ille esus pomi. Præterea, si peccante Adam, et nos in illo peccauimus: profecto illud idem peccatum peccauimus: aut si non illud peccauimus, iniussu illius peccati pœnas pateremur. Quod si illud peccatum, nostrum est et originale est, quid aliud quærimus? An fortè pluribus peccatis illaqueamur? Quis ausit hæc noua et inaudita nobis obtrudere? Verum hac de re fusius in opusculis nostris. Quia ergo rem iam actam agere superuacuum duco; relego te (modo digneris) ad ea quæ scripsi et ad te mittam.

Hic solum unicum tuum argumentum refellam, quod huiusmodi est: Peccatum originale illud est (teste Apostolo) quod transfusione recipitur. Illud autem actuale Adæ transfundi non potuit, quoniam confestim, ut potè actus, præterijt: Nō ergo potest id dici peccatum originale. Ad quod ego antequam quicquam moueres, iam in opusculis et in commentarijs nostris ad Romanos, qui iam editi sunt, tibi respondi his uerbis: Quæstio est, quonā pacto illud peccatum intrasse dicatur in mundum, cum fuerit actus quidam qui statim transijt? Respondemus, quod licet peccatum illud transferit actu: manebat tamen semper reatu ante oculos Dei respicientis Adæ ut peccati autorem et reum, in quo continebatur mundus. Ipse .n. Adæ qui peccauit, quantum in eo fuit, non deslitit à peccato, et ita mundus qui fuit in illo, sub eo peccato inuoluitur. Vnde et peccatum illud Adæ, peccatum mundi dicitur, sicut B. Ioannes Baptista dixit: Ecce Agnus Dei, ecce qui tollit peccatum mundi. Hæc ego ibi. Paulus ergo peccatum illud et mortem in mundum intrasse ait, quia illius peccati reatus (quod de more uocauit peccatum) et ipsæ pœnæ peccati, quæ mortis nomine comprehenduntur, in mundum intrauerunt. Et hoc satis ad argumentum tuum, ut cernas quàm facile euanescat.

Supereſt modo tertium, ut in gratiam amicorum quorundam, tuam

peccati originalis definitionem exponam simul ac refellam. Quamuis eius ego eram sententiæ, intactam potius illam dimittere, eò quòd nihil hic uiderem periculi ne quis lector adeò esset stolidus et imperitus, ut illà probare posset: quæ ad explicandum et intelligendum longe difficilior est, quàm ad confutandum. Illam tu hoc pacto uenatus es.

De natu. &  
gratia lib. i  
cap. ix.

Originale peccatum, nihil aliud dixeris, quam peccatum a primo parente in prolem origine transfusum. Quamobrem ex peccato illo, contagio nostra, diiudicanda est. Vt id quod erat in illo formalis ratio peccati, relictum cognoscatur in nobis per modum habitus. Et qui in illo effectus erant, itidè sint & effectus in nobis. Supponamus exempli gratia, primum peccatum Adæ fuisse esum ligni. Præcesserit .n. superbia nec ne, nihil ad rem. Formalis tunc ratio illius criminis fuit obliquitas & deflexio animæ per voluntatem a lege & ordine Dei. Et quia Adam gerebat personam totius naturæ, quæ in ipso susceperat beneficium illud iustitiæ, permansurum in ea quandiu non peccasset: tota in ipso rea facta est illius prauaricationis, & ingrata inuisaq; effecta est deo. Quare deordinatio eadè & deformitas (vt verbis scholæ utamur) illius actus mansit per modum habitus infixæ naturæ: quâ proinde obliquitatem vna contrahimus cum eadem natura. Quocirca vt cõcedendum est, peccatū originale esse in nobis, ita neq; est negandum, quo minus sit, pro formali, carentia iustitiæ originalis: si modo iustitia etiam ipsa similiter accipiat pro formali. Iam .n. supra cap. v. retulimus ex S. Thoma i. p. q. xcv. formale significatum iustitiæ originalis esse rectitudinem animæ ad Deum: materialia vero rectitudines alias, scilicet inferiorum virium animæ ad rationem, atq; corporis ad animam. In Adam, si rem æstimate consideres, priuatio iustitiæ, quo ad primum ordinem, non fuit effectus peccati, sed formalis ipsa eius ratio: priuatio vero cõtra, eiusdem iustitiæ, quo ad alios duos ordines, non ratio peccati, sed effectus fuit. Ad hūc ipsum eundem modum priuatio in nobis rectitudinis prioris, est peccatū originale: priuatio vero aliarum, est eiusdem peccati effectus.

Hæc tua sunt Soto. Contra quæ ut agā, interrogandus es mihi.

Primum, cum peccatum priuationem esse dicas iustitiæ illius originæ, qua parte rectificabat mentem respectu Dei, uelim scire, num tu intelligas iustitiam illam originalem, sicut omnes intelligunt, fuisse certum donum Dei & habitum quendam à Deo infusum, quo decoratus fuit Adam, ut inclinaretur ad debitum amorem ac. subiectionem Dei. Si iustitiæ illius originæ nomine hoc intelligis, falsa omnino est, & à temetipso reprobata hæc tua definitio: eo quod hæc priuatio huius doni, etiam circa partem superiorem respectu Dei, non fuit Adæ peccatum, sed effectus peccati. Modo tu ipse confessus es, id quod non fuit in Adam peccatum, sed effectus: similiter nec esse in nobis peccatum, sed effectus peccati.

Ad hæc, Illius priuationis autor est Deus, qui subtraxit Adæ illud donum. Ipse autem peccati autor non est. Quod si dixeris, illud fecit Deus quia meruimus: hoc potius contra te militat: Propter peccatum ergo antecedens meruimus illam priuationem. Non igitur illa priuatio peccatum est originale, sed quod prius patratum illam promeruit.

At inquires, Per priuationem iustitiæ originæ intelligo illam Adæ inordinationem actualem quæ fuit formalis ratio illius actus inobedienciæ. Primum iam hic incipis nobis illudere, & uocum significationes euertere: quoniam priuatio iustitiæ non importat actum nostrum ullum, sed negationem tantum eius doni quod erat Adæ datum & nobis promissum. Deinde illa inordinatio actualis Adæ transiuit, nec in nos transfunditur. Quare per te non potest dici peccatum, qui actuale illud Adæ peccatum iccirco negasti esse originale, contra nos agens, quia quum transferit, transfundi non potuit. At originale peccatum transfunditur.

Ad hæc, Illa actualis inordinatio quam tu uocas priuationem iustitiæ originæ, non fuit minus priuatio gratiæ; qua certè mens componebatur cum Deo. At gratiæ priuationem tu negas fuisse originale

peccatum, sed ais fuisse effectum peccati: quod & uerum est.

Ad hæc, aut gratia erat idē prorsus quod illa originalis iustitia, qua parte Deo coniungebatur: aut erat aliud quiddā. Si erat idem prorsus, sicut ipse, ex doctrina B. Thomæ, magis probas: manifestè de perplexitate conuinceris. Si enim erat idem; dicens ergo tu, quod priuatio illius iustitiæ fuit peccatum originale, consequenter habes necesse fateri, priuationem gratiæ esse peccatum originale: quod tamen tu iam negasti.

Quod si fortè à temetipso recedēs dixeris, diuersa fuisse dona illa, qua pars animæ superior reëtificabatur cum Deo: Alterum scilicet gratia, qua iungebatur homo Deo ad supernaturalem finē; qui est cœlestis beatitudo: Alterum originalis iustitia, qua iungebatur homo Deo ad finem naturalem: (quod ego multò probabilius existimo) etiā tunc non est tibi ulla ratio uocare originale peccatum magis priuationē illius iustitiæ, quàm gratiæ, cum è conuerso ratio ipsa suadeat: cuius signum est, quia in reparatione nostra ubi peccatum originale tollitur, solā gratia restituitur, non alia iustitia.

Ad hæc, cum tu nitereris te à nostris explicare argumentis, quibus astringebaris fateri, illud esse nostrum peccatum originale, quod Adæ ipsi fuit actuale, eò quod clarè dicitur ab Apostolo, quod & nos illud peccauimus in Adam existentes; & unius illius reatu (ut inquit Augustinus) omnes tene mur; in hunc modum respondes:

Concedimus quod illo tātum Adæ peccato peccauimus omnes, ut liquido monstratum est.

Hæc tua uerba: Quid igitur obstat quin illud sit originale peccatū? Si enim illud est peccatū nostrum ut fateris: aut est originale, aut quid aliud. Non quid aliud, quia nos aliter non peccauimus: Ergo originale. Licet enim, ut tu statim subdis, non potest dici quis originaliter

peccare : illud tamen uerè dicitur, omnes nos originaliter peccasse : quia in origine nostra peccauimus cum ille peccauit . Et illud idem est quod contrahimus, te dicente : Neque negandum est, peccatum Adæ esse illud quod contrahimus . At quo pacto contrahimus quod esse desyt ? Ecce tuipse subdis : Id tamen fit per hoc, quod reatus ille peccati relictus est in natura quæ in Adâ peccauit . At nos, quid aliud dicimus, nisi illud peccatum, quod cum illo commisimus, transfundi in nos, non in seipso, sed in effectibus suis, idest, in reatu & pœnis ? At tu, ut cuncta implicares, peccatum illud originale, idè esse uis quod est reatus, aut saltem quod reatus culpæ est forma uel ratio formalis peccati . Et amplius, nihil aliud esse reatum illum, quàm respectum quendam ad præteritam culpam . Et hic possum merito exclamare O portentosa O monstra . Oro te, quid est propriè reatus nisi obligatio ad pœnam, ut omnes accipiunt, & B. Thomas eleganter declarat ? Quomodo ergo peccatum originale est propriè peccatum si est reatus, idest, obligatio ad pœnam, cum obligatio ad pœnam propriè peccatum non sit, sed à peccato ueniat, et sit peccati effectus ? An non meministi B. Thomam hanc positionem merito damnantem dicentium, quod peccatum originale nil aliud erat quàm reatus ?

Dices, imò dicis, quod peccatum originale non est reatus pœnæ, sed culpæ . At ego rogo, quid intelligis per id quod ais esse reatum culpæ, quem distinguis à reatu pœnæ ? Nunquid per reatum culpæ ipsam culpam, aut quod ab ipsa procedit culpa ? Si culpam ipsam ; impropriè loqueris iuxta uim uocis & doctrinæ B. Thomæ . Aliud est enim culpa, aliud reatus . Si forma culpæ aut quod est ratio culpæ, quæ nil aliud est quàm deordinatio actualis : etiam impropriè loqueris : & tamen idem ferè dicis, quod nos : nisi quod nos illum actum cum sua deordinatione dicimus esse peccatum . Illa enim actualis deordinatio, ut sit forma peccati, oportet inueniri in actu . Quod si putas.



reatum esse aliud quiddam distinctum à culpa: ergo per te originale peccatum non erit culpa, contra quod scribis. Et præterea, si reatus culpæ est aliud quid ab ipsa culpa, profectò nō potest esse aliud q̃ uel obligatio ad pœnam uel pœna ipsa: quorum neutrum habet rationem peccati, sed utrunq; à peccato descendit. Et certè phantasticum est cogitare reatum culpæ quasi quoddam medium inter culpam & reatum pœnæ, ita ut à culpa duo reatus descendant, uidelicet reatus culpæ, ac reatus pœnæ: quæ ne dum non sunt opinabilia, uerum nec intelligibilia.

Ad hæc, si dicis, ut dicis, hunc reatū esse formale rationē peccati, quā, quæso, materiā eius peccati ponis? Non actū, non concupiscētiā, quam negas esse peccatum, sed ipsam animam uel essentiam animæ. Per te igitur anima uel essentia eius, cum illa deordinatione erit peccatum. Quis hæc ualeat somniare quamuis æger et melancolicus?

Ad hæc, si peccatum originale inest in nobis per modum habitus, quomodo potest esse priuatio? siquidem priuatio sit potius carentia alius cuius habitus, et priuatio & habitus opponantur.

Ais, illa obliquitas animi quæ transeunte peccato manet & in nostra natura infixæ est per modum habitus, illa est in nobis peccatū originale. Verum illa obliquitas animi, primū nō est priuatio iustitiæ, sed ex ipsa priuatione iustitiæ uenit: Deinde, nunquid illa obliquitas animi fuit in Adam peccatum originale? Si negas; quomodo ergo erit in nobis peccatum, te iam dudum ponente regulam: Quod non fuit peccatum Adæ, nec esse nostrum. Si uerò asseris, aut intelligis obliquitatem animi Adæ actualement quando peccauit, aut eam quæ mansit in eo post peccatum per modum habitus: si priorem intelligis, quomodo illam fingis transfundi, quæ transijt? Si posteriorem: At illa nō fuit Adæ peccatum, quæ illi inhæsit per modum habitus: Ergo nec in nobis. Præterea, per aduentum gratiæ fuit in eo sublata illa obliquitas:

quomodo igitur est transfusa in nos per illum?

Ad hæc, Ais illum reatum culpæ esse respectum ad suum ipsius scilicet Adæ delictum. Sed respectus ad quodcunq; uelis, aliud est ab eo ad quod est respectus. Non ergo respectus, est Adæ delictum: ergo nec nostrum.

Plurima mihi occurrunt mi Soto contra hoc tuum chimericum commentum, quæ si prosequerer, profectò nimis essem. Nam si hæc non satis sunt quibus mouearis; nec quicquàm satis esset quod possem adiungere: quamuis acuto lectori satis esse putabam considerare nouam & admirandam hanc ferruminationem, qua peccatum originale confertis ex priuatione iustitiæ, obliquitate animi, reatu culpæ & respectu ad Adæ delictum siue ad præteritam culpam: quæ si tibi placent; absq; inuidia.

## DISCEPTATIO QVARTA

De potentia liberi arbitrij in natura lapsa absq;  
gratia & speciali auxilio Dei.



**H**XISTIMO non excidisse tibi è memoria, cùm primum ad synodum Tridentinā theologus accessisti, subortum ibi rumorem, quòd in libellis quibusdam nostris (qui multo antè publicati, absq; vlla accusatione in manibus studiosorum uersabantur) quiddam offenderis quod hæresim sapere ret. Hoc autem erat, quòd scripseram, neminem in statu naturæ lapsæ, absq; auxilio Dei speciali, posse ullum bonum facere, quod uerè bonum etiam moraliter dici posset: ut propterea quodcunq; homo talis ageret, malum rectè dici posset & peccatum. In particularibus enim, ut ait B. Thomas, omnem actionem oportet uel bonam esse uel malam;

non enim est inuenire mediam. Cùm igitur ob hunc rumorem, cuius auctor ipse pradicabar, te conuenissem, & exposulassem iniuriam, quòd mihi prius non significasses errata mea fraternè: tu, ut meministi, satis leniter locutus excusasti factum, tametsi quod scripserim non placeret. Et quoniam adhuc à quibusdam qui tuo testimonio innitebatur denuo infestabar: rursum te conueni, et de re ipsa cùm paucis ageremus, ostendi tibi ex libro Reuerendiss. Cardinalis et Episcopi Rossensis Viri sanctissimi pariter ac doctissimi, quem aduersus Lutherum scripsit, eandem prorsus quam tu in me corripiebas sententiam ab illo probari: ut si me hæreticum faceres, prius illum faceres. Vidisti, & me non falsò esse loquutum, fidelibus oculis perspexisti. Nec uerò solummodo Rossensis nobis astipulabatur: uerum etiam Capreolus nosler, qui id quod ego scripseram, doctrinam esse B. Thomæ non obscure testatur. Quare tu hoc certò uidens, remisisti aliquid de censure tua; et à periculo hæresis liberatus sum. Satis enim constabat, etià Gregorium Ariminensem idem tenuisse: & ut non temerè existimabat, ex sententia B. Augustini, imò etiam Beati Thomæ. Cùm igitur sane perspiceres, non admodò facile ac tam citò per te fieri hæresim posse quæ à tantis uiris ueritas haberetur: hanc quæstionem tractasti in libro tuo de natura et gratia, & citato nomine, aduersus Episcopum Rossensem disseruisti: quàm uerò inefficaciter, mearum esse partium duxi tibi ostendere: propterea quòd dum illum carpi, unà me carpi, qui idem prorsus cū illo sentio. Non quòd fatear me illud ab eo didicisse, quod à scripturis et à patribus antea didiceram.

Capreolus

Gregorius  
Ariminen.

D. Episco.  
Rossensis  
contra Lu-  
therum, de  
lib. arb.

Proponam igitur prius quæ ille doctè & secundum scripturarum ac ueterum patrum testimonia eleganter conclusit his uerbis:  
Speciale auxilium gratiæ non deest cuiquam peccatori, nisi uel indurato, qualis Pharaon fuerat, uel in sensum reprobum tradito, de cuiusmodi

ijsmodi Paulus loquitur ad Roma. 1. de quibus utrisq; certum est, quòd auxilio Dei speciali fuerunt destituti. At non opinor quosq; peccatores ita communiter à Deo deseri: sed quanquàm extra gratiam fuerint, nihilominus hoc auxilium speciale præsens esse, quo Deus ad eorum corda pulsât ut intret. Hoc dixi propter patres, quorum sententiam sequi malim, quàm scholasticorum, cum in hac re mutuo sibi pugnent. Patres enim asserunt neminẽ posse quicquam boni uelle sine speciali Dei auxilio, nec sufficere generalem illum influxum. Nonnulli contra scholastici sic cõtendunt hunc sufficere, ut quis absq; illo auxilio benè moraliter agere et bonum facere possit: non solum ex genere, uerum etiam quod debitis undiq; circumstantijs ornatum sit. At si scholasticorum argutias aduersus patres admittemus, sequetur etiam, ut absq; hoc auxilio Pharaò quantumuis indurati cordis fuisset, & ij qui traditi fuerunt in reprobum sensum, potuissent benè moraliter agere: quod mihi sanè credibile nõ est. Hæc ille.

Duo ergo sũt super qbus est inter nos cõtroversia, et de qbus me oportet tecũ disserere. Primum est, quòd Dominus Deus nonnullos dimittit sibiipsis, & in reprobum sensum tradit, ut nequeant conuerti & obtinere salutem. Alterum est, quòd nemo quicquam boni potest operari ex ui liberi arbitrij etiam moraliter, nisi speciali Dei auxilio adiutus fuerit. Et de hoc secundo decreui tractare prius, & tuis argutijs (Hoc enim nomine ipse Dominus Rossensis meritò uestas inanes argumentationes appellauit) obsistere. De priore dicto, postea disputabitur.

Verũ anteq; tecum congregiar, ut unde uestra deceptio exoriatu-  
 ostendam, unum præmitto, uidelicet, hanc quæstionem ab ipsis scriptu-  
 ris & à uera quæ inde proficiscitur theologia cognoscendam ac diris-  
 mendam esse: non à philosophia, quæ ab elementis mundi huius fallacis

bus proficiscitur. Hoc est enim quod tacite Episcopus Roffensis significauit quum dixit, in hac quaestione diffidere scholasticos à patribus, & se, reiectis scholasticorum argutijs, patrū sententiæ adhaerere: hac nimirum tacita ratione, quoniam patres scripturis magis incumbabant & illis innitebantur: scholastici uerò magis philosophiæ: ut non sit mirum, patres non aberrasse à uero circa hoc: illos autem, idest, scholasticos (B. Thomam excipio & penè dixerim B. Bonauenturam), aut certè eorum maiorem partem, quos tu secutus es, impegisse.

**Dialogus.** Ut autem tandem clarius hæc manifestem, quo breuior sermo fieret, decreui cunctam hanc disputationem ad modum dialogi reducere, ut lector quasi loquentes audiat te arguentem, ac me respondentem.

**SOTO.** Potest homo absq; donis illis & gratia & iustitia originali, per se nosse bonum & honestum absq; auxilio Dei speciali.

**Ambr.** Petis principium. Hoc. n. erat quod in quaestione uersatur.

**Soto.** Probolic. Ut per se notū est in quantitate totum excellere parti: tam notum est & illud principiū: Id facias aliis quod tibi vis fieri, & quæ inde sunt consequentia, ut honorare parentes &c.

**Ambr.** Verè hoc in loco & si magnus philosophus sis, non tamen locutus es ex doctrina Philosophi. Non enim æquè notum est quod in moralibus dicitur esse bonum siue iustū et honestum, sicut illud principium: Totum in quantitate, est maius sua parte: quod est cuiq; euidentissimum. Vnde Philosophus proponens tractatum moralium, ita

**Aristote.i. ethicorū** scripsit: Dici ad sufficientiā putandum erit, si secundum subiectam materiam declaretur. Nam certitudo quidem non eodem modo est in omnibus perquirenda: quemadmodum nec in artificium operibus.

Honestæ uerò & iustæ de quibus ciuilis considerat, tantam uarietatem & discrepantiam habent, ut lege duntaxat, non autem natura constare uideantur. Talem quandam & ipsa bona habet uarietatem: propter

rea quòd sæpe ab illis accidunt detrimenta. Iam .n. quidam ob diuitias periere: alij ob fortitudinem. Satis ergo fuerit de his & ex his loquentes grosso modo ac ueluti per figuram ueritatem ostendere, & secundum ea quæ plurimum fieri solent, de huiusmodi rebus transigere. Hæc Philosophus, quem exponens Diuus Thomas, latè declarat hæc differentiam, quam experientia probat, inter certitudinem principiorum speculabilium, ac moralium. O si uacaret, recitarem tibi ex uarijs sectis philosophorum tam uarias de fine hominis sententias et tam uarios ac peruersos diuersarum gentium mores et instituta, ut mirareris, & facile agnosceres erratum tuum: ac simul pueret tuæ propositio nis: præsertim quòd tantopere de philosophiæ notitia gloriaris, & spernis alios.

Soto. Possum tamē probare de scripturis sanctis id quod posui.

Ambr. Expecto si quid nouum proferas.

Soto. Primum ex Psalmo quarto ubi Dauid ait: Signatum est super nos lumen vultus tui Domine. Quod doctores intelligūt de lumine naturali.

Ambr. Ita loqueris perindè ac si Doctores omnes illud sic intellexerint, hoc est, de lumine naturali, aut saltem sit hæc communis expositio doctorum: cum reuera communiter sancti patres de lumine gratiæ supernaturali intelligant, nec quisq; quantum legerim, præter paucos qui de philosophia in scholis profecerunt, eum locum de lumine naturali interpretatus est, et meritò. Nā, & te ipso iudice si tibi uelis esse cōstans, non potest de naturali lumine intelligi. Si .n. (ut iam statuisti) per se nota sunt bona, id est, quæ nobis agenda sunt: quomodo de his bonis Propheta intelligens, quæ per se nota sunt, diceret: Multi dicūt: Quis ostendit nobis bona? Tanquam si multi in per se notis aberrēt. Et Philosophus ait: Quis aberret in foribus?

Præterea, quomodo Propheta quærentes quæ essent uerè honesta ac bona, remitteret eos ad lumen naturale, quod ad hunc finem potius tenebra est, & non magis ad legem Dñi scriptam & supernaturale lumen, quod frequentissimè implorabat, dicens : Illumina tenebras meas . Et : Illuminet uultum suum super nos . Et : Emitte lucem tuam & ueritatem tuam . Et penè in quouis psalmo, diuinæ legis scientiam & intellectus illuminationem poscit à Deo . Quòd si de lumine naturali Dauid intellexisset, commodius dixisset : Signatum est super eos lumen uultus tui Domine : non autem conuertens sermonè ad Deum dixisset : Signatum est super nos . Vt appareat quòd illa non erat inter rogatio uolentium scire honestum, sed exprobrantium potius fidelibus suam fidè, quasi à leuitate uenientè, unde sperarent felicitatè æternā.

Verus ergo & germanus eius loci intellectus, sicut sancti patres declarauerūt, ille est, quòd multi increduli de futuris bonis uenturi seculi, quæ prophetica lex prædicabat ac pollicebatur iustis, irridentes obiectabant : Quis ostendit nobis bona ? Sic alibi describuntur, dicens, Deus per cœli cardines ambulat & quæ nostra sunt non cōsiderat . Non est refrigerium nec remediū in fine hominis, et non est qui agnitus sit reuersus ab inferis . Hoc est dicere, Quis ostēdit nobis bona ? Sed fideles ex propheta eo in loco confitentes dicunt : Signatum est super nos lumen uultus tui Domine, dedisti lætitiā in corde meo, hoc est, lumen fidei, quo signantur iusti, quorum personam Dauid in se sumens dixit : Signatum est super nos, id est, super eos qui amici & filij Dei facti sunt : quo lumine hæc bona prospiciuntur ac desiderantur . Vnde B. Paulus, postq̃ dixit : A seculo non audierunt &c, adiecit : Nobis autem reuelauit Deus per Spiritum suū . Et hic addit prophetā : Dedisti lætitiā in corde meo . Hæc lætitia fructus est Spiritus, & ab eo lumine uenit quo æterna bona sciuntur : non à naturali, à quo



nō nisi cōtritio infœlicitas et afflictio spiritus : Vnde ipse B. Paulus :  
 Fructus , inquit , Spūs est charitas , gaudium , pax . Et hic Propheta  
 inquit , Dediſti lætitiā in corde meo : In pace in idipſum dormiā et reſ  
 quieſcā . Nec eſt prætereundū , q̄ iuxta hebraicā ueritatē non legi  
 tur : Signatum eſt : ſed per modum precantis : Leua , ſeu extende , uel  
 exalta ſignum ſuper nos lumen uultus tui : ut apparet in translatione  
 B. Hieronymi et omniū qui ad hebraicā ueritatē conati ſunt ſenſum  
 reddere : ut Fœlix , Sanctes , et reliqui penitus omnes magno cōſenſu . D. Hiero.  
 Et hanc lectionem ſequitur Caietanus , abiecta illa quæ eſt communis  
 editionis . Quo fit manifeſtum , non poſſe intelligi de naturali lumis  
 ne , de quo non oportet orare ut detur nobis quod cū natura ſuſcipimus .  
 Vide modo frater Chariffime quā negligēter diſſerueris , et ad pau  
 ca reſpiciens , quā inconfideratē dixeris doctores ad eum modum , id  
 eſt , de lumine naturali locū illum interpretatos eſſe : quod eſt lectorem  
 decipere : quandoquidem Magnus ille Gregorius Nazanzenus , &  
 D. Hieronymus in ſuis commentarijs , & ſimiliter B. Auguſtinus ;  
 et D. Chryſoſtomus , et Caſſiodorus , et Euthymius , & Arnobius ,  
 et Aimō , & quicunq; ueterum ſuper pſalmos ſcripſerunt , de lumine  
 fidei intellexerūt . Tuæ uerò interpretationis ne meminerunt quidē .  
 Eſt et in cathena græcorum ueterum doctorum , quæ in bibliotheca Ro .  
 Pontificis cuſtoditur , breuis eius loci expoſitio his uerbis : Ex infides  
 litate multi hoc dicunt : Quis oſtendit nobis bona ? Non conſideran  
 tes quod eſt ſpes iuſto . Atq; illi quidem diuinæ prouidentię diffiden  
 tes , audent illud dicere . In nobis autē cognitus eſt filius tuus . Hæc  
 ibi . Idem ſenſit D. Bernardus in Epistoſa cxiij . Non me latet B .  
 Thomam utriuſq; expoſitionis meminiffe : ſed noſtram à patribus  
 accepit : tuā à ſcholis . Nam et Magiſter ſententiarum qui in patrum  
 auctoritate merito innitebatur , in commentarijs ſuis ſuper pſalmos ſo

lum nostram expositionem tractat : De tua uerò nec uerbum quidem . Non enim nisi quod in antiquis inuenerat, ausus est quicquam adycere . Quamobrem Dionysius Carthusianus qui non ignorabat etiam scholasticorum quorundam doctrinam, qui ad philosophiam nonnunquam detorquent importunè scripturas : cum hunc locum tractaret, sanctorum patrum sensum ut ueriores probauit et secutus est : quoniam et priora et ea quæ sequuntur, proculdubio tuæ intelligentiæ refragantur .

Præterea non considerasti, quòd et si tuum illum sensum ad illum uersiculum admitteremus, non propterea probaretur quod inde concludis, uidelicet, satis esse lumen illud sine speciali aliquo Dei auxilio tum ad intelligendum plenè ac uerè quod bonum est morale, tum præcipuè ad executionem . Et est manifesta fallacia & pelagianus error ab Ecclesia reprobatus, dicere, quòd ad cognitionem boni sequatur eius electio et prosecutio: quod & ethnici non ignorarunt. Vnde quidam : Video meliora proboq; , deteriora sequor . Et B. Bernardus ait : Nò est eiusdem facilitatis scire quid faciendum sit, et facere . Alioquin si à nosse sequitur etiam posse, posset homo absolūtè totum bonum et honestum ex se facere : quia totum, ut uis, etiam ex se potest nosse : quod tamen tu ipse negas . Miserum me qui cogor de tam manifestis et iam reprobatis, et quæ assidua experientia esse falsa commonstrat, disputare . Hoc enim Pelagij argumentum erat, Ab accepta boni notitia uì liberi arbitrij, etiam obtinendi facultatem consequi .

Soto . Quid est ergo quod Paulus inducit philosophos Dei ueritatè intellexisse, & quia nò sunt eam sectati, facit inexcusabiles ?

Ambr. B. Paulus circumspectissimè loquutus dixit, quòd in Euàngelio reuelatur ira Dei de Cælo aduersus impios atq; iniustos, qui ueritatem Dei in iniustitia detinent . Loquitur autem de illa Dei ueritate quæ est, quòd unicuiq; reddet secundum opera sua . Hanc aut

ueritatem etiam philosophi potuerunt coniectare, sed non nisi ipsius Dei adiutorio & lumine superinfuso pernoscere. Vnde ait: Quia quod notum siue quod noscibile est Dei, manifestum est in illis.

Deus enim illis manifestauit: En ut apertè præter generalem influxum indicat diuinam opem, qua manifestata est Dei ueritas illis mûdi sapientibus, in qua tamen doctrina nō profecerūt, ac propterea facti sūt inexcusabiles. Non negamus, per ea quæ sunt uisibilia, ad ea quæ sūt inuisibilia Dei processum esse: sed non absq; speciali Dei auxilio & informatione: ut non totum naturæ tribuamus. Quapropter B. Anselmus, qui à B. Augustini doctrina neq; tantillum recessit, hunc locum his uerbis exposuit: Deus manifestauit, id est, non solum naturalis ratio profuit, sed Deus quotidie adiuuit, ne sola natura sufficere uideretur. Hæc D. Anselmus contra te directo. Nec putes banc esse suā duntaxat sententiam. A uerbis .n. ipsis B. Pauli accepit & à sanctorum patrū doctrina. Quid .n. oportuit illud addere: Deus .n. illis manifestauit: Nunquid ut per illud agnosceremus generalē influxū? O quàm parum illustris sensus, nec dignus apostolico Doctore, qui Dei munera & gratiam nobis reuelabat, non quæ erant bona naturæ, quæ poterant cuiq; patere. Iam .n. quis nesciat Deum concurrere cū omni agente naturali? Sed hoc non spectat ad beneficium & gratiā, iuxta intellectum scripturarum: sicut B. Augustinus aduersus pelagianos eleganter ostendit. Quod .n. est gratiæ, adiicitur ipsi naturæ.

Soto. Verum alius locus est Apostoli ubi ait: Factores legis iustificabuntur. Cum enim gentes quæ legem non habent, naturaliter ea quæ legis sūt faciunt &c. Ecce manifeste de gentibus loquens, ut rem expeditam supponit, & naturaliter, id est, ex naturæ viribus possint facere quæ sunt legis naturæ. Quod autem dicit naturaliter, excludit gratiam & auxilium gratiæ.

Ambr. Plures ac magnos errores ex hoc Pauli loco imbibisti mi frater.

D. Ansel.

Primus est, quòd putasti, absq; supernaturali dono fidei & gratiæ, contingere posse homini salutem & æternam uitam : Nam satis esse seruare legem naturalem si non fuerit facta alia reuelatio desuper : & (quod iniquius fuit) hanc hæresim Beato Hieronymo & Thomæ immeritò ascripsisti.

Soto. At iniuriū est illud mihi obiicere, quod retractans ego, met reprobauī ac reieci.

Ambr. Fateor, et in hoc te laudo. Laudarem autem omnifariam ; si & alia retractasses quæ tibi ostendi, et quæ etiam hoc libro ostendam nonnullius momenti errata. Nam illud quod nouus magnificator naturæ attexuisti, uidelicet, beatitudinem uitæ Cœlestis simpliciter esse nobis naturalem, certè non retractasti.

SOTO. Quia nec puto esse errorem. Nam illum finem naturaliter appetimus.

Ambr. Quomodo naturaliter id quod et supernaturali lumine cognoscimus et ex supernaturali dono, quod est charitas, appetimus, nō ut homines in natura nostra consistentes, sed ut filij Dei in cœlestem eleuati naturam? Sed non diuertamus, obsecro, à re proposita, et uideamus quo pacto illum Apostoli locum tractes in commentarijs tuis.

Illam enim priorem particulam : Factores legis iustificabūtur : sic exponis : Cū sit duplex apud Paulū iustitia, uidelicet, iustitia operū & iustitia fidei : Apostolus ibi loquitur de iustitia operum, non tamen præscindendo fidem, sed in genere. Hæc tu ad literam. Sed hoc est destruere, non exponere locum illum : quoniam apertè loquitur de iustificatione quæ est apud Deum, sicut filium sermonis indicat manifestè. Ait enim : Non auditores legis iusti sunt apud Deum : sed factores legis iustificabuntur : nimirum apud Deum, ut aduersus illa illa particula SED, ex sui natura deposcit. Porro iustificatio  
apud

apud Deum est à fidei iustitia : quia sine fide impossibile est placere Deo . Et reuera falsissimum est apud B. Paulum & uniuersam scripturam, quòd sine fide & gratia possit quispiam facere legem, ut uerè quis dicatur factor legis . Id .n. proculdubio pelagianum est . Nec quia unum aut alterum opus legis fiat, dicitur quis uerè ac propriè facere legem . Alioquin falsum dixisset summa Veritas , quæ dixit ad Iudæos : Nemo uestrum facit legem : cùm multa facerent quæ erant legis : ut dare decimas , & seruare sabbata , & pleraq; alia, de quibus dixit Dominus quòd omitti non debebant . Facere ergo propriè legem est, implere legem : quod absq; fidei iustitia fieri posse, nō nisi pelagianus potest asserere . Quòd item attinet ad sequentem partem culam : Cùm .n. gentes, quæ legem non habent &c. eodem errore falsus, pessimè interpretaris, & more tuo etiam perplexè . Ais enim :

Id solum hic adstruere Paulum , quod possit naturaliter homo legem implere, quantum ad substantiam operum, quæ sint moraliter bona, non tamen quantum ad intentionem præcipientis ut sint coram Deo meritoria . Illud .n. vires naturæ non exuperat : pro ut lib. i. de nat. & gra. disputauimus . Vbi etiam denarrauimus, quemadmodum primi parentes, natura integra, hoc est, parte sensitiua per iustitiam originalem rationi subdita, poterant naturaliter implere præcepta omnia quo ad substantiam operis : nos vero in natura lapsa non omnia, sed tamen aliqua . Licet tam illi quam nos nequimus absq; gratia vllum meritorie implere . Ex idcirco non ait hic, gētes naturaliter omnia, sed aliqua quæ legis sūt facere . Hanc equidem expositionem adeo arbitror nō reprobendam, ut sane intellectam, necessariam existimem .

Hæc tua sunt uerba , in quibus in primis ut perplexitas pateat, ais :  
 Posse hominem naturaliter legem implere quantum ad substantiam operum quæ sint moraliter bona . Et nihilominus ipse idem ais, quòd non potest omnia legis opera facere . At qui non omnia opera legis fecit ;

impleſſe legem non dicitur. Imò reuera nec aliquid legis : quoniam q̄ in uno offendit, omnium factus eſt reus, teſte B. Iacobo. Item ais, Paulum non dicere hic gentes naturaliter omnia, ſed aliqua quæ legis ſunt facere. Quis tibi hoc dedit mutare uerba Apoſtoli? Non .n. dicit aliqua quæ ſunt legis Paulus, ſed indefinitè, Quæ legis ſunt.

AEquipollet autem indefinita hæc oratio uniuerſali. Eſt .n. græcus articulus, qui demonſtrat, non illa certa aut illa, ſed abſolutè quæ ſunt legis. Sic .n. legimus, τὰ τοῦ νόμου πάντα. Vide ergo mi frater, quomodo loquaris, & emenda quæ ſunt inconfideratè effuſa, ſi quid ueris uirorum doctorum cenſurâ. Sed ut amplius pateat falſitas expoſitionis tuæ, ſi quis nolit omnino ſenſum Apoſtoli deſtruire, ſuperioribus et inferioribus rectè, ut cōgruit, aptare oportet uerba ſua illa: Cum .n. gentes &c. Attexuntur .n. ſuperiori dicto, tanquam eius dicti declarationem continentia, contra Iudæos, qui gloriabantur de lege ſibi data. Dixerat .n. B. Paulus hanc eſſe ineptam gloriationem apud Deum, & ſi apud homines aliquid eſſe uideretur. Idq; ex eo quòd apud Deum non auditores legis tantum iuſtificabuntur, ſed factores legis. Quamobrem ſi factores legis inueniātur ex gentibus (ut certè inueniebantur) etſi nō habuiſſent legem à Deo traditam in tabulis, tamen iuſtificabantur apud Deum. Et ne dicerent : Quomodo poterāt facere gentes ea quæ erant legis, cū non eſſent inſtructi à Deo? Reſpondet, q̄ inſtructionē naturæ habebāt : neq; tamen per hoc excluditur Dei auxilium in intellectione : nec item excluditur gratia in executione eorum quæ erant legis. Vnde B. Thomas, quem tu peſſimè interpretatus es, eum locum ſic exponit ad literam : Sed quod dicit, Naturæ liter, dubitationem habet. Videtur .n. patrocinari pelagianis, qui dicebant, quòd homo per ſua naturalia poterat omnia præcepta legis ſeruare. Vnde exponendum eſt : Naturaliter, id eſt, per naturam gratia

reformatam. Loquitur .n. de gentibus ad fidem conuersis, qui auxilio gratiæ Christi cōperant moralia legis obseruare. Vel potest dici, naturaliter, id est, per legem naturalem ostendentem eis quid sit agendum: secundum illud psal: Multi dicunt, Quis ostendit nobis bona? Signatum &c. Quod est lumen rationis naturalis in qua est imago Dei: & tamen non excluditur quin necessaria sit gratia ad mouendū affectum: sicut etiā per legem est cognitio peccati, ut dicitur infra .iij. & tamen ulterius requiritur gratia ad mouendum affectum. Hæc D. Thomas. Ex quibus patet primum extra controuersiam, quod ille intellexit hūc locū de legis implemēto, hoc est, omniū præceptorum, & apertē subintellexit gratiam Dei, sine qua, pro constanti habuit, quod impleri non possunt, etsi natura monstrante intelligantur, in quo nec excludit fidem, sine qua non est gratia, ac propterea nec auxilium Dei speciale.

Quod uerò totus ille locus pertineat ad gentes quæ fide & gratia Dei cassæ non erant, præter auctoritatem D. Augustini: abundē ab inferiore Apostoli cōclusionē deducitur. Ipse .n. concludit, quod si præputium iustitias legis custodiat seu legē cōsummet, hoc est, perficiat: quod est gentes omnia facere quæ sunt legis, imputabitur illi in circumcisionem, & iudicabit circumcissum carne & non corde: hoc est, homo gentilis, non carne, sed spiritualiter circumcissus (quod fit per infusionem Spiritus sancti) si obseruet & perficiat legem, non si aliqua legis faciat, sed si legē persiciat, habebitur pro circumciso apud Deum: quoniam illi mandata non erat circumcisio carnis: et ipse corde circumcissus iudicabit hominem Iudæum, qui inueniatur carne tantum circumcissus, nō corde, et consequenter legis præuicator.

Et ex his latē patet quā nihil tibi seruiant quæ de scripturis produxisti et consequentiā pessimā astruxisti, quam B. Augustinus et



Aposto.  
Sedes i pelagianos.

*Sedes Apostolica et sacra concilia damnauerunt, ut potè pelagianam. Tu enim ab eo quod naturaliter nosci potest esse bonum, educis etiam naturaliter posse confici.*

*Soto. Iniuria me afficis, qui me pelagianum falso constituis a cuius dogmate valde distat quod dico. Ipse enim putabat posse confici naturaliter bonum ad meritum & lucrum gratiæ & præmii: quod ego detestor.*

*Ambr. Verum hæc est mens. Ecclesiæ: reuera si posset homo totum bonum & honestum naturale perficere, saltem de congruo mereretur gratiam ac salutem: ut sæpenumero B. Augustinus in pelagianos obiecit. Et est doctrina B. Thomæ, quod qui benè se gessit, & usus est datis in ordine inferiori, meretur de congruo extolli ad altiorem gradum & ordinem.*

*Soto. Nunquid ego dico, quod quis possit legem perficere, cum tam explicite dixerim, quod non potest homo in puris naturalibus seruare omnia, sed aliqua facere.*

*Ambr. Modo dicis, modo negas. Si enim ualet argumentum tuum, ut à nosse sequatur posse, & nosse totum non negas, etiam confiteri necesse habes etiam totum posse. Quod si ab argumento recedis, & dictum tenes quod possit non omnia legis, sed aliqua facere; quomodo interpretaris quæ sunt à Sede Apostolica decisa contra te? Cælestinus enim summus Pontifex redigens in breuem summam errores Pelagij, septimum articulum aduersus illum his uerbis proposuit:*

**QVOD NEMO NISI PER CHRISTVM LIBERO BENE VTATVR ARBITRIO.**

*Hic non dicit ad meritum, quod debuit dicere, ne simpliciter sic dicendo, falsus redderetur articulus. Imò cum redditur ratio articuli, illa redditur quæ tuam positionem destruit. Est n. ratio, quia peccato illo*

corrupta est natura, et læsum liberum arbitrium; et infirmum factum, ut non possit in bonum suis uiribus, sed in malum tantum. Hæc est D. Augustini doctrina in libro de Spiritu & litera cap. iij. ubi ait:

Nam neq; liberum arbitrium quicq; nisi ad peccandum ualeat, si lateat ueritatis uia. Et cum id quod agendum & quo nitendum est cœperit non latere: nisi etiam deleatet & ametur: non agitur, non suscipitur, non bene uiuitur. Hæc ille, B. Augu.

Soto. Non intelligis Augustini mentem. Quod enim ait: Liberum arbitrium non valere nisi ad peccandum si lateat ueritatis uia: de utroq; lumine diuerso tamen modo intelligendum est: nimirum quod sine lumine naturali nullū fieri ualeat opus moraliter bonū neq; sine lumine fidei meritorium æternæ uitæ.

Ambr. Quis hic mihi non indulgeat exclamanti, O portenta, O monstra. Siccine interpretandi sunt Doctores sancti? Hocne est Augustini dictum, quod sine lumine naturali nō potest fieri opus ullum bonum morale? Certè sine lumine naturali, nec bonum potest fieri opus nec malum moraliter. Sed nunquid tu hominem esse putas qui lumine careat naturali? Præterea, cur inuertis uerba gloriosi Doctoris? Ipse enim ait, quod liberum arbitrium, si lateat ueritatis uia, non ualeat nisi ad peccandum. Et certè sine naturali lumine, ut tu exponis, ad peccandum ualere non potest. Hem non sentis tuismet argutis te cōsfutari? Sed sunt B. Augustini sententiæ similes alijs locis. Ipse. n. libro iij. cap. 3. aduersus duas Epistolas pelagianorum ad Bonifacium Papam ita scribit: Sine fide, etiam quæ uidentur opera bona, in peccata uertuntur. Omne enim quod non est ex fide, peccatum est. Et cap. viij. inquit absolutè: Liberum arbitrium captiuatum, non nisi ad peccatum ualeat. Vocat captiuatum quod in statu antiquæ captiuitatis manet non reformatum per gratiam.

**Soto.** Non potest Augustinus neq; alius quisquam, contra uias ac validas rationes nostras quicquam obtinere.

**Ambr.** Perge igitur argumentari.

**Soto.** Cognitio rerum agibilium non est a natura sua, nisi propter opus: autor est Aristoteles. 2. Eth. Si igitur vi intellectus potuisset homo nosse bonum, potuisset & illud per voluntatem nonnunquam prosequi amore, et actione præstare. Homo enim est animal rationale, idest, aptum natū secundum rationē uiuere.

**Ambr.** Talis est secundum partem superiorem: At secundum inferiorem partem contra, aptum natum est aduersus rationem uiuere.

Caro enim concupiscit aduersus spiritum, ut in plurimis patet, etiam ijs qui non carēnt auxilio speciali & gratia Dei, adeo grauantur illo iugo de quo quidam sapiens: Iugum graue, inquit, super filios Adami à die exitus de uentre matris eorum usq; in diem sepulturæ.

Eccle.

**SOTO.** Est persuasum impossibile, uires inesse sensualitati expugnādi rationem, nullam tamen suppetere uirtutem a natura homini, ut ratione vicissim superet sensualitatem, cum hoc maxime naturale sit homini: illud autem contra suam naturam.

**Ambr.** Mihi uerò est persuasum impossibile, si quod seruit, superet dominum. Tu uerò qui te D. Pauli profiteris interpretem, adhuc non intelligis quòd in homine dominatur concupiscentia rationi, nec esse innaturale obedire seruum domino suo.

**Soto.** Miraculū esset, quod facultas adesset naturalis rebus cæteris, tam inanimis, quā animātibus obtinendi suos ipsarū fines, & tamen dignissimo animalium homini nō suppetere a natura sua uires, ut certo in moribus præscripto fine quandoq; potiretur.

**Ambr.** In hoc est omne peccatum uestrum, quia non cogitatis naturam, iuxta doctrinā scripturarum et sanctorum Patrum, integrā et corruptā. Verè miraculum esset de natura integrā id quod ais: at de natura corrupta, de qua est sermo, è conuerso miraculū potius esset, si posset perficere opus rationis aut quicq; uerè bonum morale efficere,

quod suo fini naturali, naturali inquam, nō supernaturali, conueniret. Naturale .n. est homini secundum rationem, habere finem suum Deū et gloriam eius super omnia, etiam super seipsū. At in natura corrupta, teste etiam B. Thoma, non diligit homo Deum super omnia, sed neq; potest: quia caro est, et semetipsum præponit omnibus, etiam Deo. Amor sui, cuius gratia cuncta facit homo corruptæ mētis, omnia opera coinquinat, ut non queant uerè esse bona moraliter secundum uerum etiam naturalem finem. An non legisli: Homo cum in honore esset, non intellexit: comparatus est iumentis insipientibus, et similis factus est illis? Nunc rogo te, utrum miraculum sit non progredi à iumentis quicquam rationabile.

Soto. Profecto si natura humana figmentum esset cacodæmonis, non peius de illa obloqueremini.

Ambr. Verè opus est cacodæmonis natura humana in eo quod corrupta est & lapsa, et semimortua relicta. Nam in eo quod uiuit, seruit peccato, & libera est iustitiæ, ut ait Apostolus.

Soto. Quid si Deus ab initio creasset hominem in puris naturalibus? Hic non potestis dicere naturam lapsam vel corruptam. Quid ergo tunc? Non posset quicquam operis facere moralis et bonum?

Ambr. Verè si sic creatus esset homo, non esset natura lapsa seu corrupta: sed esset infirma et imperfecta & monstruosa, nec quicquid uerè bonum operari posset: quia quod natura esset dignius et superius, seruiret uiliori et inferiori, idest, ratio carni. Et propterea Deus ab initio non ita fecit: sicut nec fecit hominem sine pedibus & manibus; cuius opera perfecta sunt. Et hoc est quod dixit Sapiens, Deus ab initio fecit hominem rectum: ipse autem se immiscuit quæstionibus multis. Quia in re cum cæteris philosophis erras: sed tu eò periculosus, quod habes scripturas & fidem, illi uerò hac luce caruerunt,

Soto . At experientia mihi egregie attestatur . Fatentur .n. etiam aduersarii nostri, vires liberi arbitrii nobis suppetere vt valeamus agros colere, plantare vineas, conuersari cum amicis .

Ambr. Ergo bona moraliter facere? Sic igitur & formicæ & apes & cæli uolucres et quæ gregatim pascuntur aut uolant animantia terræ, quæ sibi ædificant nidos & procurant sibi cibos & amicè simul uiuificant, cantillant, & alia plurima faciunt, quæ nos cum delectatione admiramur; tuo iudicio facerent bona moralia .

Soto . At illa absq; ratione faciunt, nec ex consilio libere . Homines autem ex ratione & electione . Nec solum quæ sunt artis, uerum quæ ad prudentiam attinent & bonos mores . Sunt enim qui sine Dei gratia aut speciali auxilio, interdum opera pietatis & iustitiæ exercent in parentes, in patriam, in amicos, in pauperes, nec ullo malo fine, sed tantum vt agant quæ sunt honesta . Tales igitur, quales certum est fuisse ex gentibus multos, tu negabis fecisse opera bona & iusta? Nec audis Augustinum dicentem, Nihil prodesse impio sua aliqua bona opera, sine quibus difficillime uita cuiuslibet pessimi hominis inuenitur . Ecce vt confitetur, bona esse aliqua opera etiam impii hominis ac pessimi .

Ambr. Duplici errore in hac tua disputatione laboras . Primus est, quod non distinguis inter bona opera, neq; cogitas quod non quodcunq; opus quod bonum est ex genere, ut aiunt scholastici, siue ex officio, ut B. Augustinus loquitur, continuò bonum est simpliciter & absolutè; etiam moraliter . Nam multa huiusmodi quæ etiam pessimi homines interdum agunt, possunt esse & uerè sunt moraliter mala & peccata: ut eleemosynā dare gloriæ captandæ aut decipiendi homines gratia per hypocrisim . Tu uerò quod est bonum ex genere, etiam moraliter bonum facis, ut apparet in tuo illo libro de natura & gratia capite .xx. Vnde quia non aliter q̃ tu, Iulianus Pelagij sectator argumentabatur; hic afferam ea quæ eleganter B. Augustinus illi, et consequenter etiam tibi

tibi respondit, his uerbis.

Ecce eadem commemoro quæ ipse posuisti. Si gentilis qui nō uiuit ex fide, nudum operuerit, periclitantem liberauerit, ægri uulnera fouerit; diuitias honestæ amicitia impenderit, ad testimonium falsum nec tormentis potuerit impelli: quæro abs te, utrū hæc opera bona benè faciat, an malè? Si .n. quamuis bona, malè tamen facit, negare non potes, eū peccare qui male quodlibet facit. Sed quia cum non uis, cum facit ista, peccare; profectō dicturus es, et bona facit et benè: Fructus ergo bonos facit arbor mala: quod fieri non posse, Veritas dicit. Noli præcipitare sententiam: diligenter considera quid te respondere cōueniat. Hæc ille. Et confutatis quibusdam cauillis illius hæretici, quibus tu etiam implicaris, concludit: Non itaq; inquantum homo est, quod est opus Dei, sed inquantum malæ uoluntatis est, quisq; arbor mala est, et bonos fructus facere non potest. Vide itaq; utrum infidelem uoluntatem audeas bonam dicere uoluntatem. Hæc ille. Et iterum sumēs hæretici rationem quam & ipse inducis, ita disputationem prosequitur: Sed fortè dicturus es: Misericors uoluntas bona est. Rectè istud diceretur, si quemadmodum fides Christi, id est, fides quæ per dilectionem operatur, semper bona est, ita misericordia semper esset bona. Hæc ille. Et cum misericordia possit esse non bona, Saulis exemplo: concludit, etiam ipsa bona infidelium opera esse peccatum, quia non bona, sed stulta, ut eius uerbis utar, ac noxia uoluntate ea faciunt: qualis uoluntas, inquit, nullo christiano dubitante, arbor est mala, quæ facere non potest nisi fructus malos, id est, sola peccata. Omne .n. (uelis nolis) quod non est ex fide, peccatum est. Hæc Augustinus. Quare uniuersaliter conclusit eodem in loco, Quicquid boni fit ab homine & non propter illud fit propter quod fieri debere uera sapientia præcipit, etsi officio uideatur bonum, ipso non recto fine peccatum est.

Augu. cōtra Iulianū Pelagianū lib. 4. ca. 1. prope finē.

Soto. Nunquā B. Augustinus diceret rationi aduersantia, sed opus est intelligentia. Non est ergo illius mens, quod oīa opera infidelium & eorum qui sunt in statu naturæ lapsæ sint peccata simpliciter: sed ea tantum quæ ex impietate & infidelitate procedunt: & ita exponit B. Thomas illum locū Apostoli: Omne quod nō est ex fide, peccatum est. Potest autē infidelis aliquid operari ob finem aliquem bonum & honestum, etiam amore Dei.

Ambr. Verba D. Augustini adeò clara sunt, ut expositione non indigeant. Neq; nunc de sensu D. Thomæ est sermo, sed Augustini, qui malam arborem dicit esse omnem hominem fide cassum et gratia Dei propter impiam et infidelē uoluntatem, et idcirco non posse facere ullum fructum bonum. Nam cū homo eiusmodi sit caro (quod enim natum est ex carne, caro est) quomodo potest facere quippiam boni & honesti secundum ueram rationem? Hoc est enim uerè moraliter bonum.

Soto. Peruersa est ad hoc suadendum interpretatio tua illius loci: Quod natum est ex carne caro est. Nam & qui ita nascitur, potest aliquid facere amore Dei.

Ambr. Amore Dei? Sine gratia & auxilio speciali?

SOTO. Profecto.

Ambr. Me miserum, cū quō congregior. Profiteris scripturas, & ignoras adhuc quid sit caro in sacris literis, et quid arbor mala. Nam per arborem malam tu intelligis intentionem malam, cū intentio mala non sit arbor, sed fructus hominis mali & malæ uoluntatis. Arborem autem malam B. Augustinus definit esse hominem malum, corruptæ scilicet, idest alienatæ à Deo ac deprauatæ mentis propter uoluntatem malam: Vnde et malam uoluntatem ait esse arborem malam unde nullus fructus bonus, sed omnis fructus eius malus est & peccatum. Vnde Dominus ait: Quomodo potestis bona loqui cū sitis mali? Nam si homo caro est, ut ait Dominus, Opera ergo hominis



(De moralibus sermo est) opera carnis sunt. Proinde carnis opera ab amore carnis procedunt. Quomodo igitur ab amore Dei, ut ais, cum prudentia carnis inimica sit Deo, nec potest aliud sapere quam terrena et carnalia, quæ non solum non placent, sed displicent Deo? An non legisti quæ sint opera carnis apud D. Paulum? Ipse enim inquit: Manifesta sunt opera carnis, quæ sunt carnis fructus. Sed quæ sunt; obsecro, ista B. Paule? Audi Soto: Opera carnis sunt adulterium, fornicatio, immunditia, impudicitia, luxuria, idolorum seruitus, ueneficia, inimicitia, contentiones, æmulationes, iræ, rixæ, dissensiones, sectæ, inuidiæ, homicidia, ebrietates, comessationes, et his similia: quæ prædico uobis, sicut prædixi, quoniam qui talia agunt, regnū Dei non consequentur. Fructus autem Spiritus est charitas, gaudiū, pax, patientia, longanimitas, bonitas, benignitas, mansuetudo, fides, modestia, continentia, castitas. Hæc ille. Et tu Soto inuenisti opera carnis quæ fiunt amore Dei, ut potè eruditus in scripturis plus satis. Quamobrem uerè ad te pertinet qui opera bona et non peccata, tua moralia inuenisti etiam habentia finem bonum: ad te inquam pertinet quod Dominus ait: Aut facite arborem bonam & fructus eius bonos: aut facite arborem malam et fructus eius malos. Quæro enim abs te (atten de soto, et uide quomodo respondeas: sic enim dixit B. Augustinus liano) hæc opera quæ tu laudas moralia & honesta, suntne fructus arboris bonæ, an malæ? Non puto dices bonæ, sed malæ & putris: quia sunt hominis destituti ab omni gratia Dei & iustitia, quæ integram et sanam reddebat naturam. Quomodo ergo audes asserere fructus talis arboris non malos, contra uerbum Domini, imò contra ipsam euidentiā? Quomodo non considerasti quod et in naturalibus homo corruptus est in principijs ipsis unde & mala & bona proueniunt? Nam tu ipse, dum peccatū illud originale definis tuo modo, fateris esse

priuationem iustitiæ originalis qua mens subdebatur Deo. Modo igitur dissoluta à Deo, quo pacto amore Dei operabitur?

Nec uideris considerata, quòd id sunt fines in moralibus respectu operum, quod sunt principia in speculatiuis respectu conclusionum, ut D. Thomas testatur. Sicut autem qui conclusionem non à principijs nouit, non dicitur eam scire nisi sophisticè: ita qui non recto fine alis quid agit, non dicitur moraliter bonum egisse. Quanto autem magis qui prauum habeat finem? Quàquam oportet finem esse malum proculdubio si non fuerit bonus. Qui autem habet finem suum in carne, cuncta dirigit in ipsam carnem, & ad hunc finem omnia referuntur contempto Deo. Nemo enim potest duobus dominis seruire, Deo & carni. Quocirca cōcludo, te eo errore duci, quo ille Iulianus. Ibi enim conaris inuicere finem bonum & homini proportionatum secundum rationem & eius naturam, ubi esse non potest: quia ut dixi, naturam lapsam & corruptam, tanquam integram consideras, non cogitās quòd illam non fecit Deus, sed Diabolus per peccatū. Atqui, ut ait. B. Augustinus & Thomas, propriè loquendo de natura, non de ea quæ lapsa est & corrupta intelligendum est, sed quæ in integritate sua debuit permanere. Quare, caue ne illud D. Augustini etiam ad te pertineat, quod in Iulianum scripsit, nempè hoc: Omnia quæ uidentur inter homines habere aliquid laudis, uideantur tibi uirtutes ueræ, uideantur opera bona, & sine ullo facta peccato. Quod ad me pertinet, hoc scio, quia nō ea facit uoluntas bona. Voluntas quippe infidelis atq; impia non est bona. Dicantur secundum te huiusmodi uoluntates arbores bonæ: sufficit quòd apud Deum steriles sunt, ac per hoc non bonæ. Sint inter homines fructuosæ, inter quos sunt & bonæ, te authore, te laudatore, si uis etiam plantatore: dum tamen illud uelis, nolis obtineam, quòd amor mundi, quo quisq; amicus est huius mun-

di, non est à Deo, amorq; fruendi quibuscunq; creaturis sine amore creatoris, non est à Deo. Amor autem Dei quo peruenitur ad Deum, non est nisi à Deo Patre per IESVM Christum cum Spiritus sancto. Per hunc amorem creatoris, benè quisq; utitur etiam creaturis. Sine hoc amore creatoris nullis quisquam benè utitur creaturis. Hæc ille, & meritò: Quia bonum quod tu inuenisti medium inter bonum meritorium & peccatum in lapsa natura, non agnouit; quod tamen potuisset in integra cōsiderari. Quare & perperam exposuisti quod ait: Si Abraam ex operibus iustificatus est, habet gloriam, sed non apud Deū, uolens ueras mereri laudes ab hominibus pro operibus humanis etiam absq; diuina gratia et auxilio Dei factis. In qua opinione si persistis, ad te pertinent quæ paulò superius. B. Augustinus in Iulianum scripsit: ubi incensus in illum, non absq; stomacho sancto dicebat: Sint arbores inter homines fructuosæ inter quos sunt et bonæ te auctore te laudatore si uis, etiam plātatore. Vide quanta graueris auctoritate si et te auctore, et inter homines bona esse uelis et laude uera digna, quæ ab ista misera hōis cōditione processerint. Quod si Augustini auctoritate nō moueris, saltē moueat te ipse Dominus q phariseos increpabat his uerbis: Vos estis q iustificatis uos corā hōibus: Deus aut nō uult corda uestra: q quod hominibus altū est, abominatio est ante Deū.

Sed ne nimis longo te sermone detineam, uenio ad alium quo pleriq; implicantur errorem tuum. Putatis enim quæcunq; facerent olim gētes, ignorantes fidei nostræ mysteria, quæ uidebantur opera uirtutum, & fortassis uerè erant, sicut apparet in Cornelio Centurione: absq; speciali Dei auxilio fecisse. Cui falsæ opinioni occurrit ille Episcopus & Martyr Dei Roffensis, qui dixit, speciale auxilium gratiæ non desse cuiq; quamuis magno peccatori, sicut in libro Sapientiæ Salomon attestatur: nisi fortè quibusdam, qui sua duritia & insigni contumacia

derelicti sunt à Deo & insensū reprobū traditi : ut est exemplum in scripturis de Pharaone & nonnullis alijs : quibus possumus & hæres siarchas adiungere, quorum neminem legimus resipuisse, eo quòd proprio damna iudicio, facti quodammodo connaturales Demonijs, gaudēt & semetipsos & alios mira obstinatione perdere. Væ igitur cuilibet hominum quem sibypsi Deus dimittit. Considera quid est quod ait : Non permanebit Spiritus meus in homine in æternū, quia caro est. Et : Videns, inquit, q̄ multa malitia hominum esset in terra, et cuncta cogitatio cordis intenta ad malum, seu ut habet hebraica ueritas, cuncta formatio cogitationum cordis solummodo malum omni tempore. Idest : sicut Caietanus ait, nihil habens boni admixtum nisi relatiuè ad malū, toto tempore sensus & cogitatio humani cordis in malum prona sunt; aut potius mala est seu malum est ab adolescentia sua. Si tale est figmentum nostrum & formatio nostra ut sit uniuersum malum à primis incunabulis, quid quæso boni faciet? Ne quæso permittas te decipi, quòd Augustinus, etiam uitam flagitiosorum dicat non carere aliquibus bonis operibus. Ipse enim se declarans abundè, uocat ea ex officio bona, non ex fine, qui uerè bona reddit. Nam et dæmones aliqua faciunt quæ ex seipsis bona sunt, dum credunt & confitentur : quæ tamen uerè bona non sunt : quia ut Caietani uerbis utar, relatiuè tendunt in malum. Considera & quod habetur ex psālmis & prophetis & à B. Apostolo recitatur : Non est iustus quisq̄, non est intelligens, non est requirens Deum. Corrupti sunt, et abominabiles facti sunt in studijs suis. Omnes declinauerunt, simul inutiles facti sunt : non est qui faciat bonum, non est usq; ad unum. Sepulchrum patens est guttur eorū : lingua suis dolosè agebant : uenenum aspidum sub labijs eorum. Quorū os maledictione et amaritudine plenum est : Veloces pedes eorum ad effundendum sanguinem. Contritio et infœlicitas in uijs eorum, et uia

pacis non cognouerunt : Non est timor Dei ante oculos eorum . Vide  
 quòd hæc mala et uitia dicuntur de omnibus filiis hominum, et tamen de  
 facto non sunt omnium . Igitur naturam hominum nobis declarat , quæ  
 talis in omnibus fuisse, si eam Christus nō liberaisset, sed sibippsi suisq;  
 uiribus quemlibet reliquisset . Lege iterum Isaiam, et melius interpre  
 tare quæ ait : Ecce tu iratus es, et peccauimus : In ipsis fuimus semper, Isa. 64.  
 et saluabimur . Et facti sumus ut immundus omnes nos, et quasi pans  
 nus menstruatae uniuersæ iustitiæ nostræ etc. Et ne uniuersam ueterē  
 scripturam reuoluam, considera B. Paulum, qui in carētibz gratia do  
 minari peccatum testatur, et nos natura esse filios iræ , Et per legem irā  
 Dei succēdi , et iustitiam omnem suam reputare ut stercus . Et ut ad  
 Christi testimonia descendamus, considera profundius quid est id quod  
 ait : Qui natus est ex carne caro est . Et simul quod ait Chrysostomus : Ioan. 3.  
 Mos est scripturæ carnalia sapientes et nihil sublime cogitantes, car  
 nis nomine appellare . Et : vos de deorsum estis, ego de supernis sum .  
 Et : Qui de terra est, de terra est, et terrena loquitur . Et quòd ex eodē  
 fonte dulcis et amarus liquor manare non possit . Et : Quomodo uos Ioan. 8.  
 potestis bona loqui cum sitis mali ? Et : Qui facit peccatum, seruus est  
 peccati . Et : Nōne Moyses dedit uobis legem, et nemo uestrum facit le  
 gem ? Et : Non potest mundus odisse uos : me autem odit , quia ego  
 testimonium perhibeo de illo, quòd opera eius mala sunt . Considera et  
 quæ Dilectus ille testatur, qui testimoniū perhibuit Christo . Omne 1. Ioan. 2.  
 inquit, quod est in mundo, concupiscentia carnis est, et cōcupiscentia ocul  
 lorum, et superbia uitæ, quæ non est ex Patre, sed ex mundo est . Et  
 mundus transit & concupiscentia eius . Et : Scimus quòd ex Deo sus  
 mus, et mūdus totus in maligno positus est . Item : Ipsi de mūdo sūt :  
 ideo de mundo loquuntur, et mundus eos audit . Hæc et alia multa sūt,  
 ut intelligamus q̄ quicquid est homo, etiam secundum naturam istam

Ad Rom.

Ad Ephes.

Ad philip.

Ioan. 3.

Chryf. sup

Genesim

Iacob. 3.

Ioan. 8.

1. Ioan. 2.

&amp;c. 5. &amp;c. 4.

[1. Ioan. 4.]

suam quam de peccato contraxit est inimicum Deo, nec potest etiam elu-  
uari in Deum ut sit aliquando rectus secundum naturam : quia princi-  
pia eius sunt corrupta . Quod uerò inquis : Si potest homo actu ali-  
dilectionis in parentes aut patriam aut amicos elicere , multo magis in  
Deum : è diametro cum Apostolo pugnat , qui dixit : Qui non di-  
ligit fratrem suum quem uidet : Deum quem non uidet quomodo pos-  
test diligere ? Quamobrem rogo te mi frater , cogita hæc et considera  
animo pacifico et ueritatis amante : Nec enim dubito quin in gratiã ue-  
ritatis à tua sententia recedes . Nam & ego (ut uerũ tibi ingenuè cõ-  
fitear) aliquando cum minus essem in scripturis & in lectione sancto-  
rum patrum assuetus, ac propterea illius primi peccati malignitatem mi-  
nus considerassem ; magnificabam naturam ferè ut ipse facis, & B. Au-  
gustini sententijs perturbabar , quòd libero arbitrio nimium detrabere  
uideretur : & ijsdem quibus tu argumentis mouebar . Verum , Deo  
gratia est, aliter nunc sentio , et cum Episcopo Roffensi dico, nihil aliud  
esse quàm scholasticas argutias quibus ipse moueris , & ab ignorantia  
illius peccati & naturæ corruptæ procedere, quam homo natura supers-  
bus non ualet agnoscere . Hactenus igitur circa hanc disceptationem :

Restat ut nunc orem te, mihi autem etiam iubeam atq; imperem, ut  
quod à philosophis non poterat disci, si in patrum & scripturarum le-  
ctione non planè cernimus, studeamus tamen ex intimis nostri  
cordis cogitationibus & assiduis operationibus nostris,  
quæ omnes uix offensa Dei uel proximi carere  
ualent, hoc ipsum agnoscere : id est, na-  
turæ nostræ malignitatem : &  
quantum fieri potest  
cum Dei gratia corrigamus &  
emendemus .

Disceptatio

## DISCEPTATIO QVINTA

De iustissima Dei prouidentia in nonnullos homi-  
num, quos præ illorum immani ac insigni  
atq; diabolica malitia deserit, res  
probat, & in sensum res  
probum tradit.



**V**M oculum ad scripturas adiicio, non ualeo non mi-  
rari, hominem illarum uel prima facie inspectore posse  
aliud ex illis elicere, quàm hoc ipsum quod Dominus  
Roffensis dixit, et superiore disceptatione de suis scri-  
ptis recitauius, uidelicet, Deum aliquos insignes peccatores nonnun-  
quam ita deferere, ut nequeant resipiscere. Tu uero hoc, falsum esse  
asseris, inter alios Origenis autoritate, præcipuè in Periarcho, qui ita  
fuit pius aliquando, ut etiam diabolis poenitentiam & salutem conces-  
deret. Assers tamen et D. Thomam et alios doctores, ut probes erro-  
neam esse Roffensis hac parte doctrinam.

Nos autem primùm agere tecum uolumus testimonijs scripturarū,  
deinde producemus doctores. Manifestū est autē in scripturis, Deū  
aliquando, etiam in hac uita, quosdam deferere, despiciere, et cor eorum  
obscurare, excæcare, obdurare, ingrauare, tradere quosdā in reprobū  
sensum, in desideria cordis, in immunditia, in passionibus ignominia.  
Vnde sapiens: Considera opera Dei, q̄ nemo potest corrigere quē ille  
despexerit. Et B. Paulus de sapientibus mundi à peccato Idololatriæ  
dixit: Propter quod tradidit illos Deus in desideria cordis eorum & c.  
Et: In passionibus ignominia: In reprobū sensum. Vide reliqua.  
Et de Pharaone scriptum erat: Indurabo cor Pharaonis. Et iterum:  
Indurauit Deus cor Pharaonis. Beatus Paulus recitat Dei sententiā:



Exo.  
Rom. 9.

In hoc ipsum excitauit te ut ostendam in te uirtutem meam, & annuncietur nomen meum in uniuersa terra. Et concludit: igitur cui uult miseretur, & quem uult indurat. Vbi patet quod induratio est regione opponitur miserationi: unde ut minus, idem est ac si dixisset, Non miseretur. Quo fit ut cui Dominus non miseretur, nequeat resipiscere. Habemus & ex Euangelio dictum à Christo discipulis, & in illis, cunctis qui libenter audire uelint ueritatem & uerbum eius: Vos bis datum est nosse mysterium regni Dei: illis autem qui foris sunt, in parabolis, ut uidentes uideant & non uideant, & audientes audiant & non intelligant, ne quando conuertantur & dimittantur eis peccata. Magna hæc uerba sunt ac digna quæ considerentur. Primum quid est, quod ait: Illis qui foris sunt; nisi iys qui repulsi sunt à gratia Dei & exclusi à lumine propter suam ipsorum malitiam? unde non erant digni ea nosse bona quæ oderant, ut potè dilectores mundi ac tenebrarum eius, et Dei iudiciū illud promerētes, q̄ dixit: In iudiciū ueni in hūc mūdum, ut qui non uidēt uideāt, et q̄ uidēt cæci fiant. Quid est dicere: Vt uidentes uideant et nō uideāt, nisi quod iam dixit, Vt uidentes cæci fiant? quod est eorum poena qui salutarem ueritatem agnoscunt, & propria malitia, quæ nullam habet excusationem, recusant: unde merito se dignos constituunt ut nec possint postea agnoscere si fortè uelint. Et hoc est iudicium Dei Patris, propter quod & Dominus dixit: In hoc est iudicium, quia lux uenit in mundum, & dilexerunt homines magis tenebras quàm lucem. Quapropter multos non trahebat ad Christum Pater, sine quo nullus ire ad eum poterat, ipso dicente: Nemo potest uenire ad me, nisi Pater meus traxerit eum. Non autem trahit eos qui adeo uehementer diligunt tenebras, ut dicant aduenienti luci: Recede à nobis: grauis enim nobis es ad uidendum. Isti semetipsos indurant prius, & Pater indignatur in eos: & cum non trahat ulterius

illos, fit obduratio perfecta, & iureiurando Deus in ira sua inquit: Quibus iuravi in ira mea, si introibunt in requiem meam. Iusiurandum Psal. 94. uerò, firmissimam & omnino immutabilem Dei sententiam significat, teste Apostolo.

Admiratur Dilectus quosdam, qui cum tot signa fecisset IESVS, Ioan. 12. non crediderunt in eum. Vnde impleta est prophetia Isaia dicentis: Quis credidit auditui nostro? &c. Sed postmodo sublata est admiratio quando ex illa illorum incredulitate natum est ut nec possent postmodo credere. Vnde ait: Propterea non poterant credere, quia iterum dixit Isaías: Excæcauit oculos eorum, &c. Vbi notanda sunt uerba quod non poterant credere: quæ impossibilitas non nisi à subtractione diuini luminis procedit: alioquin credere potuissent si diuinum lumen affulisset. Manifestatio autem huius subtracti luminis indicatur ex eo quod sequitur: Quia iterum dixit Isaías: Excæca cor populi huius &c. Et uerè iustum, congruum, & omnium iudicio si sani sint, æquisimum supplicium in eos qui bonum suum uident, & uidere recusant hoc est, ut cæci fiant, ne possint amplius uidere. Quare B. Augustinus, Illa inquit, est peccati pœna iustissima, ut amittat quisque quo bene uti noluit, cum sine ulla posset difficultate uti si uellet. Id est autem, ut qui sciens rectè non facit, amittat scire quod rectum sit: & qui rectum facere cum posset noluit, amittat posse cum uelit. Hæc ille: quæ certè opinionem tuâ uehementer strangulant: non enim indigent ullis glossis cum clara sint. Quibus & B. Ambrosij sententia consonat dicentis super epistolam ad Rom. Idèò excæcati sunt, ne de cætero possent credere & saluari. In uoluntate ergo sua adiuti sunt: ut quoniam scientes uerum dicebant esse falsum, de cætero non intelligerent quod est uerum, ut uerum haberent falsum quod uolebant. Hæc ille egregiè. Vnde quantum à scripturis manifestè elici potest,

De nat. &  
gra. ca. 67.

duo sunt præcipuè, quæ iram & furorem Dei ab eius bonitate extor-  
 quent. Alterum est alicuius peccati grauitas & excellentia; alterum  
 uerò diuturna nimis perseverantia in peccatis, Deo interim excitante  
 ac reuocante. Et de peccati quidem grauitate, non somnolenter sunt  
 considerandæ scripturæ. Dominus enim Deus noster dixit: Omne  
 peccatum & blasphemia remittetur: Spiritus autem blasphemia non  
 remittetur neq; in hoc seculo. neq; in futuro. Quod autem quidam  
 interpretantur dictum illud de finali impœnitentia, extraneū ualde est  
 ac uolentum; eò quod ibi in eos sermo ille dirigitur qui peccabant cons-  
 tra diuinam bonitatem, tribuendo Diabolo opera Spiritus sancti: nec  
 uerò erant in confinio mortis, ut posset cogitari finalis impœnitentia:  
 quæ si attenditur, nullum est peccatum remissibile cui illa adiungitur.  
 Certum ergo ibi peccatum significatur præter finalem impœnitentiā,  
 quod proculdubio, ut exponunt nobiles tractatores, ita est purum ac per-  
 fectum peccatum, ut nullam habeat rationem ad obtinendam misericor-  
 diam. De hoc credibile est locutum fuisse Dilectum ubi ait: Est pec-  
 catum ad mortem, non pro eo dico ut oret quis. Quis autem oret pro  
 eo qui finaliter in peccato perseverauit, quem iam oportet esse damna-  
 tum? B. Augustinus de eo peccato dixit, posse multa ac diuersa sen-  
 tiri, quia quale peccatum sit illud, non est expressum.

Beatus Petrus, uidens nedum peccati grauitatem in Simone Ma-  
 go, uerumetiam illius cordis dispositionem prauam, dixit illi: Pœnitentia  
 age ab hac nequitia tua, siue à tanta malitia, & roga Deum, si forte  
 remittatur tibi hæc cogitatio cordis tui. De quibus uerbis illud acci-  
 pe, & dicens: Si forte, constituit rem dubiam, non circa pœnitentiam  
 illius, sed etiā posita pœnitentia, circa ipsam remissionē peccati ob eius  
 grauitatem, & ob ipsius cordis (ut dixi) prauitatem & obligatio-  
 nem. Vnde subiicit: In felle enim amaritudinis & obligatione inis-

quitatis uideo te esse. Fecerat enim iniuriā Spiritui sancto. Quam  
 obrem nec admittuntur tales ad poenitentiam fructuosam. Talis fuit  
 Cayn, qui uerè dixit: Maior est iniquitas mea, quam ut ueniā merear.  
 Infidelitatis enim peccato sese cognouit obnoxium. Et in felle amaritū  
 diuinis, quæ desperationem significat, quam etiam iurē optima consciē  
 tia illum damnante, sibi contraxerat; & consequenter in obligatione  
 iniquitatis constitutum sentiebat. Talis fuit Iudas: talis credo An  
 tiochus; de quo dicitur, quod impietatis suæ poenitens sēcelsus orabat  
 misericordiam non consecuturus. Quamuis aliqui, cerē uim literæ af  
 ferentes, aliter commententur. Horum figura fuit Esau, qui meritō  
 ab Apostolo uocatur prophanus, qui sua uendens, imō etiam spernens  
 primogenita per incredulitatem, dixit: Quid mihi proderunt primor  
 genita mea? Quare postmodo non inuenit poenitentiae locum, quan  
 quam cum lacrimis inquisisset eam. Hac obligatione tenentur omnes  
 hæresiarchie & persecutores Ecclesiæ, qui agnoscētes se falsa lo  
 qui, ac per hoc proprio iudicio condemnati, traditi sunt Diabolo et sa  
 tellitibus eius. De quibus ait ad Thessalonicēses Apostolus; & Deo  
 non placent, semperq; implent peccata sua, quia peruenit ira Dei super  
 illos usq; in finē. Quid est ira Dei usq; in finem, nisi ira perfecta, quæ  
 non est extinguiibilis, sed perpetua? Sicut ē conuerso dilectio Dei erga  
 suos, dicitur dilectio usque in finem apud Apostolum Ioannem. Quo  
 circa obseruatum est, insignium hæresiarcharum neminem, uel ipso  
 Luthero teste, aliquando resipuisse. Verum quia nos nescimus, eos  
 rum qui Ecclesiam persequuntur per schismata & hæreses, qui sint illi  
 qui perfectæ malitiæ sunt, ut contra agnitam ueritatem inuehantur; non  
 prohibemur particulariter orare pro huiusmodi. Nam B. Paulus  
 ad hoc aduertens iubet, hos qui resistunt ueritati corripi cum modestia,  
 si quando Deus det illis poenitentiam ad cognoscendam ueritatem, &

resipiscant à Diaboli laqueis, à quo captiui tenentur ad ipsius uoluntatem. Loquitur ergo de his qui ignorantes, non absq; peccato tamen, ueritati resistebant. Illa igitur ignorantia erat ratio cur B. Paulus non desperaret de resipiscencia. Nam & ipse de se ipso inquit: Misericordiam consecutus sum, quia ignorans feci in incredulitate. Dominus in cruce non rogat nisi pro his qui nesciebant quid facerent: non autem pro his de quibus dixerat: Nunc autem & uiderunt & oderunt & me & patrem meum. Vnde in Psalmo ait: Nonne qui oderunt te Domine oderam, et super inimicos tuos tabescebam? Perfectio odio oderam illos &c. Vide ut concorditer sibi inuicem attestantur scripturae, et inueniri qui sunt sub perfecto odio Dei. Puto autem perfectum odium non esse nisi illud quod iam spem gratiae ac misericordiae aufert. Et hanc ipsam ob causam, ut annotat D. Augustinus, Apostolus non orat neq; bona precatur pro Alexandro illo arario, qui apostatauit, & multa ei mala ostendit, ac ualde resistit eius doctrinae: Sed imprecatur potius ut illi reddat Dominus iuxta opera sua. Sic enim legitur in Graecis: Reddat, & non: Reddet. De ceteris uero qui illum dereliquerunt orat ne illis imputetur. Huius autem discriminis, quae causa, nisi quod sciebat in illo peccatum esse diabolicum & ad mortem? non autem simile in ceteris, in quibus aliquid humani fuit. Vnde & alibi ait: Tentatio uos non apprehendat nisi humana. Et Dominica oratio hanc habet petitionem, ut non inducat nos Deus in tentationem: quod est in poenam tradere tentationi, atq; ibi dimittere ac deserere. Tunc enim non est nobis facultas ad resistendum. sed humanae tentationes, si uiriliter eis resistatur (potest enim illis resisti) non solum non nocent, sed prosunt, quia Deus non deserit. Et haec quidem dicta sint de peccato quod summam habet grauitatem atq; perfectam, quod in Deum ipsum & bonitatem eius tendit diabolicè aut satanicè: quae prauitas

est eorum maxime propria, qui Græcè ἀδύναχοι dicuntur, id est, pug-  
nantes contra Deum.

Est uerò & aliud genus hominū, qui similiter à Deo relinquuntur,  
sed propter perseuerantiam in peccatis: quod tamen sepe in idē recidit.  
Hinc enim emergit id quod uehementer illi displicet, nempe contemptus  
diuinæ bonitatis. Propterea dixit Apostolus: An diuitias bonitatis  
Dei & patientiæ & longanimitatis contemnīs, ignorans quod benigni-  
tas Dei ad pœnitentiam te adducit? Ecce peccatum grande contra be-  
nignitatem ac diuitias diuinæ bonitatis. Propter quod sequitur: Ses-  
cundum autem duritiam tuam & impœnitens cor, thesaurizas tibi irā  
in diem iræ. In eō enim contēptu thesaurizat homo sibi iram: siquidē  
ut est in uero prouerbio: Patientia quæ contemptu sæpius eluditur, uers-  
titur in furorē: nam eo contemptu completur iniquitas. Huc fortē  
spectat quod per Amos prophetam dicebat Dominus: Super tribus sce-  
leribus Damasci, & super quarto non conuertā eum. Sic completæ  
fuerunt iniquitates Amorrhæorum.

Ex quibus omnibus (possemus tamen alia quoq; annectere) mani-  
festē atq; abundē probatum esse putamus, in eum statum interdum ues-  
nire peccatorē aliquem, ut nequeat resipiscere, Deo suam gratiam ex  
merito excellentissimi alicuius peccati aut diuturni contemptus, iurē  
subtrahente. Nam si, ut D. Augustinus inquit, peccatum est peccati  
pœna: cum ad hanc pœnam uenit Deus, certē non est signum quod ues-  
lit indulgere, sed potius amplius punire.

Illud uerò quod tu consideratē ab Origene annotatum inducis, uides  
licet, quod Deus fuisset causa perditionis Pharaonis si ille nolisset ei  
obtemperare, non ualens: potuisset enim dicere: Quare me induras-  
sti? Et cur à me abs te indurato quæris obsequium? Sed illi consi-  
deratius respondetur: hoc posses dicere ò Pharaon, nisi tute prius tua



sponte obdurasses cum ualuisisses obtemperare. Nunc uero quoniā tuā hanc impotentiam tibi ipsi tuo peccato comparasti, meritò tibi imputatur. Sicut & ebrius non est absq; culpa eorum quæ per ebrietatem insanus deliquit, cum semetipsum in illud periculum supra modum potando coniecerit. Neq; illa Origenis expositio uera est, quā tu tamen consideratissimè ab eo inductam inquis, Deum uidelicet non aliter indurasse cor Pharaonis, quàm patienter tollerando, & misericorditer expectando ad pœnitentiā. Nam si ita est, quomodo ait B. Paulus: Cui uult miseretur & quem uult indurat? Si enim indurare est patienter tollerare & ad pœnitentiā prouocare, & ut ait Origenes, uelle emollire; idem profectò est indurare quod misereri; Et tamen è regione, ab Apostolo & ex diametro hæc opponuntur. Et B. Ambrosius explicans hæc duo, ait: Alij miseretur, & alterum despicit. Et B. Augustinus in lib. de prædest. & gratia cap. iij. Indurare, inquit, Deus dicitur illum quem emollire noluerit. Sic excæcare dicitur eum quem illuminare noluerit. Sic etiam repellere eum quem uocare noluerit. Hæc ille. Nunc tu ipse cogita, quid magis probandum sit, an quod ait Origenes hæreticus exponens uerbū hoc, indurare, ut redeat in Emollire, an uerò quod aiunt duo clarissima Ecclesiæ lumina B. Ambrosius & Augustinus, qui uim & significationem eius uocis sequentes, è conuerso Dei iram et pœnam contumaci iustam inde cōcipiunt. Præterea, si Origenis est uera illa expositio, importuna fuisset quæstio quā tamen statim ex eo dicto quasi absurdo sibi Apostolus fecit, nempe hæc: Dices itaq; mihi, Quid adhuc queritur? Voluntati enim eius quis resistit? Quia enim planè dixerat, quòd Deus aufert misericordiā ab eo quem indurat: contra hoc dictum inducit illud quod est Origenis argumentum tuo iudicio consideratissimum, sed apud B. Paulum inuaidissimum. Id autem est: Iniuria Deus conqueritur si requirit obedientiam



obedientiam ab eo quem indurauit, et iniquè punit eum qui iam obedire non ualeat. Cui argumento mox respondens ille primum ad hominem, inquit: O homo, tu quis es? etc. An non habet potestatem figulus lutum ex eadè massa? etc. Deinde ad rem ipsam, perfectam solutionem adiungens, dixit: Quod si Deus uolens ostendere iram & notam facere potentiam suam, substinuit in multa patientia uasa iræ aptata in interitum, ut ostenderet diuitias gloriæ suæ in uasa misericordiæ quæ præparauit in gloriam. Hic est sermo indignantis, qui præ indignatione significat quidpià non expressum, quod oportet subaudiri, ac si expresserit: Quis potest Deum iniquitatis arguere (quod est horrendum uel cogitare) si ille uelit ostendere uindictam, et per hoc notam facere potentiam suam in uasa iræ aptata in interitum? B. Augustinus dixit: Perfecta in interitum: ut intelligas quod non ipse aptauit, sed illa semet ipsa iam aptauerant et perfecerant. At è conuerso benè dicit quod ipse uasa misericordiæ præparauit in gloriam suam. Quod ergo Deus indurauerit Pharaonem, idest, misericordiam et auxilium gratiæ suæ, ut Augustinus exponit, ab eo subtraxerit: non à principio fuit, sed prius substinuit illum in multa patientia. Quod si postmodo per diuinæ gratiæ et omnis auxilij subtractionem excitatus est à Deo ut ostenderet in eum uirtutem et potentiam suam, qui benè utitur malis et peccatis, idque in gloriam suam, ut ostenderet diuitias bonitatis suæ in uasa misericordiæ: quis potest hoc Dei consilium reprehendere; iussissimum quidem in uasa iræ, et benignissimum in uasa misericordiæ?

Dicis, non debuit subtrahi auxilium gratiæ cuiquam donec fuerit uiator: et uiator est quisque donec in hac uita manet. Quis ad hanc regulam obligauit Dominum? An non potest ille ex meritis hominis contumacis et proterui, quem posset iure occidere sicut fecit multis, et occisum cōfessim trudere in geennam, nihilo magis seruare illum in uita,

non iam ut uiatorem hac parte, ut possit ad patriam tendere, sed ut illius proteruia et rebellionē utatur ad sui gloriam et in exemplū atq; ostentū multis? Quid enim obstat ne sit aliquis perfectus peccator, qui cōpleuerit malitiam suam ut Diabolus satan, ac propterea perfectam iram promereatur, et Dominus utatur illo ad bonum aliquod, ad ostentum ut iam diximus, et ad exemplum? Sic enim utitur ad bonum sanctis et perfectis uiris, quos iam confirmauit in gratia cū iam maturi essent ad gloriam, sed propter aliorum salutem hic retinentur.

Sunt autem plurima in scripturis, quæ si non istis uestris peruersissimis glossis peruertantur (quia uultis potius accommodare scripturas uestro sensui quem semel concepistis ut uerum, quàm sensum uestrum subdere proprietati uerborum ipsarum scripturarum, unde nihil absurdi consequitur) planissimè et commodissimè nostræ astipulantur sententiæ. Legimus enim Deum aliquos non solum indurare, sed repellere, deserere, excæcare, ingrauare, in tētionē inducere: dare; miscere, immittere spiritum compunctionis, spiritum soporis, spiritum uertiginis, operationem aut potius efficaciam erroris ut credant mendacio. Item cōuertere cor in malū et excitare odiū ut dolum faciāt etc. Hæc certè et alia his similia, quæ à Deo fieri leguntur, manifestè non misericordiam Dei, sed iustitiam sed uindictam, significant: & quo uis modo ea faciat Deus, etiam per solam gratiæ subtractionē, quam doctores sancti concedunt, nec tu negas: certe ad resipiscentiam non conducit, sed ad proteruiam et contumaciam usq; in finem.

Nec propterea dicimus sicut impij lutherani, quòd Deus immittat malitiam, & ita faciat in nobis aut per nos opus peccati sicut opus uirtutis, ut ita sit opus Dei propriū ludæ proditio, sicut Petri conuersio aut Pauli uocatio. Hoc enim horrendum est nimis, quod iurè subdismus anathemati. Illud ergo cum D. Augustino tenemus: sed præ

stat ut eius uerba producam . Postquam enim de superioribus plures induxit scripturas : Inuenimus inquit, aliqua peccata etiam pœnas esse peccatorum : sicut sunt uasa iræ, quæ perfectæ in perditione dicit Apostolus : sicut est induratio Pharaonis . Hæc ille . Sic etiã ait à Deo inclinaram uoluntatem Semei ad maledicendum Dauid , & conuersam fuisse Roboam uoluntatem similiter , ne consilium admitteret seniorum . Et post similia quædam : Agit .n. inquit, omnipotens in cordibus hominum etiam motum uoluntatis eorum , ut per eos agat quod per eos agere ipse uoluerit , qui omnino iniuste aliquid uelle nõ nouit . Deniq; , ueritatis potentia impulsus , uerè & sapienter concludit in hæc uerba : Videte quæ scripta sunt in epistola Pauli Apostoli ad Romanos : Propterea tradidit illos Deus in desideria cordis eorum in immunditiã . Item paulò post : Propterea tradidit illos Deus in passiones ignominie . Item paulò post : Sicut non probauerunt Deum habere in notitiam , tradidit illos Deus in reprobam mentem , ut faciant quæ non conueniunt . Et ad Thesalonicensēs in epistola secunda ait de quibusdã : Pro eo quòd dilectionem ueritatis nõ receperunt ut salui fierent , ideò mittet illis Deus operationem erroris , ut credant mendacio , ut iudicentur omnes qui non crediderunt ueritati , sed consenserunt falsitati . His & talibus testimonijs diuinorum eloquiorũ , quæ omnia commemorare nimis longum est , satis quantum existimo manifestatur , operari Deum in cordibus hominum ad inclinandas eorum uoluntates quocunq; uoluerit siue ad bona pro sua misericordia , siue ad mala pro meritis eorũ iudicio utiq; suo aliquando aperto , aliquando occulto , semper autem iusto . Fixum enim debet esse & immobile in corde uestro quia non est iniquitas apud Deum . Ac per hoc quando legis in literis ueritatis , à Deo seduci homines , aut obtuendi uel obdurari corda eorum : nolite dubitare præcessisse mala merita eorum , ut iuste ista pas-

nota uerba  
Augustini  
de gratia &  
lib. arb.  
cap. 21 .

Nota regu-  
lam ueram

terentur : ne incurratis in illud prouerbum Salomonis : Inſipientia ui-  
ri uiolat uias eius , Deum autem cauſatur in corde ſuo . Hæc ille .  
Quæ non alia indigent ueſtra expoſitione : ſiquidem ipſa non aliud  
ſunt quàm expoſitio planiſſima & clariſſima .

Quæ uerò tu ex pietate Origenis adducis , quòd Deus uult omnes  
homines ſaluos fieri , et non uult mortem peccatoris , & nemini claudit  
gremium , modo pœniteat & ingemifcat : nihil ad hos pertinēt , qui iam  
iudicati ſunt , et in numero uiatorum non ſunt ut queant legitime pœ-  
nitere & ingemifcere . Quòd item ait B . Thomas eſſe erroneum  
aſſerere , dari aliquod peccatum in hac uita , de quo quis pœnitere non  
poſſit , tùm quia ab homine auferretur liberum arbitrium , tùm quia  
derogaretur uirtuti gratiæ : indiget intelligētia ſana . Certū eſt enim  
neminem poſſe fructuoſè pœnitere abſq; auxilio gratiæ Dei : Et tamen  
non derogatur per hoc libero arbitrio . Si quis ergo diceret , poſſe ho-  
minem abſq; Dei gratia per liberum arbitrium reſiſcere : hæreſim  
damnataſ diceret . Hæc eſt igitur uera : De quolibet peccato poteſt  
quis pœnitere ſi Dei gratia illi non deſit . Et idcò erronea cenſetur  
hæc oppoſita : De aliquo peccato quis , etiam Dei gratia adiutus , pœ-  
nitere non poteſt . Sic enim Dei gratiæ et libero arbitrio , quòd Dei  
gratia adiuuatur , derogaretur . Vnde benè cōcluditur per D . Tho-  
mam , quòd omne peccatum in hac uita per pœnitentiam uerā deleri po-  
teſt . Sed illud in quæſtione uerſatur , utrum quilibet pœnitentiam ue-  
ram habere poſſit . Certè ex ſe ipſo nemo habere poteſt . Quòd ſi  
gratia priuatus , etiam obduratus fuerit , id eſt , deſertus à Deo , ſicut  
nonnullis ob ipſorum inſigne peccatum aut duritiā contingere iam  
probauimus : ſimpliciter dici poteſt , eum talē pœnitentiam uerā habere  
non poſſe . Et hæc ad D . Thomam , qui alijs locis pro nobis militat .  
Non puto igitur eſſe negandum , quosdam in hac uita perfectos eſſe

in malitia & odio Dei, quos et uersa uice odio perfecto Deus odit, ut habeat iam in secreto suo iudicio pro damnatis, & hos rectè dixit B. Ambrosius, præparare Deū ad interitum, sicut & bonos præparat ad coronam: sed in hac uita utitur eorum malitia & contumacia in aliis quod bonum, ut dictum est: sicut è conuerso habet & nonnullos perfectos pro beatis & iam comprehensibilibus secundum certissimam spem, quorum tamen opera utitur in hac uita ad aliorum conuersionem & clarificationem suæ gratiæ in illos.

Neq; uerò huius rei notitia atq; prædicatio noxia est si prudenter prædicetur ut alibi scripsi: sed temperandus est sermo, ut id agat exhortator, quò & nemo in desperationem inducatur, nec tamen tanta tamq; fallaci spe alatur qui est in peccatis, ut putet in sua esse potestate & uelle resurgere, et tunc quando uoluerit, id illi accidere. Quot enim sunt qui usq; ad ultimum diem mortis expectant, perpetuò licenter peccantes, ut tunc conuertantur? Sed quot sunt ex his tandem qui falluntur? Ideo non oportet huic falsæ spei atq; irrationabili suffragari. Nec tamen cum ad particularem descenditur quamuis insignè peccatorem, nos qui Dei iudicia ista quæ in sua continet potestate nescimus, debemus reijcere & à spe deterrere, sed omnibus polliceri misericordiam Dei uberem, quæ non repellit suppliciter ad se clamantes. Non est enim hominis eum signare qui talis est, id est, quem Deus despxerit. Et cum sit iam de hoc actum quisquis is fuerit, non est metuendum ne illius correctioni obsit hæc prædicatio, qui iam corrigi nequeat. Porro qui talis non fuerit, deterrebitur à peccato potius hac prædicatione, quam in desperationem conijciatur, si audierit quòd nemo seipsum debeat iudicare talem, sed id semper agere quod in se est, ut sese à peccato explicet atq; euellat, ne fortè talis aliquando fiat. Nam & hoc ad gloriam Christi pertinet, ut qui respucrint misericordiam,


# DISCEPTATIO QVINTA

Et sanguinem testamenti reprobauerint, iam perfecti ad interitum; Dei iudicio uasa contumeliae fiant. Et hæc circa hanc quintam disceptationem existimo satis esse.

Ad omnia de quibus, in tuis hætenus publicatis scriptis, abs te reprehendor mi frater, ita mi hi uideor planè ac dilucidè respondisse; ut facile, nisi mentis oculos amiseris, queas agnoscere, uniuersam dispositionem tuam scatere calumnijs euidentibus atq; erroribus; ut nunc tuum sit iam honori tuo consulere, nō errores erroribus, et calumnias calumnijs addendo (quandoquidem alio pacto mendacia defendi non possunt) sed gloriofius ad ueritatem respiciendo, Et illam ingenuè confitendo. Sic. n. Deo satisfacies et fratri tuo et cæteris hominibus coram Deo, qui falli technis aut astu ullo nō potest: quod nisi animositatem quandam, qua multi prædicant te teneri, deposueris frater, profectò efficere nō poteris. Ego uerò, ut qui te

fraternè admonuerim, lauero manus meas ab hoc delicto, Et curabo orationibus et sacris ficijs sinceram erga te et omnes homines seruare pacem

Et charitatem.



Benedictus Deus.

## Errata Impressoris corrigenda.

Charta	pagina	uersu			
9	2	14	igitur tam audacter	lege	tam audacter
13	1	11	specialem		speciale
17	2	11	dicuntur		dicuntur
21	1	19	rut		runt
25	2	14	enim B. Ambrosius	B. n. Ambrosius	
28	1	5	ordinaret in talem, finem ad, quem præuia		
			distingue comis hoc pacto		
			ordinaret in talem finem, ad quem, præuia		
28	1	7	sequenturos		sequenturos

## REGISTRVM.

A B C D E F G H I K L M N O P Q R S.

Omnes sunt duerniones.

Terminatum Romæ in officina Antonij Bladi Camera  
Apostolicæ Impressoris, Die nona mensis  
Martij, Anno Domini

M. D. L I:





5-5-1

